


72

4

X. a. 4


X. a. 4.



552

CIMELIA

[Faint handwritten text on the right edge of the book cover, including numbers like 32 and 34.]



COLLOQUIORVM
SCHOLASTICORVM
LIBRI QUATUOR.

Ad pueros in sermone Latino pau-
latim exercendos:

*Nuper recogniti, & multò quàm antea &
politiores & ornatiores.*

AUCTORE M. GORDERIO.



Typis
SEBASTIANI STERNACII.

Typographus Lectori S. P. D.

SU N T hæc Colloquia ejusmodi, Amice Lector, quæ (nisi me fallit animus,) bonæ indolis pueros magno-
pere juvare possint, ad eas res consequendas, quas ego semper in votis habui, & in quibus ut pueri ex-
ercerentur, omni professionis suæ tempore potissimum la-
borârunt multi; hoc est, ad pietatem, & bonos mores, cum
litterarum elegantia conjungendos. Equidem fateor aliis o-
pus esse ad eam rem adjumentis, quàm hæc sint puerilia col-
loquia. sed tamen, si pueri diligenti magistrorum exhortati-
one assiduè incitati, in his lectitandis sese oblectabunt, fu-
turum confido, ut non solum purius & honestius sermones
inter se conferre assuescant; sed à pravis etiã colloquiis abs-
tinere, quibus (ut ait Apostolus ex Menandro) mores boni
corrumpuntur. Hic enim, præter linguæ Latinæ simplicem
puritatem, multæ interjectæ sunt modò ad pietatem & Dei
timorem admonitiones, modò præcepta salutaria de mori-
bus, passim verò documenta sive exempla ad rectè vivendū
accommodata. Ut interim taceam quot modis, unâ & eâ-
dem operâ, excitari, & acui possit puerorum ingenium & ad
prudentiam, & ad judicium comparandum: ubi scilicet al-
ter alterum hortatur, admonet, arguit, libereq; reprehendit.
Porro in his ipsis libellis sic inducuntur loquentes pueri, ut
etiã obiter parentes, pædagogi, præceptores quoque mi-
nùs diligentes, de suo quique in tractandis puerilibus inge-
niis officio, compluribus in locis admoneantur. Reliquum
est, ut illa pueri, in quorum usum conscripta sunt, eo quo e-
dita sunt animo, amplectantur, & legant, iisq;e, quandiu
opus erit, fruantur. Quòd si quid fructus ex eorum lecti-
one se percepisse intellexerint: ei gratias agant im-
mortales, qui nobis ad ea imprimenda & ani-
mum & facultatem suppeditavit.




LIBRI I. COLLOQUIUM I.

Argumentum.

In hoc colloquio quaesita est colloquendi materia ex simulato ludendi praetextu. EXEMPLUM bonae indolis puerorum, ubi alter bene monet, alter paret sine controversia.

Colloquuntur

BERNHARDUS, & CLAUDIUS.

ALVE CLAUDI. C. Tu quoque, saluus sis Bernharde.
B. Ludamus paulisper. C. Quid ais ineptule? vix
scholam ingressus es, & jam de ludo loqueris? B.
Ne irascaris, quaeso. C. Non irascor. B. Quid ergo
sic exclamasti? C. Accuso tuam stultitiam. B. Non licet igitur lu-
dere? C. Immo licet; at cum tempus est. B. Vah, tu nimium sapi-
c. Veram tantum scirem satis. sed mitte me, quaeso, ut repe-
tam que mox reddenda erunt praeceptori. B. Aequum dicitur: volo
ego quoque tecum repetere, si tibi placet. C. Eho, quid hoc est? quid
sibi vult ista tam subita mutatio? nonne tu modo loquebaris de
lusu? B. Loquebar quidem, sed non serio. C. Cur simulabas? B. Ut
pauci tecum fabularer. C. Quid illud prodest? B. Etiam rogas
nunquam audivisti ex praeceptore? C. Nunc mihi non occurrit.
Quid, inquam, prodest confabulari? B. Ad nos in Latina lingua
exercendos. C. Profectò recte putas: & ego te nunc magis amo.
B. Habeo tibi gratiam. Age, repetamus praedilectionem: nam bre-
vi praeceptor aderit.

COLLOQUIUM II. ARGUMENTUM.

Puer ultro salutatum venit praeceptorem; comiter ab illo accipitur
reddit quae praescripta fuerant: laudatur à magistro. Deum laudat: mu-
nusculis blandè invitatur. Exemplum ad parvulos blandè & comites
in schola tractandos, ne severitate disciplinae absterreantur.

STEPHANIO, PRÆCEPTOR.

SALVE Praeceptor. P. Salvus sis, mi Stephanio. Unde venis
tam multò mane? S. E cubiculo nostro. P. Quando surrexisti?
S. Paulo ante sextam. P. Quid ais? S. Sic est ut dico. P. Tu nimis
es matutinus. quis te expergescit? S. Frater meus. P. An pre-
tatus es Deum? Cum primum frater me percutit, precatus sum.

P. *Quomodo?* s. *Flexis genibus, & conjunctis manibus dixi pre-
 cationes consuetas, cum gratiarum actione.* P. *Quâ linguâ?* s.
Latinâ. P. *O factum bene! quis te misit ad me?* s. *Nemo.* P. *Quid
 ergo?* s. *Utrò veni.* P. *Mi animule, quàm pulchrum est sapere.
 Nonne est jentandi tempus?* s. *Nondum esurio.* P. *Quid vis igi-
 tur?* s. *Volo reddere nomina quotidiana, si tibi placet audire me*
 P. *Quidni placeret? tenes igitur memoriâ?* s. *Teneo, gratia Deo.*
 P. *Agè, pronuncia.* s. *Sed mihi soles preire Polonicè, & ego La-
 tinè respondeo.* P. *Bene mones: penè istud oblitueram.* responde
igitur. s. *Expecto ut proponas.* P. *Głowá.* s. *Caput.* P. *Wierzch
 głowy.* s. *Vertex.* P. *Piszod głowy.* s. *Sinciput.* P. *Tyt głowy.*
 s. *Occiput.* P. *Nunc responde Polonicè: Caput.* s. *Głowá.* P.
Vertex. s. *Wierzch głowy.* P. *Sinciput.* s. *Piszod głowy.* P.
Occiput. s. *Tyt głowy.* P. *Quid si nunc solus dicas omnia.* s.
Facile dicam. P. *Ego verò te libenter audiam.* s. *Caput, Głowá.
 Vertex, Wierzch głowy. Sinciput, Piszod głowy. Oc-
 ciput, Tyt głowy. Nonne bene dixi, preceptor?* P. *Quamopti-
 mè.* s. *Laudetur Dominus Deus.* P. *O pulchrum verbum! ito nūc
 petitū ab ancilla jentaculū.* s. *Malim abste accipere preceptor,
 si tibi nō est molestū.* P. *O quàm te amo de isto verbo agè, seque-
 re me; dabo tibi aliquid boni quia tuum rectè fecisti officium.
 Quid est hoc?* s. *Panis cādidus, Biały chleb.* P. *Quid hæc sunt?*
 s. *Ficus aridæ, Suche figi.* P. *Numeras.* s. *Vna, duæ, tres, qua-
 tuor, quinq;, sex.* P. *O lepidum capitulum! lenta nunc otiosè.*

COLLOQ: III. ARGUM.

Pædagogus à puero rationem studii exigit; reddit puer alacriter: ad-
 moneatur ut à mendacio caveat. Formula ad verborum declinationem
 pueris breviter indicandam, postquam exempla generalia didicerint.

PÆDAGOGUS, PUER.

ESNE paratus ad reddendam studii tui rationem? Pu: Para-
 tus, ut mihi videor. PÆ: Redde igitur, & esto presenti animo.
 Pu: Hoc matutino tempore primùm pronuntiavimus carmen
 ex Catone: deinde ejus interpretationem Latinè, & Polonicè
 reddidimus

reddidimus: postremò bini tractavimus singulas partes orationis, cum attributis & significatione. PÆ: Rectène fecisti officium tuum? PU: Puto me satù fecisse præceptorì magna ex parte. PÆ: Vide ne mentiaris. nam ego illum percuntabor. PU: Vt voles præceptor: nihil hac in re metuo. PÆ: Agè pergamus, Meridie quid habetis reddere? PU: Habemus declinare verbum Possum. PÆ: Nihil præterea? PU: Nihil. PÆ: Ego te istud aliàs docui: tenesne memorià? PU: Non ausim affirmare, donec tentavero. PÆ: Declina in primas personas: cetera tibi erunt facillima. PU: Indicativus, Possum, poteram, potui, potueram, potero. Imperativus deest. Optativus, Utinam possim, utinam possem, utinam potuerim, utinam potuissem. Subjunctivus, ut possim, ut possem, quamvis potuerim, quamvis potuissem, cum potuero. PÆ: Declina totum infinitivum. PU: Infinitivi modi præsens & præteritum imperfectum, Possesse. Præteritum perfectum & plusquam perfectum, Potuisse. Cetera desunt. PÆ: Cur hoc verbum Possum caret Futuro indefinito, cur itè Participio in RUS? PU: Quia nò habet supinum. PÆ: Quid tum? PU: Illa enim voces à supino formari solent. PÆ: Da exemplum in aliquo verbo integro? PU: Vt a supino lectum, fit lecturus; & à lecturus, fit lecturum esse. PÆ: Rectè sanè. Sed cur prætermisisti Participium præsens à verbo Possum, cum sit in usu, potens potentis? PU: Quia (ut saepe nos docuisti) Potens non est participium, licet à Possum veniat. PÆ: Quid ergo est? PU: Nomen adjectivum. PÆ: Probè meministi: utinam sic pergas semper. PU: Spero indies meliora; per Dei gratiam. PÆ: Ego quoq; idem tecum spero. Nunc restat ut dicas Præteritum cum prole. PU: Potui, potueram, potuerim, potuero, potuissem, potuisse. PÆ: Dic terminationes. PU: I, rã, rim, ro, ssem, sse. PÆ: Dic significationem. PU: Possum, moge; possem, mogebym. PÆ: Hactenus. ecce vocamur ad prandium.

COLLOQ. IV. ARGUM.

Amici libera reprehensio, si bene accipiatur, haud mediocriter profect

COLLOQU: SCHOLAST.
CHOLETUS, COLOGNERIUS.

VNDE nunc redis? CO: Foris. CH: Cur prodieras? CO: Ut irem domum. CH: Quid eos? CO: Petitur; libros meos. CH: Ebo, curnō attuleris? CO: Oblitus eram. CH: Sicciné soles jentaculum aut merendam oblivisci? CO: Rarissimè. CH: Profecto magna fuit negligentia. CO: Immo maxima. sed quid agas? pueri sumus. CH: Quid si preceptor tuum factum sciret? CO: Fortasse pœnas darem. CH: Ain? tu fortasse? proculdubio vapulares. Non te pudet sine libris in scholam venire? CO: Non solùm pudet, sed piget etiam: verùm tamen ne me accuses, obsecro. CH: Nihil minus cogito: sed non possum dissimulare, quin ego te reprehendam. CO: Istud (credo equidem) amicè faciis: itaq; boni consulo. CH: Id satù est mihi. eamus inrò in auditorium. CO: Tempus est: jam decuriones exigunt scripturæ rationem.

COLLOQ: V. ARGUM.

Parvulus puer ludendi copiam sibi & condiscipulis impetrat. Quintil: Nec me offenderit lusus in pueris. EXEMPLVM ad parvulos. &c. ut in secundo colloquio.

PUER, PÆDAGOGUS.

PRÆCEPTOR, licetne pauca? PÆ. Loquere audacter. Pu: Ego & cōdiscipuli mei hoc ferè toto triduo libris infixi fuimus; licetne paulisper animum ludo relaxare? PÆ: Dic igitur aliquam sententiam.

Pu: Interpone tuis interdum gaudia curis,
Ut possis animo quemvis sufferre laborem.

PÆ: Dic etiam versus Polonicos, si memoriã tenes.

Pu: Pod czás w pracách twych záziy krotokwile/
Abyc wšelka zefstá robotá mile.

PÆ: Quàm rectè dixisti omnia. Pu: Est Deo gratia. PÆ: Ad-
dendum posthac erit aliquid. Pu: Quidnam, preceptor? PÆ: Qui
dedit mihi ingenium, & mentem bonam. Pu: Sed qui docebit
me illa verba? PÆ: Ea scribam tibi in commentariolo tuo, ut e-
discas. Sed dic mihi, quaso, qui te docuit istam orationem quã
pronun-

pronunciaſti? PU: Campanus heri dederat mihi ſcriptam: Ego memoria mandavi. PÆ: Profecto ego te amo, mi Daniel, ob iſtam diligentiam. PU: Ago tibi gratias, præceptor. Permittuntur igitur ut ludamus? PÆ: Sanè. abi, renuncia diſcipulis tuis. PU: Faciam. PÆ. Quid dices illi? PU: Id quod me docuiſti aliquando. PÆ: Sed volo priùs ex te audire. PU: Gaudete pueri: en afferovobis jucundum nuncium. Ego vobis imperavi ludendi poteſtatem. PÆ: Euge, probè meministi. ito nunciatum.

COLLOQ: VI. ARGUM.

Duo pueri diligenter repetunt, quæ ſunt in auditorio reddituri. EX-EMPLUM diligentia in pueris, pro capto atarula. Utinam atate & doctrinâ provecti hoc imitarentur exemplum.

CONRADUS, DANIEL.

REPETAMUS nomina quotidiana; ut certius reddamus ea præceptor. D. Bene mones præito mihi heſterna. c. Dic Latine Oko. D. Oculus. c. Práve oko. Oculus dexter. co: Lewe oko. D. Oculus ſiniſter. c. Obie oce. D. Ambo oculi. Probè tenes. D. Nunc audi an rectè ſolus dicam. c. Agè; audio. D. Oko. c. Debes enumerare in digitis; ut docet præceptor. D. Quid prodeſt iſtud? c. Ad memoriam juvandam. D. Quid hoc ſibi vult? c. Non audiviſti toties? D. Ego ſum obliſoſus, quid agerem? c. Eſto diligentior ad ea retinenda quæ præceperis. D. Quodd me fideliter mones, pergratum faci. c. Agè, ad rem redi. D. Oko. Oculo. Práve oko: Oculus dexter. Lewe oko: Oculus ſiniſter. Obie oce: Ambo oculi. c. Quam rectè omnia dixiſti. D. Repetamus etiam hodierna. c. Placet. At tu viciffim præito mihi. D. Rěká. c. Manus. D. Práva rěká. c. Manus dextera. D. Lewa rěká. c. Manus ſiniſtra. D. Obie rece. c. Ambæ manus. D. Reſtat ut ſolus dicas. c. Rěká: Manus, Práve rěká: Man^o dextera. Lewa rěká: Manus ſiniſtra. Obie rece: Ambæ manus. D. O ſi tam bene diceremus coram præceptore. c. Quid obſtat? D. Quia timemus. c. Et tamen erra-

ta nostra satis humaniter corrigit. D. Nescio quid hoc sibi velit: ego semper sum timidus in principio. C. Istud est quodammodo naturale omnibus; ut audivimus ex præceptore. D. Nunc repetendum esset Latinè, & Polonicè; sed præceptorem venientem video, C. Ingrediamur.

COLLOQ: VII. ARGUM.

Ejusdè est argumenti cū super. Præterea qui errat, corrigitur ab altero, & admonetur. Laudatur memoria, & divinū esse donum agnoscitur.

GEORGIUS, IOANNES.

TENES NE memoriã prælectionem? I. Propemodum. G. Vinè repetamus unã? I. Maxime velim. G. Incipe igitur. I. Faciam libenter: sed tu attentè audi, ut me corrigas, si quid erravero. G. Agedum. I. Fac sumptum properè. G. Iam errasti. incipiendum fuit ab hesternã. I. Bene admones: nunc incipiam. Iratus de re incerta contendere noli. Impedit ira. G. Peccas accentu: itera. I. Impedit ira animum ne. G. Distingue post animum. I. Impedit ira animum, ne possit cernere verum. Fac sumptum properè cū res desiderat ipsa. Dandū et enim. G. Iterum peccas accentu. repete. I. Dandum etenim est aliquid, cū tempus postulat aut res. G. Vides ne te erravisse quater? I. Video. G. Et observasti locos? I. Observavi. G. Sic tibi facilius cavebis. I. Me miserum; putabam me retinere. G. Sic mihi quoq; solet accider e, quoties memoria non est bene confirmata. I. Felix, qui memoriã bonã habet. G. Magnū Dei beneficium. Sed tempus abit: audi nunc me. I. Audio; pronuncia. G. Iratus de re incerta contendere noli. I. Hem, præceptor adest: tace; ut illum salutemus.

COLLOQ: IIX. ARGUM.

Felix arguit Clementē negligentē. Clemens fatetur culpam; promittit diligentiam in posterum. **EXEMPLVM** bonæ indolis in puero.

CLEMENS, FELIX.

NIHIL NE est quod reddamus hodie præceptori? F. Nihil, nisi de Grammaticæ Rudimentis. C. Quidnam? F. Inspecilibrum
suum:

tuum: inuenies notas in quinque lectiones, quas praeceptor nobis praescripsit. C. Quando istud fuit? F. Die Veneris, hora quartâ. C. At ego tunc non interfui. F. Ergo plagas meruisti. C. Sic in iudicis, severe iudex? occupatus eram domi: nec abieram in iussu praeceptoris. F. Esto, sed tamen debuisti postridiè querere quod pridie actum esset. C. Meam culpâ confiteor, sed cedo librum tuum, quæso; ut videam quid nobis reddendû sit. F. Accipe & eadè operâ signato, quæ à praeceptore nobis praescripta sunt. C. Faciam diligenter: nequæ posthac (ut spero) me accusabû negligentia.

COLLOQ: IX. ARGUM.

Quidâ, quod abfuerit, querit ex cõdiscipulo quid actû sit in auditorio
COMES, OLIVARIUS.

QUID actum est in auditorio hora tertiâ? O. Tractata sunt orationis partes ex praelectione. C. Nihilne ampliùs? O. Dixissem, nisi me interpellasses. C. Erravi, perge. O. Postea dictavi praeceptor argumentum Polonicum, hodie vertendû. C. Quando reddendû? O. Cras meridie. C. Iamne vertisti? O. Vix unquæ. C. Dicta mihi, quæso, vernaculum. O. Excipe, festina: nam habeo scribere aliquid.

COLLOQ: X. ARGUM.

Exordium est ad repetendam praelectionem.

SILVIUS, GENASIUS,

QUID agûs? G. Repeto mecum praescriptum hodiernum praeceptoris. S. Tenesne memoriâ? G. Sic opinor. S. Repetamus unâ: sic fiet ut uterquæ nostrûm rectiùs pronunciet coram praeceptore. G. Tu igitur incipe, qui me provocasti. S. Agè, attentus esto: ne me sinas aberrare. G. Sum promptior ad audiendum, quàm tu ad pronuntiandum.

COLLOQ. XI. ARGUM.

Ad idem cum proximo superiore.

ACCORATUS, CURTIUS.

VIS NE mecum repetere praelectionem? C. Volo. A. Tenesne?

C. Non fatū rectè fortasse. **A.** Agè, faciamus periculum. **C.** Quid igitur expectamus? **A.** Vbi volēs, incipe. **C.** Atqui tuum est potius incipere. **A.** Quid ita? **C.** Quia me invitasti. **A.** Æquum dicis, attende igitur. **C.** Istic sum.

COLLOQ: XII. ARGUM.

Exordium est ad colloquendū. Qui bene agit, reprehendi non timet. Prudenter igitur facit, qui præceptū illud usurpat, Sic age, ne timeas.

CRISPUS, SANDROTUS.

IAM NE tenes quæ reddenda sunt horâ tertiâ. **S.** Teneo. **C.** Ego quoq̃. **S.** Ergo confabulemur paulisper. **C.** Sed si intervenierit observator, putabit nos garrere. **S.** Quid times, ubi nihil timendum est? Si venerit, non deprehendet nos in otio, aut in re mala: audiat, si velit, nostrum colloquium. **C.** Optimè loqueris: secedamus aliquò in angulum, ne quis nos impediat.

COLLOQ. XIII. ARGUM.

Admonitio brevis, sed pueris aptissima.

TRIMUNDUS, MESSOR.

NON decet hic otari, aut garrere, dum præceptor expectatur. **M.** Quid agis, Non decet? immo verò non licet: nisi volumus vapulare. **T.** Tu igitur audi me, dum prælectionem pronuncio: ego deinde te audiam. **M.** Agè, pronuncia.

COLLOQ: XIII. ARGUM.

Ab amico petitur aliquid operæ: promittitur dari per opportunitatem. **E**XEMPLVM amici officiosi.

TITUS, VALERINS.

CUR non scribis? **V.** Quia non libet. **T.** Atqui præceptor iusserat. **V.** Scio: sed est mihi aliquid legendum prius: præter ea nihil habeo quod nunc scribam. **T.** O si velles mihi scribere. **V.** Quidnam? **T.** Habeo describenda dictata præceptoris. **V.** Quæ dictata? **T.** In Ciceronis epistolas. **V.** Libenter describam tibi: sed expecta feriarum diem proximum. **T.** Expectabo igitur: sed ne fallas, quaeso. **V.** Nec sciens, nec volens fallam.

COLLOQ: XV. ARGUM.

Damon officium petit ab Audace: hic, occupationē causatus, bellè de-

negat Alter non urget ulterius EXEMPLVM modestiæ tum in petendo, tum in denegando.

DAMON, AUDAX.

VISNE mihi describere prælectionem? A. Cur non habes? D. Quia hesterno die fui occupatus. A. Accipe librum meum, & describe. C. Non ignoras me lentius scribere: & tu citius totum descrixeris, quam ego quatuor aut quinque versiculos. A. Quære tibi alium scriptorem: nunc ego tibi non possum operam dare. D. Cur non? A. Est mihi aliud negotium, idemq; per necessarium. D. Nolo te urgere; nec possum quidem: sed saltem commoda tuum codicem. A. Accipe, utere ut libes; modo ne abutere. D. Nihil est quod hic verearum.

COLLOQ: XVI. ARGUM.

Exemplum diligentia in agendis rebus.

AUGUSTINUS, OBSERVATOR DOMESTICUS.

LICETNE ire cubitum, condiscipuli? O. Cur ante horam? A. Quia tertia est mihi surgendum. O. Quamobrem? A. Scribendi causa. O. Quid scripturus es? A. Litteras ad patrem. O. Cur non petis a præceptore veniam? A. Bene mones. estne in musæolo? O. Puto esse: vise.

COLLOQ: XVII. ARGUM.

Quidam puer studere mavult quam ludere. EXEMPLVM in pueris rarissimum.

PÆDAGOGUS, PUER.

VNDE venis? Pu: Venio infernè. PÆ: Quod erat tibi negotium infra? Pu: Iveram redditum urinam. PÆ: Sede nunc ad mensam, & mane in cubiculo. Pu: Quidnam agam interea? PÆ: Edidisti prælectionem in diem crastinum. ut eam mihi reddas antè cœnam. Pu: iam edidisti, præceptor. PÆ: Lude igitur. Pu: Sed nullos habeo collutores. PÆ: Satis multos invenies in hac vicina, ex tuis etiam condiscipulis. Pu: Nihil id curo. PÆ: Vt libet. Pu: Si quis te quæret, quid illi dicam? PÆ: Dic me prodidisse, sed mox reversurum.

COL.

COLLOQ: XVIII. ARG.

Quidam pædagogus discipulum educit ambulatum. Exercitatio corporis. Socratis apophtegma. Ambulatio fit propter comites iucundior. EXEMPLVM honestæ remissionis in studiis.

PÆDAGOGUS, ABRAHAMUS, PUER.

HEUS Abraham. A. Hem, præceptor. P. Pone libros; jam satis toto die studuisti: para te ut eamus ambulatum. A. Nonne à cœna præstaret? P. Salubrior est ante cibum exercitatio corporis. A. Memini ex te audire. P. Narra Socrati dictum in eam sententiam. A. Cùm Socrates usq; ad vesperum contentius ambularet, interrogatus quare id faceret, respondit, se, quod melius cœnaret, obsonare famem ambulando. P. Probè meministi. Quis auctor? A. Cicero. Sed quonam prodibimus, præceptor? P. Extra urbem. A. Mutabonè calceos? P. Mutane istos novos pulvere cõspergas. sume etiam umbellam; ne solû ardor infuset tibi faciem. A. Iam paratus adsum. P. Nunc sanè prodeamus. A. Vocabonè ex viciniâ unum aut alterum comitem? P. Rectè admones, sic enim iucundior erit deambulatio: nam per viam sermones inter vos conferetis, & in umbra colluderis alicubi. A. Sic etiam excitabitur cibi appetentia. P. Ego lento gradu præcedam: ubi nactus eris comites, vos me per totâ Ripariam sequimini. A. Nos igitur illic expectabû? P. Certò. A. Quid si nullos invenero? P. Nihilominus sequere me. audistin? A. Audivi, præceptor.

COLLOQ: XIX. ARGUM.

De emptione chartæ. Auctarium in emptione. Suam quisque utilitatem curat.

HERSENTUS, GIMARDUS.

AQUO emisti istam chartam: G. A Fatino. H. Estne bona? Melior quàm ista tua, ut opinor. H. Nihil miror. G. Cur istud dicû? G. Quia fortasse carior. G. Nescio. G. Quanti emisti schedam. G. Solido & semisse. tu verò quanti? H. Solido, & plurius. G. Quanti igitur? H. Quinque quadrantibus. G. Non malè profectò emisti. H. Quin etiam mercator dedit mihi actuarium. G. Quodnam, queso? Schedam chartæ bibulæ. G. O me impru-

dentem, qui oblitus sum petere. H. Ego ne petivi quidem, sed ultro ille dedit. & hoc, inquit, addo tibi, ut me revisas. G. Sic solent emptores allucere. H. Nec mirum. Suum quisq; commodum querit. G. Sed quid agimus, hodierni pensi immemores? H. Exiguam est: satū temporis nobis restat.

COLLOQ. XX. ARGUM.

Charta mutuo data reposcitur. Prudencis est, prius referre in codicem expensi, quam aliquid credere, sive dare mutuo.

ANCELLUS, FONTANUS.

MEMINISTIN? me tibi nuper dedisse chartam mutuo? Quidni meminerim? non adeo sum obliviosus. A. Quot erant scheda? F. Quatuor. A. Cur non reddidisti? F. Expectavi dum haberem codicem. A. Habuistine tandem? F. Tantum hodie. A. Unde nactus es? F. Petivi a preceptore. A. Vbi? F. In bibliotheca ejus. A. Quid ille; deditne libenter? F. Misit me ad hypodidascalum, qui statim dedit codicem. A. Non ante in suum codicem retulit? F. Nihil dare solet quin prius inscribat. A. Audivi ex patre, id esse viri prudentis. F. Praesertim si reddenda est ratio. A. Sed quibus iudiciis dare tibi ausus est? F. Ostendi illi manu mea scriptum in libello meo, sic enim (ut sciu) facere solemus. A. Reddes ergo mihi mutuum. F. A prandio statim. ne dubites.

COLLOQ. XXI. ARGUM.

Duo pueri de usu chartarum pueriliter disputant.

ROSSETUS, MARTINUS.

VNDE VENIS? M. Foris. R. Quid prodieras? M. Ut emerem chartam. R. Emistine? M. Emi. R. Quantum emisisti. M. Scaptum. R. Quanti? M. Quinque quadrantibus. R. Cujus formae? M. Minoris. R. Ostende. M. Vide num bona sit. R. Bona est profecto. Inque usum emisisti? M. Ineptè queris, quis est chartarum usus nisi ad scribendum? R. Immo alius. M. Quis cedo? R. Ad merces involvendas? M. Intelligebam de charta scholastica. non emporetica: non enim sum mercator. R. Vtimum etiam charta ad siccandam recentem scripturam. M. Satis scio: sed charta illa est bibula. R. Et

tamen charta est. M. Esto. R. Ergo multiplex est charta usus, etiam in schola. M. Cogor fateri. R. Etiam dicam tibi alium usum, & quidem in schola frequentissimum. M. Quem? R. Non ausim dicere sine prefatione honoru. M. Quid opus est inter nos honorem prefari? non enim verba fœtent. R. Dicam igitur, quando ita vi. M. Dic liberè. R. Ad tergendas nates in latrina. M. Illic non feruntur charta pura, sed jam scripta, eaq; inutilis. R. Quid tum? Charta sunt tamen. M. At ego de charta pura & nova loquebar. R. Sed interim victus es. M. Sit ita sanè, non me pœnitet disputatiuncule hujus nostræ. R. Sed jam à lusu disceditur. M. Et nos ergo loco cedamus.

COLLOQ: XXII. ARGUM.

Hugo & Blasius experiuntur atramenti sui mixturam. Mediocritas. Experientia. Ex duobus corruptis aliquid boni componitur.

HUGO, BLASIUS.

HABES NE bonum atramentum? Cur istud rogas? H. Vt mihi des aliquantulum. B. Eho, non habes? H. Immo: sed eo non possum scribere. B. Quid obstat? H. Quia nimis spissum est. B. Nescis diluere. H. Non est mihi aqua. B. Dilue vino. H. Multo minus. B. Quid si aceto dilueris? H. Inde charta perfluere. B. Quis scis? H. Audivi de quodam magistro, qui me docebat scribere. B. Ego verò aliud audivi magis miram. H. Narra mihi, sodes. B. Quid mihi dabis? H. Bonam aciculam. B. Audi igitur quod ego didici ex quodam pedagogo meo. Atramentum quod aceto liquefactum est, egrè eluitur. H. Fieri potest: sed interim da mihi parùm in usum presentem. B. Tene atramentarium tuum satis apertum: ego infundam tibi. H. Ecce infunde. Vah: quàm liquidum est! B. Fortasse quia non est gummi satis. H. Sed quàm decolor. B. Utere, si vis, quale est: non enim habeo melius. H. Quid igitur faciam? B. Hem, inepte, non potes pennam tuam bene miscere? H. Miscui satis: quid possem praterea? B. Infunde rursus in cornu meum. H. Admove propius, estne satis? B. Comprime pennam linteolum. H. Ita compressi, ut ferè sit aridum, quid erit tan-

dem? B. Atramentum bonum, aut certè mediocre. H. Bona est mediocritatis regula; ut ex præceptore didicimus: Sed nunquid ex duabus malis rebus consci potest aliquid boni? B. Vbi miscuero, & tibi rursus infudero, videbis experimentum. H. Ardeo istud videndi desiderio. B. Porrige nunc atramentarium tuum. H. Ecce, infunde. Ohe, jam satum est. quæ isthæc est profusio? plus mihi dedisti, quàm tibi retinueris. B. Commisce iterum etiam, atq; etiam. H. Nunquam posset coquus sua jura & condimenta meliùs confundere. B. Iam tandem facito periculũ. H. Dicta mihi aliquam sententiam; ut interim discam aliquid. B. Experientia (ut vulgò dicitur) est rerum magistra. Habes? H. Dicta citiùs? B. Videlicet jam pridem tenebas. H. Quis illud ignoraret, quod est adeò vulgare? B. Nunc videamus. H. Res apparebis meliùs, ubi scriptura bene desiccata fuerit. B. Quid vñ expectare? jam sicca est plus satum. H. Ob; vide quàm nigra sit. B. Dixinè verè? H. Aliquando periculum feceras, scilicet. B. Constabit igitur Experientiam esse rerum magistrã. H. Quinetiam hinc experimur, ex rerum commistione bonum fieri temperamentum. B. Iam incipis altiùs philosophari. itaq; discedo. H. O longum sermonem de nihilo! B. Nihil me pœnitet: alioqui inertio otio torpebamus.

COLLOQ: XXIII. ARGUM.

Pennæ venales. Diversa vivendi ratio pro locorum diversitate. Hic observa communem emptorum morem qui tot verbis tentant de pretio indicato aliquid detrahere.

FRANCUS, MARIUS.

PENNÆ iste, quis circumfers, suntne venales? M. Etiam, si se emptor obtulerit. F. Ostende. vah, quàm sunt molles! M. Tales deciderunt ex alii nostrorũ anserum, sed tenta diligenter: sunt enim aliæ aliis firmiores. F. Satum video quales sint: quot vñ dare pro quadrante? M. Tantum sex. F. Quid ai. sex? mallem emere à mercatoribus, qui Lutetiã, & Lugdano hac adferunt. M. Quos nesciam quanti vendantur. *Audivi ex fratre, qui das operam scribis*

scribe hujus civitatis, se emisse Lutetia singulis assibus. F. Aliter Lutetia, aliter Roma vivitur. sed non opus est tot verbis. vis dare duodecim? M. Huius duodecim? quasi ego furatus sim. F. Istud non dico. sed vide num tibi placeat conditio. M. Vis uno verbo dicam? F. Dic, quæso; satis jam garritum est. M. Dabo tibi novem: modò promiscuè de mea manu accipias. F. Nugas agis. ego sine delectu nollem accipere quindecim. Vale. alibi inveniam satius. M. Per me licet. Heus, heus, redi. F. Cur me revocas? M. Accipe, si vis, octo; nec à me plures expecta. F. Cedo totum fasciculum, ut deligam arbitrato meo. M. Tene; delige ut voles. F. Vide nunc, & si liber, numera. M. Sunt viginti quatuor. constat numerus. F. Sed miror te nullas accepisse ex ala extrema: sunt enim firmiores. F. Scio: sed habent caulem breviorum. Accipe pretium. M. Bene vertat Deus utriq; nostrum. F. Idem tecum opto, atq; precor. Sed quando afferes meliores pennas? M. Nescio an meliores possim: sed (ut spero) brevi plures afferam, cum ad vos domum profisciscar. F. Sunt ne vobis multi anseres? M. Triginta, & amplius. F. Papæ! quantus grex anserum! ubi pascuntur? M. Scies aliàs. non licet mihi diutius hic morari. Vale, France. F. Cura ut valeas Mari.

COLLOQ. XXIV. ARGUM.

Othomanus à Philiberto pennam commodato petitam accipit.

OTHOMANUS, PHILIBERTUS.

VISNE mihi dare unicam pennam? P. Non sic dantur mihi. O. Hè, rem tantillam mihi negas? quid si magnum quid rogarè? P. Fortasse repulsam ferres. O. Credo equidem. agè, non peto dono: saltè commodabù. P. Non recuso: modò ne abutare. O. Non abutar. P. Cave hinc pedem moveas. O. Nusquam moveo.

COLLOQ: XXV.

MERCATOR, BERTRANDUS.

ACUISTINE pennam meam? B. Iam dudum. M. Quà forma scriptura? B. Mediocri. M. Maluissem ad minutas literas. B. Debu-

B. *Deuisti predicere.* M. *Oblitus eram.* B. *Parum refert; mucronem facile mutabo. i. petitem.* M. *Sed ubi reliquisti?* B. *Super mensam hypocausti.* M. *In qua parte?* B. *Vbi studere soleo.*

COLLOQ: XXVI. ARGUM.

Pictonus à Iacobo pennam commodato petit. hic primo fingit se commodare nolle: deinde dono dar. Christi præceptum. Christi anus debet Christum præceptorem imitari. Colloquendi occasio quaesita per simulationem.

PICTONUS, IACOBUS.

HABESNE duas aut tres pennas? I. *Sunt mihi tantum duæ* P. *Da mihi unam commodato.* I. *Non faciam.* P. *Cur non?* I. *Ne abutaris.* P. *Memineris. fortasse aliquando me frustra rogabis aliquid.* I. *Atqui iubet CHRISTUS malum bono compensare.* P. *Nondum istud didici.* I. *Tamen discas oportet, si cupis esse Christi discipulus.* P. *Quid cupio magis?* I. *Disce igitur magistrum imitari.* P. *Discam, progressu temporis.* I. *Præstaret nunc incipere, dum per tempus licet.* P. *Nimiu urges. nondum complevi annum octauum, ut ait mater.* I. *Semper est bene agendi tempus. sed interim ne mihi, queso, succenseas: jocabar enim ut te ad colloquendum invitarem tantisper dum sumus otiosi.* Ecce tibi penna, eaq; non omnino pessima. P. *Reddam tibi statim, cum aliquid descripsero.* I. *Nolo mihi reddas.* P. *Quid igitur faciam?* I. *Qui quid voles: à me enim tibi dono datur.* P. *Gratiam habeo maximam.*

COLLOQ: XXVII. ARGUM.

De emptione scalpelli librarii, & eius probatione. Deus bona docet.

HENRICUS, GUALTHERUS.

VNDE redis tam anhelus? G. *A foro.* H. *Quid illinc afferes?* G. *Scapellum.* H. *Quanti emisti?* G. *Duobus assibus.* H. *Estne bonum?* G. *Est à Germania, ut dixit mercator, vide notam.* H. *Ego minime novi. sed tu non satis prudenter facis, qui fidam cuilibet mercatori.* G. *Quid facerem?* H. *Deuisti aliquem peritum adhibere, qui tibi optimum deligeret.* G. *Hic erravi, fateor: sed hoc*

me consolatur, quod mercator habetur vir bonus, utpote Catho-
lice professionis? H. Quasi nulli sint fallaces ejusmodi. G. Puto es-
se plurimos. Sed hæc omittamus, quin potius experiamur ipsum
scalpellum H. Experientia docebit nos. G. Accipe, & tenta, ob-
secro, non enim probavi, nisi levissimè, idq; inter emendam. H.
Pape! quis te docuit tam prudenter eligere? G. Rogas? non me-
ministi præceptorem nobis dicere tam sæpe, Deum esse qui bona
doceat. H. Profecto hic optimè te docuit. G. Agò illi ex animo gra-
tias: & precor, ut me semper doceat parère sua voluntati. H. Ego
quoq; idem precor; nec solum nobis, sed etiam piis omnibus. G.
Facis ut pius decet puerum. Sed est nè tempus, ut conferamus
nos in auditorium? H. Sic est. Sume libros, & eamus unà.

COLLOQ: XXVIII ARG.

Scalpellum commodatò petitur: datur; sed addita conditione. Com-
modatarius non debet ab uti commodato.

MICHAEL, RENATUS.

HABESNE scalpellum? R. Habeo. M. Oro te, commoda mi-
hi parumper. R. Quando reddes? M. Cum primum duas pennas
exacuero. R. Accipe: sed eâ lege, ut integrum reddas. M. Eâ
conditione acceptum intelligo, etiam si non addidisses. R. Intel-
ligenti (ut vulgò dicitur) pauca sufficiunt.

COLLOQ: XXIX ARGUM.

Consilii mutatio propter spem lucri. Consiliu bonu etiam inimicis
sandum. Christus magister optimus. Doctrina Christi studiosè se-
quenda. Spiritus divini instinctus.

SORDETUS, MARTINUS.

EMISTINE scalpellum, ut nuper volebas? M. Non emi. s.
Quid obstiterit? dixerat enim mihi, empturum te hodie. M. Dixe-
ram quidem: sed mihi postea in mentem venit, præstare ut ex-
pectem mercatum proxime futurum in hac ipsa urbe. s. Quid
facies lucri? M. Et minoru emã. & melioris nosã nempe ex Ger-
mania officinu. s. Qui tibi istud consilium dedit? M. Hierony-
mus noster. s. Bene fecit. Debemus enim amicis bonum
consilium semper dare. M. Tantumne igitur amicis? s. Ino-

ind & inimicū, fateor. quia sic jubet CHRISTUS præceptor
 noster optimus. M. Utinam doctrinam ejus bene infixam me-
 moria conservemus, eamq; perpetuò sequamur. S. Faxit ille Spi-
 ritus bonus cujus unius instinctu animi nostri ad beneagendum
 accenduntur. M. Bene precari.

COLLOQ: XXX. ARGUM.

Simon ab Haggæo librū commodato petitiō dat Haggæus, quia jam
 alteri dederat. Idem mavult injuriam pati, quàm accepere condisci-
 pulum ob privatam injuriam, () charitate rarissimam, Consilium bo-
 num res est tutissima.

SIMON, HAGGÆUS.

COMMODA mihi Vergilium tuum in duos dies, si nullo
 incommodo tuo id fieri potest. H. Profectò non possum. S. Cur
 non? H. Cùm Gerhardus hū diebus à me commodatò accepisset,
 pignori opposuit. S. Ain' tu, pignori? H. Sic est, ut dico. S. Quantū
 oppignoravit? H. Tribus, ut ait, assibus. S. Ohominem ingratum
 H. Tantumne ingratus? Immo verò & ingratus & malus.
 Sed nunquid ille rem tuam oppignorare potuit, te inòsulto? H.
 Potuit; ut factum vides. S. Non tamen debuit. H. Rem acu teti-
 gisti. sed quid facerem? S. Rogas? defer eum ad præceptorem.
 H. Malo istam pati injuriam, quàm committere ut miser vana-
 let. S. Bene facis; dummodo tuum reddat. H. Reddet, spero. S. Un-
 de redderet? H. Ait se brevi accepturū à patre pecuniā. S. Quid
 site fallit? H. Fieri potest, sed tamen aliquot dies expectabo quid
 futurum sit: post deinde consilium capiam. S. Consilio recto
 nihil tutius. H. Meministi probe: sic enim præceptor dictavit
 nobis. Sed nunquid aliud? S. Ut bene tibi sit. H. Et tibi optimè.

COLLOQ: XXXI. ARGUM.

Liber item commodato petitur, isque impetratur, sed ab alio quo-
 dam repetendus. Beneficio non abutendum.

GRUANUS, FORESTUS.

VISNE mihi commodare tuum Terentium? Volo equidem
 modò illum repetas à Conrado, cui utendum dedi. G. Quo signo
 vñ repetam? Nempe hoc, quòd ejus habeo epistolas. G. Id mihi
 satis

satis est. F. Sed quando reddes? G. Cum descripsero contextum in tres aut quatuor prelectiones. F. Matura igitur; ne meo studio incommodes. G. Maturabo. F. Sed heus tu, cave macules: alioqui agrè comodabo posthac. G. Nempe indignus esse beneficio

COLLOQ: XXXII. ARGUM.

Liber eleganter compactus ostentatur. Reprehenditur stulta quaestio; excusatur quasi jocus fuerit. Locus inter familiares usitatus, In jocis nostris, Deus non est offendendus.

AUGUSTINUS, RODIGUS.

QUIS iste est novus liber deauratus, quem tam magnificè ostentas? R. Terentius. A. Vbi impressus? R. Lutetia. A. Quis tibi dedit eum? R. Emi pecunià meà. R. Vnde nactus eras pecunià? R. Stultè istud queris, quasi verò furatus sim. A. Absit à me id cogitare: sed animi causâ id rogabam. R. Nec ego serio dictum tuum reprehēdi. sed eo more joculari solemus cum familiaribus. A. Nihil joculari prohibet; modo ne Deo offendatur. Sed agè, ad propositum revertamur. de quo emisisti Terentium istum. R. De Clemente. A. Ille nē bibliopola circumforaneo? R. Maxime. A. Quanti constitit? R. Decem assibus. A. Nihil nē amplius. R. Nihil omnino. A. Profecto satis vile pretium. R. Praesertim cum auratus adeoq; eleganter compactus sit. A. Erant nē codices alii similes? R. Duo vel tres. A. Redde me, quaeso, ad illum. R. Eamus.

COLLOQ. XXXIII. ARGUM.

Liber inventus redditur suo domino. Summo jure non semper est agendum, Leges scholasticae. Leges aequitate regendae. Causa sine periculo. petitur gratiae relatio. Exemplum hīc est charitatis.

ALARDUS, BALDUS.

NONNE hic liber tuus est? B. Ostende mihi, agnosco meum. Vbi invenisti? In auditorio nostro. B. Ago tibi gratias, quod eam collegeris. A. Atqui nunc notandus esses, si summo jure vellem tecum agere. B. Quid ita? A. Nescis leges nostras scholasticas. B. Ipse etiam leges cupiunt, ut jure regantur. A. Quo jure reguntur leges nostrae. B. Aequitate, & praeceptorum arbitrio; nempe qui nobis eas privatim condideris. praeterea non solet tā

severus esse in eo quod vel negligentia, vel oblivione peccatum est. A. Sic saepe expertus sum. sed quoquo modo peccaveris, dicenda erit causa coram observatore. B. non timeo causam dicere, ubi nihil est periculi. A. Taceo. B. Sed quaeso. quid opus est ut id sciat observator? Hic enim Deus nihil offensus est. A. Age. ceta-
bo. B. Bene facies. A. Sed heus; memento par pari referre. si forse mihi acciderit aliquod delictum ejusmodi. B. Equum bonum dicis: meminero.

COLLOQ. XXXIII. ARGUM.

Repetitur commodatum. dilationem petit commodatarius, eamq; impetrat.

GALLIATUS, GERMANUS.

CUR non reddis mihi librum? G. Expecta in crastinum diem: nondum satis usus sum. C. Libenter expectabo. G. Referam tibi gratiam Deo volente. C. Pro tantillo beneficio nullam expecto gratiam. G. Tamen est meum agnoscere.

COLLOQ. XXXV. ARGUM.

Quæritur liber per oblivionem relictus. Arguitur negligentia qui reliquerat.

NICOLAUS, CAPELLUS.

VIDISTINE librum meum? C. Quem librum queris? N. Ciceronis epistolas. C. Vbi reliqueras? N. Oblitus eram in auditorio. C. Tua fuit negligentia. N. Fateor. sed interim indica. si quem scias accepisse. C. Cur non adis præceptorem? solet enim (ut scis) qua à nobis relictæ sunt, aut ferre in museolum, aut alicui dare qui reddat. N. Bene mones. O me obliviosum, cui istud in mentem non venerat!

COLLOQ. XXXVI. ARGUM.

Exemplum exprompta liberalitatis.

ELEUTERIUS, BEATUS.

VIS à me magnam inire gratiam? B. Nihil libentius fecerim siquidem penes me res ipsa est. Sed quid est, in quo tibi commo-
dare possim? E. Da mihi mutuo asses decem. B. Non tantum nunc habeo; sed majorem partem. E. Quantum, quaeso? B. Nescio, nisi

grumenam inspexero. ecce tibi octo asses cum semisse. E. Solos septem accipio; non enim te vacuare prorsus volo. B. Parùm refert: totum, si vis, accipe. E. Habeo tibi gratiam: credo hoc pecunia satis fore negotio meo, cum aliquantula, quam ipse habeo. B. Ut libet. E. Amore de ista tam exprompta benignitate. B. Si quid aliud possim, ne parcas. E. Reddam totum, Deo volente, cum primum pater ad me miserit. B. Ne sis magnopere sollicitus: nondum est opus mihi.

COLLOQ: XXVII. ARGUM.

David à Nicolao quinque asses mutuo petit, solum duos obtinet.

DAVID, NICOLAUS.

POTESNE mihi mutuo dare aliquantum pecunie? N. Quantum petis? D. Quinque asses, si tibi est commodum. N. Non tot habeo. D. Quot igitur? N. Tantum quatuor. D. Bene sanè; da mihi istos quatuor. N. Dabo si vis dimidium. D. Cur non totum? N. Quia sunt mihi opus duo. D. Da igitur duos quaeso. N. Sed tibi non sufficient. D. Petam ab aliquo alio. N. Accipe igitur hos duos: quando reddes? D. Die, ut spero, Sabbathi, cum pater ad forum venerit. N. Esto igitur memor. D. Ne timeas.

COLLOQ: XXVIII. ARGUM.

Custos habens pecuniam, Paqueto paucillum petenti denegat: spera camentat in posterum.

PAQUETUS, CUSTOS.

DAMIHI duos asses mutuo. C. Nunc mihi non est promptu dare. P. Quid obstat? nam scio te his diebus accepisse pecuniam. C. Accepi quidem: sed emendi sunt libri, & alia mihi necessaria. P. Nolo tuum commodum remorari. C. Vbi emero quae mihi sunt opus, si quid super sit, faciam te libenter participem. P. Interea igitur sperans expectabo: sed quid, si nihil tibi super fuerit? C. Statim dicam tibi, ne frustra diutius expectes. P. Quando emes ea quae decrevistis? C. Cras, ut spero; aut summum perendie. P. Bene habet; tempus est brevissimum.

COLLOQ: XXXIX. ARGUM.

Exemplum astutiae, item animi prompti ad bene merendum.

MORELLUS, BOBUSARDUS.

ABIJTNE pater tuus. B. Abijt. M. Quotâ? B. Primâ pomeri-
dianâ. M. Quid dixit tibi? B. Multis verbis monuit me ut dili-
genter studerem. M. Vitinam sic facias. B. Faciam Deo iurante.
M. Et quid pecunia dedit tibi? B. Dedit; ut fere solet. M. Quantiû
B. Nihil ad te. M. Fateor, sed tamen quid facies istâ pecuniâ? B.
Emam chartâ, & alia que mihi sunt usur. M. Quid si amiseris?
B. Æquo animo ferendû erit. M. Quid si forte eguero; dabine
mutuô? B. Dabo; & quidem libenter. M. Habeo tibi gratiam.

COLLOQ: XL. ARGUMENT.

Redditur commodatum, cum excusatione dilationis. Non debemus
offendi nisi ubi Deus offenditur.

COLUMBANUS, FONTANUS.

SATISNE usus es scalpello meo? F. Satis. C. Redde igitur. F.
Accipe; ago tibi gratias. C. Nihil est quod agas. F. Sed ignosce
quòd non ultrò & citius reddiderim. C. Ea de re nihil sum of-
fensus. Non enim debemus offendi, nisi cum Deum of-
fendi videmus. F. Rectè sentis.

COLLOQ: XLI. ARGUM.

Cultellus datur commodato, sed agrè.

BERGERIUS, NEPOS.

COMMODA mihi parumper cultellum tuum. N. Semper a-
liquid commodato petis. accipe; quin tu emi potius? B. Non ha-
beo pecuniam. N. Cur non petis. B. Unde peterem. N. A patre.
B. Non est in hac urbe. N. Vbi igitur? B. Peregre profectus est.
N. Quo? B. Bernam. N. Quo die? B. Nudius tertius. N. Quando
est reversurus. B. Cras, ut speramus: sic enim dixit proficis-
cens. N. Bene vertat Deus.

COLLOQ: XLII. ARGUM.

Panis mutuò dandus appenditur.

COLUMBERIUS, SIMO.

RESTATNE tibi multum panis. S. Satis gratia Deo. C. Vñ-
de mihi dare mutuò? S. Libenter. C. Sed fortasse tibi non suffi-

ciet? s. Immo, ut spero. c. Ad quod usque tempus. s. Ad diem Veneri. c. Unde habebis postea? s. Domo. c. Quis afferet? s. Egomet ibo petitum. c. Quando? s. Ipso die Veneri. c. Da mihi mutuo sesquilibrium. s. Quis appendet? c. Puer preceptoris. s. Eamus petitum ex arca mea. c. Quin ito solus; ego te in culina expectabo.

COLLOQ: XLIII. ARGUM.

Premium victoriae causa petunt pueri: datur à magistro, sed non sine admonitione. Obligatur quis ex promisso. Deus successum dat studiis. Sine Deo omnia vana.

DISCIPULUS PRIMUS EX VICTORIBUS, PRÆCEPTOR, NOMENCLATOR.

PRÆCEPTOR, visné dare premiolum? P. Quamobrem? D. Victoriae causa: P. Vbi sunt compares tui? D. Ad sunt, Hugo & Audax. P. Heus nomenclator, suntné hi victores hac hebdomada? N. Habent notas omnium paucissimas. P. Ergo sunt victores; quid aliud ex te quero? Vos igitur quod premium petiti? D. Quod tibi placuerit. P. Quo tandem jure debeo. D. Ex promisso. P. Æquum dicitur. Quidquid enim rectè promissum est, præstari debet. D. Sic ex te didicimus. P. Ecce vobis penna singula ad scribendum: ac ne putetis vulgares esse: ex earum sunt genere, que vulgo Holandinae appellantur. D. Gratias agimus preceptor. P. Quin potiùs agite Deo, omnium bonorum auctori qui dat studii vestri successus prosperos: vos autem in litterarum studio pergite diligenter. D. Dabimus operam, quantum iuvabit ille Pater optimus. P. Sine ejus ope vana sunt nostra omnia.

COLLOQ: XLIIII. ARGUM.

Observatoris diligentia in exigenda à pueris ratione. Benè sibi conscius seculo est animo. Omnis homo mendax.

OBSERVATOR, CAPPERONIS.

VNDE venis, Capperoni? c. Domo. o. Quid affers illinc? c. Merendam. o. Quis tibi permiserat exire? Preceptor ipse. o. Unde istud probabis? c. Adeamus illum ut consulamus. o. At vide quid agas. c. Hac in re nihil timeo. o. Adeonè securus est

c. Qui verum dicit, nihil timere debet. o. Vera quidem ista est sententia: sed quotusquisq; non mentitur? c. Certus sum nihil mentiri nunc. o. Propemodum persuades mihi. Abi; credo tibi: quia in mendacio nunquam te deprehendi. c. Est Deo gratia: quem precor, ut me integrum & purum custodiat. o. Utinam ex animo sic omnes precarentur. recipe nunc; ut edas merendam tuam.

COLLOQ: XLV. ARGUM.

Præmii parvitas contemnitur à sordido. Præmiim non lucri, sed honoris causâ datur.

GERVASIUS, EDVARDUS.

QUI sunt victores hac hebdomade? E. Vbi eras, cum rationes redderetur? G. Accersitus à patre fueram. sed qui sunt victores dic sodes. E. Ego & Puteanus. G. Iamné habuisti præmium? E. Habuimus. G. Quodnam? E. Duodenas juglandes. G. Hui: quale præmium. E. Eho ineptè; æstimas ergo præmium ex rei pretio? G. Hic nihil aliud video æstimandum. E. Sordidus es, qui lucro sic inhias. Nō meministi verbum præceptoris? G. Quod verbum? E. Non lucri, sed honoris causa datur præmium. G. Nūc reminiscor, quasi per nebulam. posthac ero diligentior. E. Sic tandem sapiēs.

COLLOQ: XLVI. ARGUM.

Gregorius & Benedictus ante lusum tractant studiorū aliquid. A lusu ad studium reditur difficilius. Exemplum puerorū studiosorum.

GREGORIUS, BENEDICTUS.

EUGE, dimissi sumus ad lusum: audistin? B. Quidni audierim; cum egomet adsuerim? G. Placet ne paulisper confabulari: deinde lulemus unâ? B. Mallem ego prius ludere. G. Atqui difficile est ludum abrumpere. B. Planè verum dicis. & ego in me sic experior. G. Quoniam igitur placet tibi mea ratio, da nobis aliquid argumenti ad confabulandum. B. Immo tuum est dare; ut qui me lacessiverit. G. Equum dicis. Redde nomina Latinè, que tibi Polonicè proponam. B. Qua de re propones? G. De supelle-

Etli. B. Tentabo respondere; modo ne plura, quam decem proponas. G. Enumerabo in digitis; ne forte numerum excedam. Au digitur. B. Issic sum. G. Służbá/ ábo kredenc/ B. Abacus. G. Łáwká/ B. Sella. G. Lichtarz/ B. Candelabrum. G. Kociet/ B. Ahenum. G. Pierzyná/ B. Pulvinus. G. Wezgtowie/ B. Cervical. G. Koc/ B. Linteum. G. Gárniet/ B. Olla. G. Konewná wino/ B. Oenophorum. G. Errasti semel. B. Fbiť G. Dixisti Linteum. pro Lodicem. B. Fateor; debeo tibi semel victoriam. G. Nunc vicissim propone, ut redimas si potes. B. Virepondere de eduliu? G. Vt libet. B. Swięże mięso/ G. Caro recens. B. Stoniná/ G. Sulla. B. Zwierzyná/ G. Ferina. B. Mášlanká/ G. Lac decoctum. B. Serwatká/ G. Serum, vel serum lactis. B. Swięży ser/ G. Caseus recens. B. Polewká mięśna/ G. Jus carniū. Rybá wárzona/ G. Piscis elixus. B. Podlewá/ G. Condimentū. B. Falleru. G. Quid ergo est? B. Intinctus. G. Condimentum volo. B. At ego nolo contendere. G. Qui cōtendit: cōsulamus. B. Quin prius ludamus: illud fiet posterius. G. Age, fiat; ne amittamus ludendi occasionem.

COLLOQ. XLVII. ARGUM.

Invitatio ad ambulationem, lusionis loco. Dei opera invitare debent ad cum laudandum.

MATTHÆUS, OLIVETANUS.

IAM DUDUM redet me toties reperere lusus scholasticos. O. Quid facias igitur? M. Eamus in hortum nostrum. O. Quid agemus? M. Ambulabimus; colloquemur; Dei beneficia in ejus operib; commemorabimus. O. Nihil sanè jucundius. sed interim petenda esset à preceptore venia. M. Iam impetravi mihi, & item uni, quem vellem ducere. O. Bene res habet; eamus, ducente Deo. M. Precor ut nos custodiat. O. Ego quoq; idem precor tecū.

COLLOQ. XLVIII. ARGUM.

Sulpicius & Munchius parant se ad ludendum pilá palmariá.

SULPICIUS, MUNCHIUS.

IMPETRASTIS ludendi facultatem. M. Impetravimus. s.

Ad quod usque tempus? M. Ad cœnam usque. S. Qui dederunt
 versus. M. Primi & secundi. S. Quid ceteræ classes? M. Primus
 quinquaginta; decurio trium proximarum classium pronuntiabit unam
 e Cicerone sententiam. S. Nonne precati estis ut solemus? M.
 Precati; & quidem præsentem ludimagistro, tu verò ubi eras? S.
 Iveram domum, à matre accersitus. M. Nunc igitur quid agere
 cogitas? S. Ludere sesquihoram; deinde ad studium me recipere.
 M. Vin tu tibi sim collusor? S. Quidni velim? M. Quo lusu nos
 exercebimus? S. Nullus mihi est juveniùdior pilâ palmariâ. M. Nec
 mihi quidē. S. Visamus igitur, an ceteri partes sortiti sint: nam
 si soli luderemus, minus esset voluptatis. M. Visamus sanè.

COLLOQ. XLIX. ARGUM:

Invitatio ad animi relaxadū. Corporis exercitatio cōfert valetudini.

MATTHÆUS, ROLANDUS.

VIS NE venire mecum? R. Quo properas? M. Ad lacum. R.
 Quid eò? M. Lotum pedes. R. I sanè; nunc lotioni mihi opus non
 est. M. Sed interim parum fabulabimur. R. Ne fabulari quidem
 nunc velim. Atque; utilis est consabulatio? M. Dūtaxat de hone-
 stis reb: R. At mihi utilior est ad valetudinē exercitatio corpo-
 ri. M. Quid si mansero tecū? R. Prudenter facies. & nos pilâ pal-
 mariâ colludemus. M. Bene verat Deus: maneo. R. Alias lotum
 quàm tecum ibo. cum scilicet longius erit temporis spatium. M.
 Ad ludum igitur nos accingamus. R. Nulla est in me mora.

COLLOQ. L. ARGUM.

Ob negotium lusus prætermisus. Exemplum diligentiz.

VINCENTIUS, BONUS.

CUR hodie non lufisti nobiscum? B. Nō erat mihi ludendi spa-
 tium. V. Quid habebas negotii? B. Non absolveram pensum me-
 um. V. Quod pensum? B. Dimidium exemplarū restabat mihi
 perscribendum. V. Perfecistine? B. Perfeci. V. Laudo tuam dili-
 gentiam; ludes aliàs otiosè. B. Cūm voluerit Deus. V. Rectè di-
 cis. Nam absq; voluntate ejus fieri nihil potest.

COL.

COLLOQ: LI. ARGUM.

Pueri elementarii, extra ordinem, ludendi veniam petunt.

PRIMUS puer, PRÆCEPTOR, SECUNDUS
puer, & TERTIUS.

SALVE, præceptor P. Sit vobis salus a Christo. PUERI: Amē.
P. Iamné repetivisti? PRIM: Etiam præceptor. P. Quis docuit
vos? PRIM: Subdoctor. P. Quid nunc vultis? s. Ut per te liceat
nobis parum ludere. P. Non est ludendi tempus. T. Non petimus
omnibus, sed nobis parvulis tantum. P. Atqui pluit, ut videtis:
s. Ludemus in pergula. P. Quo lusu? Aciculis vel juglandibus.
P. Quid mihi dabitur? PRI: Dicemus nomina. P. Quod dicetis
singulis? Duo. P. Dicite igitur. PRIM: Pápiet: charta. Ino
kausc: atramentum. Dixi. s. Książki: liber. Książeczki:
libellus. Dixi. T. Wiśniá: cerasum. Orzechy: juglandes.
Diximus. P. Quam belli estis homunculi: Ludite ad cenam usq̄
PUERI: Gratias agimus, præceptor:

COLLOQ: LII. ARGUM.

Invitatur ad lulum quidam: at ille studium præfert lusui. Exemplum
rarum pueri studiosi. Omnia Tempus habent. Utendum remissionibus
in tempore.

ELISÆUS, DELPHINUS.

QUADE re elatus es latitiã? D. Pater meus advenit modò.
E. Quid mea refert? D. Immo plurimum. quia nobis impetravit
ludendi veniã. E. Ain' tu? D. Vide pueros jam ludentes in area,
E. Ludant sanè alii: ego studere malim, quàm ludere. D. Nec
minus ego; sed in tempore. Nam, ut est in proverbio, Omnia
tempus habent: Vnde & nos rectè monet Cato noster,

Interpone tuis interdum gaudia curis:

Vt possis animo quemvis sufferre laborem.

E. Vera sunt que dicis, fateor: sed interim omitte me, ut serid
studeam. D. Per me studeas licet; nihil impedio: at ego hac utar
occasione. E. Vtere sanè.

COLLOQ. LIII. ARGUM.

Pueri à lusu revocantur.

NOMENCLATOR, QUIDAM puer ex turba, Alius

Heu s, pueri, heus, heus. Q. Quid clamitas? N. Desistendum est à lusu. Q. Eho, ineptè; nondum quarta exacta est. N. Immo fere semihora post quartam. A. Cur non dedisti signum. N. Quia tintinnabuli funis fractus est. A. Clama iterum; sed attolle vocem. N. Heus pueri, recipite vos omnes. Festinate, festinate, inquam: urges præceptor. Q. Desine clamare: accurrunt omnes.

COLLOQ. LIV. ARGUM.

Orontius Quinto de patris adventu gratulatur. Temporis habenda est ratio.

ORONTIUS, QUINTUS.

Quid ita letus es? Q. Qui venit pater. O. Ain'tu? unde venit? Q. Lutetia. O. Quando advenit? Q. Modò. O. Iamné salutasti? Q. Salutavi, cum ex equo descenderet. O. Quid ampliùs illi fecisti? Q. Calcarea detraxi & ocreas. O. Miror te non mansisse domi, propter ejus adventum. Q. Nec ille permisisset; nec ego vellem; præsertim nunc, cum audienda est prælectio. O. Bene tibi consulis qui temporis rationem habes. Sed quid pater, valetne? Q. Rectè Dei beneficio. O. Equidem gaudeo plurimùm tuâ & ejus causâ quòd salvus peregrè redierit. Q. Facis ut amicum decet, sed cras pluribus verbis colloquemur. vide præceptorem, qui jam ingreditur auditorium. O. Eamus auditum prælectionem.

COLLOQ. LV. ARGUM.

Marcus Antonium Christiane & humaniter admonet: eidem bene aliterò facit. Charitas. Verecundia in petendo. Liberalis in dando, petere quoque non dubitat.

MARCUS, ANTONIUS.

Miseret me tui. A. Quid ita? M. Quòd pennâ tuâ tam misere abutari. A. Quomodo abutor? M. Quia pessimè tractas eam in acuendo. A. Non est culpa mea; ne quid erres. M. Cujâ igitur? A. Scalpelli mei, cujus acies obtusa est. M. Scalpellum in culpa non est; sed tu ipse. A. Cur istud dicis? M. Quia debuisti vel scalpellum tuum acuire, vel aliud aliunde rogare commodatò, saltem ad præsens negotium. A. Non audeo petere. M. Quid times? A. Ne mihi denegetur. M. Ecce tibi meum. A. Gratias ago. M. Vtere quantum voles, sed rectè. A. Sciens non abutar. M. Nec sis

posthac tam verecundus in petendo. A. Sic est ingenium meum. foleo dare libentius, quam petere. M. Vinam multi essent tui similes: sed tamen, Qui libenter dat beneficiū, is petere quoque liberè potest. Sed ego te nimis detineo: persequere quod ceperas.

COLLOQUI: LVI. ARGUMENTUM.

Interrogationes curiosæ de rebus minutissimis, nec tamen inuiles. Præparatio in rebus omnibus. Patrisfamilias diligentia in re familiari.

SULPITIUS, ROGETUS.

CUR hodie manè absuisti? R. Occupatus eram. S. In quo negotio. R. In scribendū ad matrem literis. S. Quid opus erat illi scribere? R. Quia ad me scripserat. S. Ergo rescripsisti. R. Propriè loqueris. S. Vnde tibi miserat literas? R. Rare; nempe ex villa nostra. S. Quando rus profecta est? R. Superioribus diebus. S. Quid agi ruri? R. Curat nostra negotia rustica. S. Quid potissimum? R. Preparat ea quæ sunt opus ad proximam vindemiā. S. Prudenter agit. R. Vnde istud probares? S. Nam Omnibus in rebus adhibenda est præparatio diligens. R. Quis te istud docuit? S. Quidam pedagogus dictavit è Cicerone. R. Qua occasione? S. Cum admoneret, ut me diligenter pararem ad reddendam hebdomadam postero die. R. Profectò rectè monebat. S. Sed ad propositum revertamur. Non habetis villicum qui cures ruri vestra negotia? R. Immo & villicam habemus, & famulos, & ancillas. S. Quid igitur opus est illic tuae matris operâ? R. Quia melius novit providere rebus omnibus, quam isti imperiti rursula. S. Nihilne ampliùs? R. Sine me finire propositum. S. Putabam te absolvisse. perge. R. Etiam (ut ex patre audi vi) Præcipua cura domini requiritur in re familiari administranda. S. Ergo pater tuus nunc potius deberet in villa esse. R. Non potest. S. Quid prohibet? R. Quia totus est in arte sua occupatus. S. Majorem, ut opinor, ex ea re fructum percipit. R. Quis dubitet? S. Inde igitur fit, ut relinquat uxori omnem curam rei domesticæ. R. Omnino sic est. S. Sed mater quando est reversura? R. Vix ante perfectam vindemiā. S. Quid tu? non ibi vindemias unquam

R. A matre, ut spero, brevi accersar. Sed queso te, quid cogitamus? Iam omnes in auditorium currunt. s. Bene res habet; curramus & nos, ne postremi simus.

COLLOQ: LVII. ARGUM.

Quidam occupatus in merenda, monetur instare prælectionis tempus. Sic pueros studiosos mutua decet admonitio.

RIPARIUS, AMEDÆUS.

AUDISTINE horologiū? A. Dudum sonuit. R. Dinumerasti horas. A. Dinumeravi. R. Quota est? A. Fere sesqui prima. R. Instas igitur prælectionis tempus, sic ut paratus sis. A. Vbi merendam peredero, ecce me paratū. R. Cur meridie non adfuisi nobiscū? A. Prodieram cum bona venia præceptoris. R. Sed interim sum tibi impedimento. R. Nihil impedi: ne bolum quidem perdidisti interpellatione tua. R. Bene habet: perge; sed matura.

COLLOQ: LVIII ARGUM.

Ligarius Sarrasinum ad repetendam prælectionem invitat. Exemplum diligentæ in studio puerili.

LIGARIUS, SARRASINUS.

FECISTINE officium tuum? s. Qua in re? L. In repetenda prælectione. s. Nihil adhuc repetivi. L. Quid cause sunt? s. Expectabam dum rediret compar meus. L. Quo ille ivit? s. Domum. L. Quid eo? s. Fetitum merendam. L. Quid si redibit seriu? s. Nescio; fieri potest. L. Vñ interea mecum repeteret? s. Equidem non recuso. L. Secedamus igitur; ne quī molestus sit nobis. s. Profecto bene mones: nemo studere potest in tanto ambulatorem strepitu & clamore. L. Aspice illic locum remotissimum, ubi nulli sunt ambulantes. s. Eamus illuc.

PRÆFATIUNCULA in 7. proxima colloquia.

NE pueri nihil agendo discant malè agere, præsertim otioso sermone, prædisq; aut ineptis colloquiis sese invicem corrumpentes; omnibus modis incitandi sunt, ut in schola, dum præceptoris ingressum expectant, assuescant interea bini, terni se, id quod ab eo prescriptum fuerit, simul repetere. Plurimum profuerit hac illis jucunda exercitatio: eosq; interim ab otio, la-

Sic, multisq; aliis rebus malis, quibus offenditur Deus, adyersere poterit: sed quia sine puerili colloquio eiusmodi repetitiones tractari non solent; pueri autem ipsi, nisi instituti fuerint, nihil aliud quam barbarè loquuntur: idcirco, ut Latine inter se loqui paulatim discant, hac de re hic aliquot breues colloquendi formulas proposuimus. Caterùm, in præceptoris diligentia situm erit, ut hæc ipsa colloquia discipulis aliquoties interpretetur, doceatq; quomodo in his, & aliis eius generis (quæ tradere ipse poterit) sese & domi, & in schola debeant exercere: ad idq; illos identidem cohortetur. Ita fiet, progressu temporis, ut promptiores semper, & alacriores eos habiturus sit ad ea maturè reddenda quæ præscripserit. Hinc etiam consequetur, ut minore cum labore ac molestia docendi munus exequatur.

ARGUMENTUM IN SEQUENS COLLOQUIUM
LIX. & in sex reliqua hujus primi libri.

Pueri declinationum exempla a magistro præscripta, se vicissim audientes, repetunt: idque, ne sint otiosi tantisper dum præceptoris ingessum expectant.

ADAMUS, BONINUS.

VIS NE repetamus unà? B. Quidnā? A. Id quod nobis præscriptum est. B. Equidem volo, sed quo genere repetendi utemur? A. Audiamus nos vicissim. B. Sic præceptor nos monet sæpe. A. Rectè monet? sed mihi paremus. B. Vter incipiet? A. Ego; si tibi ita placet. B. Maxime placet: incipe igitur. A. Secundæ declinationis nomina his exemplis latinè declinantur, Magister, Adamus, Lanius, regnum. B. Quæ sunt hodie declinanda? A. Hesternum quidem est Lanius; hodiernum verò Adamus. B. Cur nos id repetimus quotidie quod pridie reddidimus? A. Quis sic præceptor jubet? B. Id satis scio. sed cur jubet? A. Ad confirmandam memoriã. B. Agè; declina Lanius. A. N. S. Hic Lanius: G. Lanii, &c. ad finem usque. B. Declina Adamus. A. Adamus, Adami, g. m. est nomen viri. B. Cur dicis nomē viri tu nondum es vir. A. Fateor: sed sunt alii Adami qui viri sunt. B. Vtinam aliquando vir evadas. A. Evadam, Deo iuvante. B. At

tende nunc, ut vicissim audias me. A. Istic sum: dic audacter. B.
 Secunda declinationis nomina. A. Desine; praeceptor adest. B.
 Audio tuissentem; desinamus, ne putet nos garrive.

COLLOQUIUM LX.

CARBONARIUS, DANIEL.

Mox aderit praeceptor; repetamus. D. Quid opus est mihi re-
 petitione? solus repetivi satis. omnia teneo memoriâ. C. Quid
 tum? quanto saepius repetes, tanto melius tenebis. D. Bene mo-
 nes; habeo tibi gratiam. C. Incipe: tempus abit. D. Quarta de-
 clinationis. C. Erras Daniel: incipiendum est ab exemplo he-
 sterno. D. Erravi; fateor. C. Dic igitur nunc rectè. D. N. S. Hoc
 sedile: G. sedilis, &c. ad finem usque. Quarta declinationis
 nomina hoc exemplo declinantur: N. S. Hic sensus. G. sen-
 sus. D. sensui. C. Haecenus: audio praeceptorem.

COLLOQUIUM LXI.

ERASTUS, FRANCISCUS, GABRIEL.

Quid agi Francisce? instat praeceptorum adventus. F. Scilli-
 cet, instat: nondum est semihora post secundam. E. Tamen non
 debemus interim tempore sic abuti. repetamus. F. Non stabit
 per me: ego enim sum paratus. E. Incipe igitur. G. Expectate pa-
 rumper, quæso: ego quoque sum vestrae decurie: E. Matura. F. Di-
 camus suum quisque casum ordine, ut interdum nos docet prae-
 ceptor. E. Satis est verborum attendite. G. Quid aliud agimus. E. Ter-
 tia declinationis nomina his exemplis Latinè declinantur: Pa-
 ter, lumen, rupes, messis, pars, sedile, vectigal, laquear.
 F. N. S. Hæc rupes. G. G. rupis. E. D. rupi. F. A. rupem.
 G. V. rupes. E. Ab. rupe. F. N. P. Hæc rupes. G. G. rupum.
 E. Errasti Gabriel. corrige erratum. G. G. rupium. E. D. ru-
 pibus. F. Ac: rupes. G. V. rupes. E. Ab: rupibus. F. Verte
 Polonicè. G. Rupes, rupis, g. f. skátá. E. Pone in oratione. F.
 Non est in libro nostro. E. Sed praeceptor docuit. F. Alta rupes,
 wysoka skátá. G. N. S. Hæc messis. E. G. messis. F. D. messi,
 &c. usque; ad finem hujus nominis, Deinde sic pergunt colloqui: C

E. Ambo errasti. F. Erravi? fateor. G. Ego quoq; sed uter erit victus? E. Preceptor iudicabit. F. Equum dicu. E. Vultinē dicamus iterum, ad memoriam confirmandam. F. Quidni? G. Quid si preceptor interveniat? E. Quid tum? laudabit nos ore pleno. G. Sed mutandus est ordo. E. Non est dubium. incipe Francisc. F. Tertia declinationis nomina, &c.

COLLOQUIUM LXII.

HEGROMIUS, IOHANNES.

VISNE repetere mecum? I. Cur tam citò? H. Ne observator nos deprehendat garrientes, aut otiosos. I. Age, repetamus: sed uter incipiet? H. Ego; quia victor sum. I. Dic igitur. H. Prudens nomen adjectivū. sic declinatur in genera: Hic prudens. g. m. hæc prudens, g. f. hoc prudens. g. n. Idē nomen sic declinatur in casus. N. S. Hic & hæc & hoc Prudens. I. G. prudentis. H. D. prudenti. I. A. prudentem & prudens, &c. ad finem usque.

COLLOQUIUM LXIII.

LUCIUS, MICHAEL.

CURTUS es otiosus? M. non sum omnino. L. Quid agis igitur? M. Cogito de lectione reddenda. L. Ego quoq; id ago. repetamus unā. M. Fiat. sed quam rationem tenebimus? L. Age preceptoris partes, ego discipuli. M. Valde placet mihi conditio. L. Sed ne sis mihi austerior. M. Ne timeas: nosti me satū. L. Novi. M. Declina Lego in modo infinito. L. Infiniti modi tempus præsens & præteritum imperfectum, Legere. Perfectum & plusquam perfectum, Legisse. M. Perge. L. Sine me paulisper respirare, quæso preceptor. M. Agè, sino. Satinē respirasti? L. Satū. M. Perge nunc. L. Futurum indefinitum, Lecturum esse. Gerundia Legendi, &c. ad finem usque. M. Gaudeo te rectè fecisse officium. L. Ego verò mihi gratulor: sed est Deo gratia. M. Rectè dicis; utinam ex animo. L. Ex animo certè. M. Bene habet? desinamus: sentio preceptoris adventum. L. Ecceum: adest. St.

LIBER SECUNDUS.

COLLOQUIUM LXIII.

NICOLAUS, OPTATUS, PETRUS, QUADRUS,
ROBERTUS.

HEUS pueri; nos hic sumus quinque: repetamus hodiernum
verbum, ut solemus coram praeceptore. O. Nemo, ut opinor, con-
tradices. P. Quis contradiceret? nostra omnium res agitur. Q.
Incipe igitur Nicolae, qui primus sedes. N. Optativi & subjun-
ctivi modi praesens tempus, SING: Audiam, O. Audias, P.
Audiat. Q. PLUR: Audiamus, R. Audiatis, N. Audiant.
O. Prateritum imperfectum. SING: Audirem, P. Audires,
Q. Audiret. R. PLUR: Audiremus, N. Audiretis, O. Au-
darent. P. Prateritum perfectum, SING: Audiverim, Q. Au-
diveris, R. Audiverit. N. PLURAL: Audiverimus, &c.
usque ad finem verbi hoc pergunt ordine.

COLLOQUIORUM
SCHOLASTICORUM
Liber Secundus.

COLLOQUII I. ARGUMENTUM.

Interrogatiuncula de acceptis literis.

CORNELIUS, MARTIALIS.

QUID LEGIS? M. Literas. C. A quo? M. A Patre.
C. Quando accepisti? M. Heri vespere. C. Qui attu-
lit? M. Nescio. C. Nescis? qui tibi reddidit eas?
M. Ancilla quadam à caupone. C. Unde sunt datae? M. Lutetiam
credo. C. Quo die? M. Nondum licuit inspicere. C. Nempe ego
interpellavi. M. Parum refert nō adeo sum occupatus. C. Age per
lege tuā epistolam. ego interea studebo. M. Ego quoq; mox idē
faciam.

COLLOQUII II. ARGUMENTUM.

Musicus Herardum pereuntatur de rebus ad illum pertinentibus

MUSICUS, HERARDUS.

Quo in statu sunt res vestrae Lugdunenses? **H.** Nescio; jampridem nihil audimus. **M.** Nihilne scripsit frater tuus? **H.** Post menses duos nihil litterarum misit quod viderit pater. **M.** Fortasse egrotat. **H.** Minimè verò: nam tabellarii saepe nobis salutem nuntiant verbis eius. **M.** Libenter audio illum rectè valere. Valde eum diligo: quia fuit mihi suavissimus condiscipulus. **H.** Ille ut (opinor) te vicissim diligit. **M.** Id verò mihi non est dubium. Sed nos hora vocat: eamus in auditorium. **H.** Maturemus. Iam recitatur catalogus.

COLLOQ: III. ARGUM.

Publica observatoris admonitio ad condiscipulos in aula communi scholæ universæ. Admonitionis summa, ne pueri tempore abutantur. Extremalis responsio cujusdam primæ classis.

OBSERVATOR, BRISANTELLUS,

DESINITE, ô pueri, garrire absente magistro

Verba, quibus summus leditur ille Pater.

De studiis potiùs tractate, & rebus honestis:

Discite colloqui verba Latina loqui.

Discite & inter vos reddenda revolvere sepe:

Doctor enim pueri semper adesse nequit.

Discite sectari vestigia certa bonorum:

Otia vos fallant blanda, cavete precor.

En ego præmoneo; vos ne delectet abuti

Tempore: ne tergum verbera dura premant.

Ecce iterum vobis morum prædico magister:

Si quis erit casus, ne mihi det vitio.

BR: Desine plura loqui: nemo parère recusat;

Est monitor nobis OPTIMUS ILLE PATER:

Illiusq; PATRIS NATUS, cui nomen IESUS:

Et qui nos renovans SPIRITUS intus alit.

OB. Quem mihi sperassem tam respondere paratum?

Quis puer Angelicos mittit ab ore sonos?

O quem te memorem, nostra doctissime classis &

Nam tibi divinum carmen ab ore fluit.

Non sum tam felix, ut fundam ex tempore versus;
Sed, modò quæ dixi, premeditatus eram.

B R. Si meditatus eras; qui nunc tam fundus apertè
Castalios latues? qui furor iste novus?

O B. Nam tua me tantis moverunt carmina flammis.
Ut mihi nunc videar posse movere feras.

B R. Sed cur immeritum tantis me laudibus effers?

Est tribuenda uni gloria summa DEO.

Atque utinam eloquium nobis, spatiumq; daretur:

Et nostra in laudes solvere ora suas.

Sed quia tempus adest ut voce & mente precemur;

Idq; jubet doctor; desine plura loqui.

COLLOQ: IIII. ARGUM.

Observator de minutis rebus interrogans, tentat deprehendere puerum quendam in mendacio.

OBSERVATOR, PUER.

QUID agis? P. Scribo. OB: Quid scribis? P. Sententias. OB: Quas? P. Ex officii Ciceronis. OB: Bene facis. unde habuisti? P. Hippodidasalus dictavit nobis. OB: Quando? P. Heri. OB: Quotâ horâ? P. Meridie. OB: Vbi? P. In area. OB: Qui aderant? P. Omnes Domestici, præter primos & secundos. OB: Vbi erant illi? P. In aula communi. OB: Quid agebant? P. Disputabant. OB: Vales; & perge scribere.

COLLOQ: V. ARGUM.

Hic nihil invenit observator, quod noter.

OBSERVATOR, PUERI studentes.

QUID vos hic agitis, pueri, mihi videmini garrire, & nugas agere. QUIDAM PUER: Longè falleris. nam repetimus undâ OB: Qua de re? P. De verbis anomalis; id quod reddendum est horâ tertiâ. OB: Bene facitis. P. Vis audire nostrum colloquium OB: Immo, pergite: majus opus moveo. volo tendere laqueos picis & graculû. P. In area multos ad solem invenies. OB: Retibus est illic prædaparata meis

COLLOQ: SCHOLAST.
COLLOQ. VI. ARGUM.

Pueros in otio deprehensos non deterret observator; sed eorum humaniter admonet. Exemplum observatoribus imitandum in causis levioribus; praesertim cum pueri non contumaces.

OBSERVATOR, PUERIGARRIENTES.

ATAT: ecce nunc capti estis: non fatemini? QUIDAM PUER: Certè fatemur ingenuè? sed non dicebamus mala verba. quæso te, mi Nicolae, ne velis notare nos. OB: Quid garriebatis? audiui nescio quid de jentaculo. P. Illud est, loquebamur de jentaculo matutino: quia famulus non dederat nobis in tempore. OB: Puto id fuisse, nec certè est valde magnum malum: nisi quòd sunt otiosa verba. P. Sed Latine loquebamur. OB: Audiui sed non erat fabulandi locus. Nam (ut scitis) hoc pusillum temporis à merenda, debet vobis esse valde pretiosum, cum sit dicatum studios; scilicet, ut se diligenter quisq; preparet, ad reddenda magistris ea que præscripserint, nonne verum dico? P. Certè verum dico: nos debuissimus legere simul de Cicerone, quæ mox oportebit reddere, sed ignosce precor, suavissime Nicolae; posthac erimus prudentiores, & officium nostrum diligenter faciemus. OB: Si sic feceritis, præceptor vos amabit tanquam minuta sua intestina. Nonne videtur quemadmodum diligit bonos pueros, & studiosos? nec amat solum sed etiam laudat, & premioli afficit. P. Ista scimus, & quotidie experimur. OB: Ergo memento: & promissa facite. P. Tacebi igitur hanc culpam? OB: Tacebo: sed eâ lege, ut caveatis recidere. P. Cavebimus, Christo favente.

COLLOQ: VII. ARGUMENT.

Nomenclator officium diligenter facit in requirendis absentibus.

NOMENCLATOR, PUER.

VEI est frater tuus? P. Madò iuit domum. N. Quid eò? P. Petium nobis opsonium. N. Quid nunc vobis est opsonio? P. In merendam. N. Annon habetis in arca vestra? P. Non. N. Quid ita non? P. Quia mater non solet nobis dare opsonium, nisi in praesens tempus. N. Nempe quia novit vos esse gulosos. P. Quomodo gulosi sumus? N. Quia fortasse uno conpitu devoratis, quod in

res datum fuerit. P. Tace; ego dicam fratri tenos gulosos vocare. N. Tace; ego dicam praeceptori. fratrem tuum nihil aliud quam discurrere. P. Atqui prodire non solet nisi cum bona venia praeceptoris. N. Atqui praeceptorem fallit. P. Quomodo fallit eum? N. Non enim mens est praeceptoris, ut ter quotidie prodeat. P. Sine illum venire videbis quid tibi respondeat. N. Immo ille viderit quid praeceptoris respondeat.

COLLOQ: VIII. ARGUM.

Pecunia cum adfertur, nuncium adfert, vulgi opinione, jucundissimum. Reprehensio libera inter familiares. Evangelium, id est gratia Dei, à Christo nunciata.

PASTOR, LANIUS.

FRATER tuus venitne Lugduno? L. Iam venit; heri ante meridiem. P. Nihilne literarum tibi attulit? L. Nihil. P. Quid igitur nunciavit? L. Prospera omnia. P. De Patre quid narrat potissimum? L. Aut illum Dei beneficio jam planè seberi carere, & paulatim convalescere. P. Gaudeo sanè; Deumq; precor, ut pristinam valetudinem brevi recuperet. sed cur ille (ut solet) nihil ad te scripsit? L. Negat frater eum potuisse scribere. P. Quamobrè? L. Quia nundum satù erat confirmatus. P. Nihil mirum, cum tam diu tam graviter agrotaverit, si ille nihil ad te misit. L. Immo pecuniam. P. Enge; nullus est jucundior nuncius. L. Ita ajunt. P. Tu verò sic respondes, quasi fabulam audias. L. Quin, pejus audio. P. Quid nam? Merum mendacium. P. Egonè mentitus sum? L. Non dico te esse mentitum; sed falsum dixisti. P. Ego, quid dicas, non intelligo. L. Dabo operam ut intelligas. P. Obsecro te. L. Si nullus est jucundior nuncius, quam de allata nobis pecunia, quid ergò est EVANGELIUM Christi? quò est jucundior nuncius quam de gratia Dei, quam Christus attulit nobis per Evangelium? P. Fateor nihil esse jucundius Evangelio, in duntaxat, qui credunt ei, & ex animo amplectuntur. L. Equidem sic intelligo. P. At ego loquebar de humanis & terrenis rebus: tu verò statim ad calum ascendisti. L. Ita solent boni concionatores. P.

Non putabam te esse theologum tam acutum. L. Nihil dixi, nisi quod est tritum, & in medio positum. P. Utinam illud ad eò vulgare & protritum foret, ut omnes in CHRISTUM crederent. Sed ne te diutius teneam, potesne facere ut fratrem tuum paucis conveniam? L. Vix possum. P. Quid ita? L. Nam habet à patre nostro mandata plurima, in quibus curandis totus est occupatus. Nonne cœnabit domi apud vos? L. Cœnabit, opinor. P. Ibo igitur sub horam cœnæ. L. Veni precor: & eadem operâ nobiscum cœnabis. P. Non recuso. L. Interim vale. sed fac memineris adesse tempori. P. Quotâ horâ? L. Ante sextam. Hora est mihi commodissima.

COLLOQ: IX. ARGUM.

Quidam ex provectis dissimulanter recusat puero chartam in libellum compingere: sed oblata occasione, de minutis rebus cum illo fabulatur, ut eum sic in latina lingua exerceat. Eadem operâ, ut puer charitatis exemplum discat, compingit ei libellum chartaceum. Postremo illum paucis & brevibus præceptis instituit. Exemplum dissimulationis in bonum.

VIGNOLUS, ANGELINUS.

Rogote, Angeline, compinge mihi hanc chartam. A. Quid me rogas? non est ars mea. V. Atqui alius compingere non recusas? A. Quot habes schedas? V. Octo. sed jam sunt complicatæ: tantum restat insuere membrana. A. Quid dabis si tibi compegero? V. Nihil habeo quod possim dare: nam pecunia nulla mihi est. A. Ergo quere tibi alium opificem. non enim gratis faciam. V. Mi Angeline, tu es tam bonus: denegabis mihi rem tantillam? A. Scin? tu quod habet proverbium? V. Quod proverbium dicis? A. Manus manum fricat. V. Quid hoc sibi vult? A. Da aliquid si quid velis accipere. V. Si quid haberem, certe darem libenter. A. Cedò merendam tuam. V. Merendam? ah miserum! quid auderem? Mallem dare pileum si auderem. A. Merenda tua, parva res est. V. Sed vehementer esurio. A. Quid causæ est? V. Quia nihil prandi nisi frustam panis, & tres aut quatuor juglandes. A. Eho; quid causæ fuit? V. Quia mater domo aberat. A. Quis ergo tibi

go tibi dedit merendam? V. Ipsa. A. Atqui dicebas eam abfuisse.
 V. Verum est: aberat enim tempore prandii; nec rediit nisi paulo
 ante merendam. A. Nihilné edisti domi antequam in ludum
 venires? V. Nihil. A. Cur non? V. Quia timebam non adesse in
 tempore. A. Tintinnabuli sonitus te satis admonere debet. V. Sed
 raro audimus à nostris adibus. A. Quid ita? V. Quia longè nimis
 ab hac schola distant. A. Suntné vera ista omnia quæ mihi nar-
 ras? V. Vera profecto Angeline. A. Agè da mihi tuam chartam;
 ego tibi compingam elegantem libellam. tu interim ede me-
 rendam tuam. V. Ego petam à matre sextantem, quem dabo ti-
 bi. A. Cave petas; nihil volo: quin potiùs darem tibi, si egeres. V.
 Ago tibi gratias. A. Nonné putabas me seriò petere abs te me-
 rendam? V. Profecto sic putabã. A. Atqui dicebam joco. V. Quã-
 obrem? A. Ut paulisper audirem te Latine fabulari. nam quòd
 bene discas, gaudeo. Quanti emisti chartam hanc? V. Dedi pro
 codice assen cum semisse. A. Non emisti malè; bona est. sed non
 rectè complicasti. Habes membranam? V. Ecce tibi. A. Bene res
 habet. ego citiùs consecero, quàm tu merendam perederis. V.
 Habeo tibi maximam gratiam, mi Angeline. A. Honestè loque-
 ris. sed memento fili, ut semper vivas in timore Domini: dili-
 genter obedias matri: sis frequens in schola; diligens in studio:
 ne ver seris cum pravis, ac dissolutis: deniq; quibus poteris, bene-
 facito, quomodo vides me fecisse tibi. intellexin? V. Optimè.
 A. Fac igitur ut saepe recorderis. V. Faciam, Deo volente. A. Ede
 nunc otiosè.

COLLOQ: X. ARGUM.

De carnum differentia, & beneficiorum divinatorum agnitione. Men-
 dacium vitandum est. Christus veritas. Christiani sunt Dei filii, &
 Christi fratres. Caritas in pauperes.

DAVINUS, MAYUS.

QUID tibi dedit mater in merendam? M. Vide. D. Caro est.
 sed quenam? M. Bubula. D. Vtrum recens, an salsa? M. Est bu-
 bula salita. D. Vtrum pinguis, an macra? M. Eho inepre; non vi-
 des

des macram esse? D. An non malles esse vitulinam, aut vervecinam? M. Vraque bona est: sed in omni genere sapit mihi hœdina, præsertim aßa. D. Hem, delicatule; lamné palatum tam doctum habes? M. Disco ut sentio: non enim est mentiendum. D. Absint à nobis mendacia. sumus enim filii Dei; & Christi fratres, qui est ipsa veritas, ut ipse de se loquens testatur. M. Sed ad rem. Si illa quoq; vescor libenter, modico sale aspersa, & bene cocta. D. O mirificam Dei gratiam, qui dat nobis tot opsoniorum genera & tam bona! M. Quot putas esse hac in urbe pauperes, qui solo pane hordeaceo victitant, neq; tamen ad saturitatem? D. Non dubito multos esse, in tanta præsertim annonæ caritate. M. Itaq; nos in tanta bonarum rerum copia quantas Deo gratias agere debemus? quas laudes illi dicere? D. Ejus igitur beneficia magnificè ubique prædicemus. atque interim precemur, ut pauperum suorum misereatur inopia. M. Utinam ipse corda nostra suo spiritu ad eam rem penitus afficiat. D. Ita precor.

COLLOQ. XI. ARGUM.

Oblata occasione, quidam proæctus sermonem ad parvuli captum, docendi gratiâ, accomodat. Exemplum est, quodd nulla bene agendi occasio, præsertim in docendo, sit prætermittenda.

ARNALDUS, BESSONUS.

QUID rides? B. Nescio. A. Nesci? magnum signum stultitiæ. B. Me igitur stultum vocas? A. Minimè verò: sed dico tibi argumentum esse stultitiæ, cum qui rides, & ridendi causam nescit. B. Quid est stultitiæ? A. Si diligenter evolvas Catonem tuum, istud quod queris invenies. B. Nunc non habeo meum Catonem, & volo aliam rem agere. A. Quod habes negotium? B. Habeo ediscere aliquid de Rudimentis. A. Et interim queris fabulari, ineptule? B. Dic mihi quaeso de stultitiâ in Catone. A. Stultitiâ simulare loco, prudentia summa est. annon hæc didicisti? B. Immo; sed non recordabar. A. Cum domi eris, inspice librum tuum. B. O quantas gratias ago tibi! ego propterea alicui istam questionem, qui non posset mihi respondere:

Esse

& sic erit victus. A. Tace puer, tace, & stude; ne vapules. B. Non multum curo, ego serè teneo praelectionem. A. Nisi taceas, dicam observatori, qui te statim notabit. B. Mane, mane; nihil dicam amplius. A. Sed memento id quod dixi tibi. B. Quid est? A. Ne rideas unquam sine causa. B. Sed ridere non est malum. A. Non dico istud. B. Quid igitur? A. Stultum est sine causa ridere. B. Nunc intelligo. A. Recordare sepe.

COLLOQ. XII. ARGUM.

Nuncius lætus de Evangelio.

CORNELIUS MELCHIOR.

ECQUID habes novi? M. Accepi literas à fratre, qui Lugduni habitat. C. Quando accepisti? M. Heri sub noctem. C. Quis attulit? M. Piscarius. C. Quidnam intellexisti ex istis literis? M. Omnia bene illic habere quod ad pacem & tranquillitatem omnium pertinet. C. Verane predicas? M. Expecta: literas ipsas ostendam tibi à prandio. C. Est profectò quod nostris sociis gratulemur. M. Scilicet; quodq; Deo nostro gratias maximas agamus. C. Id quidem prestare debemus omni tempore; sed nunc maxime, cum audimus ea quæ ad gloriam ejus & nostram utilitatem precipue pertinent. M. Utinam hoc semper habeamus in memoria. C. Communicabis igitur mecum tuas literas? M. Ut promisi. C. Ergo post prandium. M. Etiam dubitas? C. Interea vale. M. Vale, & salve, Corneli.

COLLOQ. XIII. ARGUM.

Interrogatiuncula de professione ad locum, & reditu ex loco.

IOSEPHUS, MATTHÆUS.

ESTNE domi frater tuus? M. Cur istud rogas? I. Pater meus volebat eum convenire. M. Non est in hac urbe. I. Vbi igitur? M. Peregre profectus est. I. Quando? M. Nudius tertius. I. Quoniam ivit? M. Luretiam. I. Quà iter facturus est? M. Lugduno. I. Vtrum pedes, an eques ivit? M. Ivit in equo. I. Quando est rediturus? M. Nescio. I. Sed quem terminum constituit illi pater? M. Iussit us hic adesse ad vice simum hujus mensis diem. I. Du-

cat illum Deus, ac reducat. M. Ita precor.

COLLOQ: XIII. ARGUM.

Quidam profecturus ad vindemiam, promittit amico se curaturum uerus accersatur. Exemplum puerilis amicitiae.

DUÆUS, BALLINUS.

QUANDO profecturus es domum? B. Cras, Deo iuvante. D. Quis iussit? B. Pater. D. Quando autem iussit? B. Ad me scripsit superiore hebdomade. D. Quo die literas accepisti? B. Die Veneris. D. Quid continebant præterea literæ? B. Omnes rectè valere; proximū diebus initium fore vindemie. D. O fortunatum, qui vindemiatum properas. B. Vis dicam patri meo ut te accersat? D. Quam gratum mihi faceres. sed vereor, ut nolit. B. Immo gaudebit; cum propter nostram conjunctionē, tum verò quia & Latine colloquendo nos exercebimus; & de studiū una interdum conferemus. D. Ob gaudio totus exsilio. Amabo te, id cura, mi animule. B. Senties interim Deum precemur, ut dicta, facta, & consilia nostra vertat in gloriam sui nominis. D. Bene mones: & certè ita expedit facere.

COLLOQ: XV. ARGUM.

Aurelius à Lamberto eunte domum petit sibi uvas adferri. Exemplum desiderii puerilis.

AURELIUS, LAMBERTUS.

SISTE parumper gradum, Lamberte. quò properas? LA. Rectè domum. A. Quid eò? L. Mater vult me paucū convenire. A. Nescis quam obrem? L. Nescio; nisi fortè ut vestimenta hiberna mihi faciendā curet. A. Istud est verissimile: jam enim instat hyems. L. Iam visa sunt gelicidia, & glacies etiam alicubi. A. Hū diebus vidi in foro montanos quosdam, qui dicebant magnam vim nivium decidisse superiori hebdomade; cum hic interea lentas pluvias tantū videremus. L. Ego quoq; id ipsam audivi domi nostræ ex rusticis, qui triticum nobis advexerant. Sed cogor abrumpere sermonem, ne mihi irascatur mater. A. Sed heus tu mi Lamberte, adfer mihi domo aliquot uvas: nam amplissi-

ma fuit vobis vindemia. L. Adferam, ut spero, utriq; nostrum affatim: nisi si quid fortè mater irata est mihi. A. Istud avertat DEUS. COLLOQ: XVI. ARGUM.

Pelignus & Bartholomæus euntes ad tonsorem colloquuntur: Nemo gaudet se adiri intempestivè.

PELIGNUS, BARTHOLOMÆUS.

QUONAM ita celeriter? B. Ad tonsorem. P. Ego quoq; unà tecum. B. Rogasti veniam? P. Non rogavi, sed tantisper expecta me dum corrogatum B. Festina igitur. P. Mox rediero. Redii. eamus nunc jam. B. Quo vultu te preceptor excepit? P. Hilari sanè. B. Eodem me quoq; exceperat. P. Non soles irasci nobis, nisi illum adeamus intempestivè. B. Quotus quinq; id non agrè fert? P. Etiam nos, qui pueri sumus, sepiùs irascimur discipulis, cùm studia nostra, quantulacunq; sunt, interpellant. Sed jam desinamus: optimè tonsorem ante officinam video. B. Euge, nulli sunt igitur expectantes; ita fiet ut minus diu moremur.

COLLOQ: XVII. ARG.

De quodam rus profecto cum patre.

NOMENCLATOR, PUER.

VBI est Petrus? P. Ivit foras. N. Quò? P. Abiit rus. N. Quicum? P. Cum patre. N. Quis venerat accersitum? P. Patri famulus. N. Quando est in urbè rediturus? P. Hinc (ut dixit) ad octavū diem. N. A quo petivit abeundi veniā? P. ab hypodidascalo. N. Cur non potiùs à ludimagistro? P. Ad negotia prodierat. N. Sat habeo.

COLLOQ: XVIII. ARGUM.

RICHARDUS, NIGER.

QUÒ ascendis? N. In cubiculam nostram. R. Quid eò? N. Petuum thecam scriptoriam. R. Adfer mihi cingulum eadem operā. N. Vbi est? R. Super arcam meam. N. Adferam. sed tu me hic expecta. R. Nusquam moveo.

COLLOQ: XIX. ARGUM.

Sub præcepto de parentum obedientia, continentur omnes qui nobis præsunt, Contentiones vitandæ.

PATE-

NESCIS vetitum esse, ne submissè loquamur inter nos? *v.* Quidni scirem; cum præceptor tam sæpe nobis inculcet ejus rei causas? *p.* Cur igitur modo faciebas contrà? *v.* Quia Petrus ita me cœperat alloqui. *p.* Quid tum? debuisti illum admonere, non imitari. *v.* Deui; sed tunc mihi non vênit in mentem. *p.* Sed interim notandus es. *v.* Minimè verò; nisi vis esse ipso præceptore severior. *p.* Dic mihi causam. *v.* Quia præceptor vetat quempiam notari, qui sponte delictum agnoverit; modò ne tale sit factum, quod verbo Dei interdictum sit. *p.* Nonné à Deo præceptum est, ut parentibus obediamus? *v.* Illud est quintum Decalogi præceptum. *p.* Atqui præceptum illud patet latiùs. Nam parentum nomine, præceptores complectitur, & magistratus, & deniq; omnes quib^o Deus ipse nos subjecit. *v.* Non equidem nego vera esse quæ narras; sed malo præceptorem consulere, quàm tecum disputare: alioqui in majus malum me induceres, quod est Contentioni vitium, multo magis a præceptore vetitum. *p.* Equum dicis. memineris igitur præceptorem admonere, cum rationes à nobis exiget. *v.* Ne putes me obliturum: præsertim cum mea res agatur.

COLLOQ: XX. ARGUM.

Curiosus res novas audire semper caprat.

ROSSETUS, FERRERIUS.

VNDEVENI? *f.* Eforo. *r.* Quid illic audisti novi? *f.* Nihil. *r.* Nihilne? *f.* Nihil prorsus. *r.* Mirum est te nihil audisse de bello aut de cæteris rebus Gallicis. *r.* De iis quæ nihil ad me pertinent, non soleo percunctari. *r.* Esto. sed tamen aliquid vel in transitu audiri solet. *f.* Ne mentiar, intellexi non nihil in transitu. *r.* Narra mihi, quæso. *f.* Nunc non est narrandi spatium. *r.* Cur non? *f.* Est mihi alio properandum. *r.* Quonam? *f.* Nihil ad te. *r.* Quando igitur revises nos, ut ex te istud audiamus. *f.* A prandio, si licebit per otium? *r.* Amabo te, fac liceat. *f.* Dabo operam. sed me detines diutiùs. Vale.

COLLOQ: XXI. ARGUM.

De reditu ex villa.

FRANCISCUS, DIONYSIUS.

VBI fuisti hū diebus? D. Ruri. F. Quo in loco? D. In villa nostra. F. Quid agebas illi? D. Ministrabam patri. F. Quid verò ille? D. Pastinabat vites nostras. F. Quando illinc redisti? D. Heri tantum. F. Quid pater? D. Vnà mecum reversus est. F. Bene factum. sed quò nunc ù? D. Recta domum. F. Quando repeses ludum litterarium? D. Cras, iuvante Deo; aut ad summum perendie. F. Ergo interim vale. D. Et tu vale mi Francisce.

COLLOQ: XXII. ARGUM.

Officium promittitur amici absentis nomine.

FONTESIUS, CURTETUS.

QUANDO rediturus est Blasius? C. Non certo scio; fortassa die crastino. sed cur istud rogas? F. Quia secū abstulis catalogū; & præceptor irascesur si nemo sis qui recites. C. Relinque mihi istam curam: habeo catalogi exemplū. F. Recitabū igitur? C. Recitabo. F. Bene facies. & noster Blasius reseret gratiam, si qua se offeret occasio.

COLLOQ: XXIII. ARGUM.

Sine Dei voluntate nihil fit boni.

GARBINUS, FURVARIUS.

QUOD est tibi domicilium? F. Paterna domus. G. Vnde numē veni? F. Domo. G. Vbi prædisti? F. Domi. G. Vbi cenabū? F. Domi vestra, ut spero. G. Qui scū? F. Pater ipse tuus hodie me invitavit. G. Vbi illum vidisti? F. Domi Varroni. G. Quod illic erat tibi negotium? F. Pater me miserat nunciatum aliquid. G. Scire etiam velim, ubi sis cubiturus? F. Domi fratru. G. Quid habes negotii cum fratre tuo? F. Dixit sorori nostra se velle convenire me otiosē. G. In qua domo habitat? F. In quadam conductitia. G. Eho, nullamné habes propriam domum? F. Habet quidem; sed eam locas quibusdam inquilinū. G. Locas igitur domum propriam.

priam, conducit alienam? F. Scilicet; ut ex me audis. G. Quanti locat? F. Octodecim aureis Italicis, quos nunc Pistoletos vocant. G. Cur illam non potius habitat? F. Quia sita non est in loco satis commodo, sive (ut ita loquar) mercatorio. G. Sed illam alienam quanti conducit? F. Longè pluri. G. Quanti igitur? F. Quinque & viginti. G. Cara est habitatio. F. Carissima. sed quid agas? Loci commoditas id facit. G. Agè (ut aliquando tandem finiamus) dic precor, scinè ubi cras futurus sis? F. Domum revertar, ut inde in scholam me conferam: si quidem permiserit DOMINUS. G. Cur addis, Si Dominus permiserit? F. Quia nisi permissu Dei, ne domo quidem exire possemus. G. Istud audiui sepe ex præceptore. F. Cur ergo rogabas? G. Quia Nunquàm nimis dicitur quod bene dictum fuerit; præsertim ubi de rebus divinis agitur. F. Istud quoq; ex præceptore didicimus. G. Verum: sed utile est, talia sepe repetere ad memoriam exercendam. F. Vide quònos sensim adduxerit tua prima interrogatio? G. Tantùm volebam paucis verbis tecum joculari. F. Agè, quoniam nunc satis animum exercuimus; non vñ etiam corpus exercere, valetudinù causa? G. Quidniveлим? F. Eamus igitur lusum pilæ palmariæ: nam eo lusu scio te delectari. G. Delector sanè: sed nunc pilam non habeo. F. Ecce tibi: sequere me. G. Ego te sequar libens: tu me bene ducito.

COLLOQ: XIII. ARGUM.

Pecuniam creditã reposcit creditor à debitore: Deº omnia gubernat.

CREDITOR, DEBITOR.

QUOAD patris reditum expectas? D. Hinc ad diem octavum. C. Quis scis diem? D. Ipse pater ad me scripsit. C. Adventus ejus (ut spero) te ditabit. D. Cræso ditior ero, si bene numatus venerit. C. Tunc mihi mutuum reddes? D. Non est quòd dubites. quin, si tibi opus erit amplius, non modò reddam mutuum, sed etiam referam gratiam. C. Quomodo? D. Pecuniam mutuum vicissim dabo. C. Nihil opus erit, spero. D. At nescis quid possit accidere.

accidere. c. Tempus est brevissimum. d. Non eo dico, quòd tibi velim ominari malum. c. Quicquid ominentur homines, DEUS clavum tenet. d. Sed quid cessamus recipere nos in auditorium? c. Opportunè admones.

COLLOQ. XXV. ARGUM.

Patris docti diligentia in filius domi docendis. Beneficium Dei agnoscendum ab iis qui bonos parentes habent.

PICUS, MARCUARDUS.

QUANDO rediisti domo? M. Tantùm redeo. P. Vbi est frater? M. Mansit domi. P. Cur mansit? M. Vt pranderet cum matre. P. Tu verò cur etiam non mansisti? M. Iam pranderam cum patre. P. Quis vobis ministrabat? M. Ancilla. P. Quid mater ubi erat? M. Etiam domi, sed occupata. P. Qua in re? M. In recipiendo tritico quod nobis advectū fuerat. P. Quando redibis domum? M. Cùm accersat à patre. P. Quo die istud erit? M. Fortasse hinc ad quatuor dies. P. Cur vos tam saepe comineatis? M. Sic volunt parentes. P. Quid agitis domi? M. Quod jubemur à parentibus. P. Sed interim perit vobis studiorum tempus. M. Non omnino perit. P. Quid igitur? M. Quoties pater non est necessario occupatus, omnibus horis exercet nos; manè, ante & post prandium, ante cœnam, à cœna satis diu; postremò etiam antequam cubitum eamus. P. Quibus rebus vos exercet? M. Exigit à nobis ea potissimum, quæ tota Hebdomade in schola didicimus: rhemata nostra inspicit, ac de iis nos interrogat. saepe dat nobis aliquid modò Latine, modò Polonicè describendum: interdum etiam nobis proponit brevem sententiam vernaculo sermone, quam Latine vertamus; interdum contrà, jubet aliquid Latine Polonicè reddere. P. Mira narras, si modò vera. M. Immo sunt longè plura, quàm quæ tibi narravi: sum enim oblitus morum civilitatem, de qua etiam admonere nos solet in mensa. P. Cur pater vester tantum sumit laborem in vobis docendū? M. Vt sic intelligat num in schola operam ludamus, & tempore abutimur.

mur. P. Mira hominū diligentia, atq; adeo prudentia! O quā devincti estis Patri cœlesti, qui talem patrem in terra dedit vobis! M. Faxit ille, ut hoc & cetera ejus beneficia nunquam obliviscamur. P. Bonum & pium est istud optatum: cura ut habeas non modo in ore, sed in animo etiam magis. M. Quod me tam fideliter mones, habeo tibi gratiam. P. Bene monendi officium debemus omnibus; sed maximè familiaribus & amicis. M. Rectè judicas. Sed viso num frater domo tandem reverterit: nam ad cessandum promptus est plus satius.

COLLOQ: XXVI. ARGUM.

Res ad bonam scripturam necessaria. Probus puer bene merendi occasionem non modo expectat, sed etiam querit. Charitas Christiana Spiritus auctor ejus. Exemplum diligenter notandum.

MYCONIUS, PETELLUS.

SERIONE scribis, an tu ineptus? P. Equidem scribo serio: cur enim tempore abuterer? Tu verò cur istud rogas? M. Quia vidis aliquando cum bene scriberes. P. Scribo interdum melius. M. Qui sit igitur ut nunc tam scribas malè? P. Desunt mihi bene scribendi adjumenta. M. Quae tandem? P. Bona charta, bonum atramentum, bona penna. Nam haec mea charta (ut vides) miserè perfluit: atramentum est aquosum, & subalbidum: penna mollis, & malè parata. M. Cur ista omnia maturè non providisti? P. Pecunia mihi deerat, & nunc etiam deest. M. Incidisti in illud vulgare proverbium, Cui deest pecunia, huic defunt omnia. P. Sic agitur mecum. M. Sed quando te speras accepturum? P. In mercatu proximo pater ad me missurus est; aut ipse met venturus. M. Ego te interea juvare volo. P. Si quidem id potes magno beneficio me affeceris. M. Accipe hos sex asses mutuo ad chartam, & cetera comparanda. P. Quam verè dictum est illud, Amicus certus in re incerta cernitur! Sed quid te impellit, ut mihi ulterò tam benignè facias? M. Charitas illa Dei quae (ut Paulus ait) effusa est in cordibus nostris. P. Mira est virtus divini Spiritus, qui ejus auctor est charitatis. Sed mihi interim

cogitant-

cogitandum, quomodo tibi referam gratiam. M. Parvares est
 omitte istam cogitationem; ne impediatur, quominus in utram-
 vū aurem dormias: tantum redde mutuum, cum tibi commo-
 dum fuerit. P. Reddam (ut spero) propediem. M. Eamus ad pre-
 cationem ne notemur. P. Adde unum, si placet. M. Quid est? P.
 Ne hodie incenati mittamur cubitum. M. Ha, ha, ha, he.

COLLOQ: XXVII. ARGUM.

Spes certa in Deo neminem frustratur. Philosophi Ethnici multa ver-
 bo divino consentanea dixerunt.

VELUSATUS, STEPHANUS.

QUOTA hora surrexisti hodie? s. Paulò ante quintam. VE:
 Quis te expergesecit? s. Nemo. V. An ceteri jam surrexerant?
 s. Nondum. V. Non ivisti illos excitatum? s. Non ivi. V. Quam-
 obrem? s. Nescio; nisi quia non putabam illud ad me pertinere:
 V. Annon te illi excitant interdum? s. Immo sepius. V. Debu-
 isti igitur similiter facere. s. Debus; fateor. V. Memento igi-
 tur, ut posthac facias. s. Meminero, Deo juvante. V. Sed tu quid
 fecisti, ex quo surrexisti lecto? s. Primum flexi genibus pre-
 catus sum. V. Factum bene! quid postea? s. Deinde ornavi me;
 & curavi corpus mediocriter; ut Christianum decet: postremò
 ad quotidiana studia me retuli. V. Si perges sic facere, ne dubi-
 tes, quin DEUS tua juvet studia. s. Adhuc me semper juvit,
 quæ est ejus benignitas; nec me (ut spero) derelinquet. V. Rectè
 loqueris: nec ille spem tuam frustrabitur. s. Anno superiore di-
 dici in Catone, Spem retine; spes una hominē nec mor-
 te relinquit. V. Quod retinueris, bene fecisti; est enim egregia
 sententia, & hominē Christiano digna. s. Atqui auctor ejus li-
 bri non fuit Christianus. V. Non fuit, certa res est. s. Vnde igitur
 sumpsis tot pulchras sententias? V. Maxime ex philosophis eth-
 nicis. nam & ipsi divino spiritu illuminati, plurima dixerunt,
 quæ sunt verbo Dei consentanea. quod tu quoq; videre aliquan-
 do poteris, si litterarum studium prosequere. s. Ego prosequar (ut

spero) dummodo ipse Deus det patri meo vitam longiorem. v. Precare diligenter & ex animo, ut illud contingat. s. Quotidie id precor sape. v. Det tibi Dominus Deus in omni opere bono perseverantiam. s. Quod mihi optas, idem tibi precor: & gratias ago, quod me tam fraternè monueris.

COLLOQ: XXVIII. ARGUM.

Invitatio ad lusum. Eventus ludi. Quicquid nobis accidit, est boni confulendum. Ditari aliquem Deo adjuvante. Spe lucri non est ludendum. Ethnicorū doctrina de fortuna. Admonitio careat odio, & invidia. Solus Deus est cordium scrutator. EXEMPLVM admonitionis mutue

DOMINICUS, BARBASIVS.

VBI sunt juglandes tuae? **B.** De quibus loqueris juglandibus? **D.** Quas hodie ex premio accepisti. **B.** Vbi sint rogas? quasi verò tibi servare debuerim. **D.** Non sic intelligo: sed quero quò feceris. **B.** Edi in merenda. **D.** Edisti miser? cur potius non servabas ad ludendū. **B.** Edere malui, quàm perdere. **D.** Non poteras perdere nisi duodecim. **B.** Fateor. **D.** Quòd si fors tulisset, potuisses ducentas, aut fortasse plures lucrifacere. **B.** Dubius est (ut vulgò dicitur) ludi eventus. **D.** Quid tum? Vbique parati esse debemus in utramq; partem, & boni consulere quicquid nobis evenerit. **B.** Istud ego scio: sed non sum admodum ludendi peritus in eo genere. **D.** Abi; nunquam rem facies. **B.** Aliquis rem facit Deo volente: nec ego ditari ex ludo velim. **D.** Ergo ut (video) querendus mihi est collusor alius. **B.** Nihil sanè impedio. Sed mane parumper. **D.** Quid vis? **B.** Quid tu vocas sortem, de qua hic mihi mentionem fecisti? **D.** Ipsam fortunam. **B.** Quid autem est fortuna? **D.** Stultorum opinio. **B.** De fortuna quid opinantur stulti? **D.** Nunc mihi non vacat de hoc tibi respondere: sed vide annotationem preceptoris in Catonem. **E.** In quem locum? **D.** In illum versiculum: Indulget fortuna malis, ut lædere possit. **B.** Vt video, non ignoras quid sit fortuna. **D.** Satis scio fortunam nihil esse. **B.** Cur ergo dixisti: Quod si fors tulisset? **D.** Excidit mihi sic loqui Ethnicorum more. nam eorum

libri (ut saepe docet praeceptor) pleni sunt ejusmodi impiâ doctrinâ. B. Nihil mirum: nempe illi veram Dei cognitionem non habuerunt. D. Sed audi, mi Barbasî; si vñ amplius disputare, quære tibi alios disputatores: nam mihi nunc serîo ludendum est. volo tamen prius te vicissim admonere. B. O quàm gratum mihi feceris! D. Nonne dixisti hæc verba, Dubius est ludi eventus? B. Fateor me dixisse: sed præmunivi. D. Quomodo istud intelligis? B. Addidi hæc tria verba, ut vulgò dicitur. D. O astutam vulpeculam! os occlusisti mihi. Sed hæc inter nos sine odio, aut malevolentia dicta sint. B. Novit Deus utriusq; animum. D. Est enim ille solus cordium scrutator. Sed quid tu? vñ hic solus otio torpescere? B. Cogito quo lusu me exerceam. D. Quasi verò sis diutius cogitandum. Agè, sequere me; dabo tibi mutuo juglandes. B. Amicè nunc loqueris. sed quando reddam? D. ad Calendas Græcas, si non potes citius. B. O festivum caput! eamus.

COLLOQ: XXIX. ARGUM.

Scientia res inæstimabilis. Misericordia. Bona externa perdunt multos. Divitiæ sunt Dei donum. Virtutis & scientiæ possessio. Mens bona.

RUFUS, CASTRENSIS.

QUANDO repetes ludum literarium? C. Nescio. R. Cur de hac re patrem non admones? C. Quid putas me curare? R. Patrum admodum, ut credo. C. Profectò verum dicis. R. Satis est signi te non amare literas. C. Scio legere, Latinè loqui, saltem mediocriter: quid opus est mihi tantâ scientiâ? R. O miserum adolescentem! sic in rem contemnî inæstimabilem? C. Quid tu sic exclamas? unde tibi videor miser? R. Amicè, nulla tibi à me orta est injuria. quod enim tibi dixi, non est convicium; ne tu in malam partem accipias: sed misereor tui, quia id contemnî quod felicitatem parit. C. Lucrum, divitiæ, & voluptas felicitatem pariunt. R. Immo ista multis fuerunt exitio; tamen si divitiæ sunt donum Dei, nec nocent nisi iis qui abutuntur: verum enim verò. Nulla est homini pretiosior possessio, quàm VIRTUS, & RERUM HONESTARUM CO-

GNITIO. C. *Vix igitur concionari, ut video. R. Veinam divinas conciones audivisses diligenter. C. Hem obtundū me. num quid vix? R. Ve bonam mentem det tibi Deus. C. Eā forasse tibi est magū opus, quā mihī. Vale.*

COLLOQ. XXX. ARGUM.

Euntes in scholam latinē colloquuntur. Simile gaudet simili. Improhorum mores probis odiosi.

MICHAEL, FRISIUS.

SALVE Frisi. F. Tu quoq; salvus sis Michael. Quota est hora? M. Mox audies sonum semihorae post quintam. F. Bene habes: mature sati aderimus. M. Gaudeo me tibi occurrisse; ut euntes Latinē tantisper colloquamur. F. Ea sanē est utilis & jucunda exercitatio. M. Quoties incido in aliquem ex istis dissolutis nebulonibus, malle m rheadarium offendisse. non enim per eos mihi licet aliquid in via meditari; adeo mihi eorum mores odiosi. F. Nihil mirum: nam fere sunt ejusmodi, ut neq; loqui velint quidpiam boni, neq; audire sustineant. M. Quid cum illis agas, quibus nihil est cura, nisi ut suas libidines expleant? F. Nihil aliud crepant, nisi suas cupe dias, & meras computationes in secretis cauponulis. M. Etiam nos irrident pleni buccis, quod Latinē pervicos loquamur. F. Illud verō est omnium pessimum, quod nusquam se patiuntur admoneri. M. Quia scilicet (ut ait Propheta) non est timor Dei ante oculos eorum. F. Si quid acceperis amice commovere, statim audies, Tace concionator, obtundū me. Quod si dixeris, Deseram te ad præceptorem, aut ad observatorem: Oh, ego bene curo, inquiūt: tu non auderes, nam si me accusares, non ferres impune. M. Immo verō te contumud verberabunt; si locus erit semotus ab arbitris. F. Profectō cum quidam eorum me nuper offendisset in quodam recessu, impegit mihi in utramq; malam duos ingentes colaphos; & aufugit continuo. M. Quid tu, quaeso interea? F. Quid istud quaris? tam illud subitum fuit. ut vix hominem aspicere potuerim. M. Sed qui tam cito & sensim ad scholam pervenimus? F. Sic fere con-

fabulantibus usu venire solet. M. Agè, ingrediamur sine murmure & strepitu; ne studentes offendamus.

COLLOQ. XXXI. ARGUM.

Antonius & Daniel colloquuntur de matrimonio. Adolescens doctus & bene moratus. Puella bene instituta. Exemplum prosperi conjugii.

ANTONIUS, DANIEL.

EUGE, audi vi sororem tuam nupsisse. D. Verum audivisti. A. Quis est maritus ejus? D. Quidam civis Lugdunensis, honestis parentibus progenitus. A. Estne dives? D. Sic habetur: sed tamen pater meus hoc longe pluris facit, primùm, quòd ille sit bene moratus adolescens; deinde, quòd non solùm doctissimus, sed etiam bonarum literarum amantiissimus; deniq; quòd diligens Dei cultor, & Christiane religionis summus observator. A. Mihi narras egregios adolescentis titulos. O felicem sororem tuam, que Dei beneficio talem virum nacta est! D. Felicem sanè non abs re dixeris; siquidem bonum illud perpetuò sic agnoscat, ut semper meminerit ex Dei bonitate profectum esse, ob idq; immortales agat eidem gratias. A. Credo id facturam. D. Ita spero quidem: sic enim à parentibus semper bene instituta est. Sed me jam aliud revocant domestica negotia. Ergo vale mi Antoni. A. tu quoque bene vale suavissime Daniel. D. Num quid vù? A. Vt verbum meum dicas salutem plurimam tuis omnibus, precipuè patri, matrig; & ipsi novæ nuptæ: meq; illi gratulari faustum illud conjugium. D. Ego verò id faciam, & quidem libentissimè.

COLLOQ. XXXII. ARGUM.

Henricus conferre quærit de concione laera: Gerardus recusat atq; offenditur. Exemplum in morum dissimilitudine.

HENRICUS, GERARDUS.

HODIE te non vidi in concione: quid illud sibi vult? G. Quid sibi velit nescio; ego tamen interfui. H. Narra mihi que mandasti memoria. G. Non est tuum à me rationem exigere. H. Ego quidem non exigo: verùm id rogo, ut memoriæ causâ conferamus unà. G. Malim nunc solus recordari. Audies me, si voles,

cum preceptor ante prandium nos interrogabit. H. Quid mali esset, si nunc inter nos ea de re conferremus? G. Nihil mali esset, fateor: sed nunc mihi non libet. H. Tua te libido regit. G. Omitte me, cur molestus es? H. Omitto sanè: sed audi unum verbum: Non decet puerum esse tam morosum. G. Nec puerum decet esse tam molestum.

COLLOQ: XXXIII. ARGUM.

Admonitionem bonam puer bonus in bonam partem accipit, & gratias habet monitori.

RUBLIUS, LEPUSCULUS.

QUID fecisti regulam meam? L. Reliqui in pergula superiore. R. Cur eam reliquisti? L. Oblitus sum. R. Non recte factum, sed tu sic facere soles, si quid tibi fuerit commodatum. L. Piget me negligentiam meam. R. Non satum est dolere; nisi mores mutare velis. L. Deum precabor, ut mihi mutare velit. R. Si sapi, alioqui nemo tibi posthac commodare volet. L. Habeo gratiam, quod me tam amicum monueris. R. I nunc repetitum meam regulam: est enim ea mihi opus ad ducendas in charta lineas. L. Nunc eo. R. Refer ad me in cubiculum. L. Mox habebis.

COLLOQ: XXXIII. ARGUM.

Admonitus monitorem vicissim monet.

Suspectus caveas; ne sis miser omnibus horis:

Nam timidus & suspectus aptissima mors est.

In suspiciosos.

EMERICUS, BALDUS.

CUR solus rides? B. Quid tua? E. Quia fortasse rides me. B. Unde tibi orta est ista suspicio? E. Quia malus es. B. Omnes quidem mali sumus: at ego te peior non sum. Nemo igitur ridet nisi aliquem irrideat? E. Non sic intelligo: sed Qui solus ridet (ut saepe audiui) aut stultus est, aut aliquid mali cogitat. B. Ista sententia cuius sit nescio; sed cuiuscumque sit, non est perpetuo vera. tamen admonitionem tuam in bonam partem accipio: teque moneo vicissim, ut caveas suspiciosus esse: Nam timidus, & suspectus aptissima mors est; ut est in morali nostro car-

mine. E. Memini. boni tamen consulo admonitionem tuam.

COLLOQ: XXXV. ARGUM.

Nicolaus Mercerium monet, nescit curiosus alienarum rerum percontator. Horatius, Percontatorem fugito, nam garrulus idem est: Nec retinent patulæ commissa fideliter aures: Exemplum in percontatores.

NICOLAUS, MERCERIUS.

Vnde venis? M. Domo. N. Quid agitur domi vestra? M. Nihil tua refert. N. Fateor: sed familiares sic rogare ferè solemus: perinde quasi rogemus, Ut valetis? Quomodo se vestrae res habent? M. De re aliena nimium percontari non decet. N. Taceo. sed videris mihi pro ætate nimium sapere. M. Nihil meum dico: id audiui saepe. N. Ego quoq; non semel audiui. M. Cur ergo non uteris? N. Quia non semper in mentem venit. M. Immo quia tu es percunctator: quæ res non sine causa datur vitio. N. Habeo gratiam, quòd me ad eò amicè moneas: posthac, adjuvante Deo, cavebo ineptus esse. M. Ita paulatim sapias.

COLLOQ: XXXVI. ARG.

Latinus sermo colloquiis exercetur. Colloquiorum materia, Otiosus sermo qui sit, Docilitas.

PONTANUS, MARCUS.

Vnde redis? M. Foris. P. Cur exieras? M. Redditum urinam. P. Qualis est cæli facies? M. Nebulosa. P. An regelat? M. Sic resolvitur gelu, ut nives omnino liquecant. P. Etiamne pluit? M. Sensi aliquid supernè distillare. P. Forasse in transitu, è stillicidio tecti. M. Immo è nubibus, scio: quòd si non credis, vise tu ipse. P. Quasi ego tibi non credam in re tantilla. M. Cur igitur dubitare videbaris? P. Ut pluribus verbis tecum fabularer. M. Quorsum id pertinet? P. Ad Latinum sermonem exercendum. M. Sed interim saepe otiosa verba dicimus, à quibus omnino abstinendum Christus precipit. P. Tota erras vià in præcepti intellectu. M. Cur istud dicis? P. Quia non est otiosus sermo, qui ad aliquam institutionem refertur: præsertim ubi agitur de bonis & honestis rebus: qualia sunt Dei opera in rebus naturalibus. M. Vide-

si mihi rectè sentire: proinde facile tibi assentior. P. Sed hæc hæcenus, instat nobis aliud negotium. M. Agè, desinamus.

COLLOQ: XXXVII. ARGUM.

Exemplum oblivionis.

TROLLIETUS, BOLANUS.

SCIN? tu quota sit hora? B. Non certum scio: sed video instare cæne tempus. T. Me miserum! oblitus sum adire matrem, qua jufferat. B. Curre, curre: opportunè venies: ut cænes domi. T. Rectè mones: ego rogatum veniam. B. Eccum hypodidascalum. T. Optimè adest.

COLLOQ: XXXVIII. ARGUM.

Rolandus & Lambertus de scalpello recens empto colloquuntur. Res inventa restituenda est domino, si cognosci potest: inventori dandum aliquod præmium. Deus precandus & laudandus.

ROLANDUS, LAMBERTUS.

QUID ai de scalpello quod emeram tibi nudius tertius? est me satù bonum? L. Immo verò est optimum. sed (me miserum) parùm absuit, quin perdidim. R. Ebo, quid ai? quomodo id accidit? L. Cùm redirem foris, exciderat mihi in vico. R. Vnde exciderat. L. E theca mea, quam imprudenter apertam reliqueram. R. Quomodo recuperasti? L. Affixeram statim chartulam valvæ templi: post prandium quidam puer sexta classum mihi retulit. R. Vtinam omnes tam fideles essent, qui res amissas reperiunt. L. Profectò pauci sunt qui resituant. si modò sit res aliqujus pretii. R. Et tamen id verbo Dei nominatim præcipitur. L. Quidni? Est enim furti species, si quis rem alienam inventam retineat, modò sciat cui reddenda sit. R. At plerique putant se jure possidere quicquid amissum invenerint. L. Errant illi quidem gravissimè. R. Verùm (ut redeamus ad incertum sermonem) quid dedisti puero qui scalpellum tuum invenerat? L. Dedi sextantem, & nuces aliquot juglandes: laudavi præterea, & paucis admonui idem semper esse faciendum. R. Rectè fecisti: sic enim libentiùs reddet aliàs, si quid repererit.

Sed

Sed quid sperdidisses? L. Equo animo tulissem: & mihi emisset aliud. R. Itane equo tulisses animo. L. Certè non sine aliqua molestia. R. Non igitur equo animo. sed nolo te arctius urgere. L. Non sumus theologi. R. Quid ergo? L. Grammaticuli. R. Et quidem imperiti. L. Tantò diligentius Deum precari debemus, ut nos liberet ab inscitia & ignorantia tenebris, in quibus & versati sumus, & adhuc versamur. R. Id verò faciemus, si sanctis admonitionibus pareamus, quas audimus quotidie à præceptoribus, & sepe à concionatoribus. L. Vide quantum profuerit nobis scalpelli mei amissio. R. Ob eam rem tibi dupliciter gratulor, primum, quod tibi rectè emerim: deinde quòd amissum recuperaveris. L. Habeo tibi gratiam. mi Rolande. R. Quin patri nostro cælesti sit laus, & gratiarum actio. L. Amen.

COLLOQ: XXXIX. ARGUM.

De pennis ad scribendum acuendis. pennarum bonarum notæ.

MACARIUS, CAROLUS.

MIH I non videris nimis occupatus, c. Mediocriter. M. Quid si mihi ex acuas duas aut tres pennas? c. Satis sis tibi, si unam acuero in presentia. Suntne novæ? M. Novæ quidem, sed paratæ usquedum acuantur. jam enim levigavi, caudam rescidi, detraxi plumulas. c. Ostende, profectò sunt optime, et ad scribendum aptissima. M. Vnde id nosti? c. Quia sunt caule amplo, firmo & nitido. nam molles, & que caulem breviorē habent, parum sunt ad scribendi usum habiles. M. Gaudeo me utiliter emisse. c. Non abs re. sed quanti? M. Pro his tribus dedi quadrantes duos. c. Singulas igitur binis emisisti denariolū. M. Res apparet. Est vile pretium pro rei bonitate. c. De quo emisisti? M. De quodam circumforaneo. c. Apud hujus oppidi mercatores singulæ & quidem minus bonæ, venduntur sextantibus. M. Et tamen audent interdum dicere pluri sibi constare Lugduni. c. Ea fere est mercatorum consuetudo, nihil enim proficiunt nisi admodum mentiantur, ut ait Cicero. M. Sed age ne te diutius remorer, aga-

mus quod instat. c. Cito expedire. aspice me diligenter; ut discas aliquando. M. Aspicio intentu oculis. sed mihi opus esset spatium paulo longiore. c. Istud ergo fiet in cubiculo, si quando me velis invisere. M. Quo tempore? c. Post scholae missionem; hoc est, hora nona matutina, vel quarta pomeridiana. Nunc habet penas duas, recte (ni fallor) in usum tuum accommodatas. hanc tertiam in aliud tempus tibi integram servabo. M. Accipe tibi, si placet. c. Quin tibi serva: domo adferuntur mihi satis multa. M. Ago tibi quantas possum gratias. Vale. c. Incolumem te conservet Deus. Sed heus, ne parcas unquam labori meo. M. Tu quoque me, & rebus meis vicissim utere, si quid opus fuerit. Iterum vale.

COLLOQ: XL. ARGUM.

Brevis confabulatio, sed doctrinae plena. Vir bonus & prudens occasionem docendi capit e re minima.

PUTEANUS, BUERLA.

Vnde veniebas modò? B. E culina. P. Quid illuc iveras? B. Ut me calefacerem. P. Tu, credo, libentius es in culina, quam in schola. nonne? B. Nihil mirum. in schola non est ignis, sicut in culina. P. Abi; sapi. B. Utinam tam saperem in divinis rebus, quam in cura corporis. P. Fac sapias. B. Quomodo? P. Studio, cura, labore, diligentia. B. Non parco labori. P. Recte facis. sed est tempus expectandum, cuius progressu fiunt omnia: interea precandus est Deus assidue. B. Bene mones. utinam ille studia nostra promoveat in gloriam sui nominis. P. Id faciet, si pergamus eum colere diligenter.

COLLOQ: XLI. ARGUM.

Ab amico quidam mutuo assen impetrat. Obiter mentio fit de providentia Dei.

MARTIALIS, BLANCUS.

Quantum habes pecunia? B. Assen cum semisse. Tu verò? M. Non tantum. B. Quantum igitur? M. Vnicum assen. B. Vis mihi dare mutuo? M. Est mihi opus. B. In quem usum? M. Ad emendam chartam. B. Hodie reddam tibi. M. Addendum fuit.

Deo

Deo juvante. B. Sic docet praeceptor; sed non possum assuescere.
 M. Fac assuescas. B. Quomodo id fiet? M. Si saepe cogites, nos à
 Deo sic pendere, ut nihil possimus sine ejus auxilio. B. Bonum
 mihi das consilium M. Quale mihi dari velim. B. Sed (ut ad pro-
 positum redeamus) dabo mutuo istum assem? M. Miror te mu-
 tuo petere, qui plus habeas quàm ego. B. Est quidam scholasticus
 hac transiens, qui librum venalem ostentat. M. Quid tum? B.
 Cupiebam emere; quia vilius indicat, quàm noster bibliopola.
 M. Accipe. sed quaeso, unde tam citò reddes? B. A cœna ibo do-
 mum, ut à matre petam. M. Quid si dare nollet? B. Nihil cun-
 ctabitur; cum librum ostendero.

COLLOQ: XLII. ARGUM.

Montanus & Eusebius conferunt annos suos. Laudatur docti pædagogi
 diligentia; item boni patris prudentia in liberorum instituendorum
 cura. Agnoscitur in ea re Dei beneficium; Exemplum exercitationis in
 lingua Latina à teneris annis.

MONTANUS, EUSEBIUS.

QUOT annos habes? E. Tredecim; ut à matre accepi. Tu ve-
 rò? M. Equidem non tot habeo. E. Quot igitur? M. Deest unus.
 E. Sunt ergo duodecim. M. In promptu est ratio. E. Sed frater tu-
 us quotum agit annum? M. Quintum. E. Quid aù? jam Latine
 loquitur. M. Quid miraris? semper habemus domi pædago-
 gum, & doctum, & diligentem: semper nos Latine loqui docet:
 nihil Polonicum effert, nisi aliquid declarandi causâ: quin eti-
 am patrem non audemus, nisi Latine alloqui. E. Nunquam igi-
 tur Polonicè loquimini? M. Solùm cum matre; idq; certâ quâ-
 dam horâ, cum illa nos ad se vocari jubet. E. Quid agitis cum fa-
 milia? M. Cum familia rarus est nobis sermo, & quidem tantùm
 in transitu: & tamè famuli ipsi nos Latine alloquuntur? E. Quid
 ancille? M. Si quando usus postulat ut eas alloquamur, utimur
 sermone vernaculo; ut solemus cum ipsa matre. E. O vos felices,
 qui tam diligenter docemini! M. Est Deo gratia, cujus dono pa-
 trem habemus qui curet nos tam accuratè erudiendos. E. Certe
 ejus

ejus rei laus, & honor unico cœlesti Patri debetur. M. Sed quid agimus? jam audio recitari catalogos. E. Ergo festinemus.

COLLOQ: XLIII. ARGUM.

Silvius Ludovico ægrotanti suadet ut quiescat: Paret Ludovicus.
SILVIUS, LUDOVICUS.

QUID *tristis es Ludovice? L. Egroto. s. Quid morbi est? L. Nescio. s. Sed tamen estne gravis morbus? L. Non admodum, gratia Deo. s. Quidnam tibi dolet. L. Caput? s. Quid; totumne caput. L. Non certe. s. Quæ pars igitur? L. Nescio nomen. s. Estne vertex? L. Non est. s. Quid ergo? utrum sinciput, an occiput? L. Hac pars anterior. Est ergo sinciput. L. Quid igitur faciam? s. Quiesce bene; mox sanus eris. sic enim à matre accepi, Nul- lum esse præsentibus remediũ capitis doloribus quàm quietem. L. Atqui varii sunt morbi capitũ. s. Et varia fortasse remedia. sed quid est facilius, quàm id tentare quod dixi tibi? L. Experiri quidem, nihil (ut spero) nocebit. sed ubi quiescam? s. Domi vestrae in lecto. L. Mater non sinet. s. Immo si dixeris te ægrotare. L. Atqui me putabit simulare. s. Fieri potest. Sed quid dubitas periculum facere? L. Bonum consilium. s. Vteres, si vis. L. Faciam profectò. s. Enim verò, si sapiis. L. Sed unum restat. s. Quid est? L. Impetranda est à præceptore venia. s. Adi & pete. L. Quid si nolit dare? s. Immo facillimè. L. Qui scit istud? s. Quia satũ est credulus nobis; nisi qui aliquoties illum sefellerunt. L. Nunquam sciens illum sefelli. s. Ito igitur fidenter. L. Nunc eo. s. Sed heus, prius meditare, quid sis dicturus; ne fortè loquendo hæreas. L. Bene mones: non accedam imparatus.*

COLLOQ: XLIII. ARGUM.

Paulus & Timotheus certant, uter meliùs pronunciet aliquid eorum, quæ in schola didicerint. Salomon iudex. Exemplum honesti studio- rum certaminis.

PAULUS, TIMOTHEUS, SALOMON iudex.

OPTATUS *michi ades, Timothee: quarebam qui mecum cer- tare vellet: sed omnes ad lusum certamen carrunt. tu verò quid ais? I. Quid ego malim, quàm tecum de nostris studiis pacificè*

contendere? P. Sed quod petis certandi argumentum? an de re-
 petendu Ciceronis epistolis? T. Malo de Catone. P. Quamobrem
 T. Quia restant mihi ediscenda aliquot prælectiones de Cicero-
 ne. scis enim me agrotasse ferè duis hebdomades. P. Memini-
 Vñ igitur dicamus secundum librum Moraliū distichorum T
 Est longius nimis in hanc horam. P. Quid ita? T. Quia nobis ali-
 quandiu ludendum est; ut corpus exerceamus ad valetudinem
 conservandam. P. Dicamus ergo librum tertium, qui est brevissi-
 mus. T. Sed iudicem volo. P. Præstò est Salomon, qui me ob eam
 rem sequitur. T. Vñ igitur, Salomon, audire nos? S. Quid dicturū
 estu? P. Tertium librum distichorum moraliū s. Nonne alter-
 nū diceris. T. Scilicet suum uterque distichum. s. At pueri (ne
 erretis) nolo vos audire tanquam iudex. P. Cur non? S. Ne forte
 me à sententiā alteruter amicorum offendatur. T. In quo igitur
 nobis eris adiutor? S. Notabo in chartula diligenter utriusque
 lapsus: deinde referetis ad præceptorem. T. Quid tum fiet? S. Ille
 utri videbitur, victoriam & premium adjudicabit. P. Eris igitur
 nobis tantū testis. S. Sic intelligo. T. Optima sane videtur
 mihi ratio. P. Mihi quoque valde probatur. S. Sed unum restat.
 T. Quid est? S. Vultūne, præter lapsus manifestos, hesitationes e-
 tiam notari. T. Sic volunt præceptorū leges super hac re. S. Date
 mihi librū in manum; ut certius observare possim. P. Tene meū.
 T. Incipiamne? P. Æquū est: quia tu à me provocatus es. T. Audis
 quaeso, Salomō, sed diligenter. S. Tu verò cave dicas negligenter.

COLLOQ: XLV. ARGUMENT.

Porrals & Marcard⁹ de reditu a vindemia deq; uvis allatis colloquū.

PORRALIS, MARCARDUS.

CRATULOR tibi reditum Marcarde. quando redisti rure?
 M. Heri post meridiem. P. Quid mater? M. Quemadmodum illa
 me secum duxerat, ita reduxit. P. Nonne venit in equo? M. Ee
 quidem volucario. P. Tu verò? M. Quid rogas? eram illi à pedi-
 bus. P. Non tibi fuit molestus labor itineris? M. Nulla mihi fuit

via difficilis; aded erat jucunda in urbem reditio. quid queris? noluissem eques venire. P. Quantum distat hinc villa vestra? M. Quatuor miliaribus, usq; non admodum longum. P. Sed jam satis de reditu; nunc aliud agamus. Fuis sine memor promissit tui? num redisti vacuus? M. Attuli uvarum quantum potui. P. Quantum igitur? M. Quasillum. P. Hui, quasillum! tibi igitur uni? M. Immo nobis duobus. P. Quid duobus tantillum? M. Non poteram ferre amplius, pro viribus corpusculi mei. quod si robustus essem, a sini onus asportassem: mater enim facile permittebat. P. Quam vellem adfuisse. M. Ego & mater te plurimum desideravimus. Sed esto animo bono: ea reliquit famulum ruri, qui amplissima corbe onustus veniet; tum illa tibi dabit assatim. P. Aha: nunc optata loqueris, mi Marcarde. M. Eamus domum ad nos: videbimus quasillum nostrum, adhuc (ut spero) integrum. P. O lepidum caput! nam & cupiebam ire salutatam matrem tuam, mihi carissimam. M. Profecto illi gratissimum feceris. P. Eamus igitur.

COLLOQ: XLVI. ARGUM.

Dives ex occasione pauperi opem pollicetur. Deus, hominum operam, nos nec opinantes iuvat. Deus afficit animos ab bene agendum. Deus hominum affectus gubernat. Exemplum insigne charitatis erga pauperes

ANTONIUS, BERNARDUS.

QUID hic solus cogitas? B. Meam deploro miseriam. A. Quenam te afficit miseria? B. Heu me miserum. ecce mutavimus classem: nec est mihi pecunia unde libros emam. A. An non tibi dat pater? B. Dat quidem interdum; sed parce nimis. A. Est igitur avarus. B. Non sequitur. A. Quid igitur impedit quominus tibi pecuniam suppeditet? B. Paupertas. praeterea, cum peto, miratur tot nobis opus esse libris. A. Nihil mirum; praesertim, cum sit pauper. sed interim esto animo bono; nec te afflictes quos; dabo operam, ut te juvet pater meus. libenter enim largitur pauperibus, praesertim iis quos novit bonarum litterarum studiosos esse. B. O me felicem, si tua operam me Deus adjuverit! A. Iudabit, spero: sed tu interim precare illum diligenter, ut mei pa-

erū animum erga te affectum reddat. B. Rectè mones. Nam (us sepe audiui ex sacris concionibus) Solus est DEUS qui hominum corda gubernat, ac dirigit. A. Ita res habet. B. Vale mi Antoni, qui mihi animū reddidisti. A. Tu quoq; Bernardo vale. Sed dic mihi, queso, quantum nummorum tibi opus est? B. Si duos haberem decasses, abunde mihi esset in presentia. A. Tace; ut (ut spero) divinum auxilium senties.

COLLOQ. XLVII. ARGUM.

De frigoris acerbitate, & hypocausti incommodo.

PHILIPPUS, UTERIUS.

QUÒ nunc ū? UV: In hypocaustum. P. Quid eo? UV: Hoc cinè rogandum est, non frigus sentis? P. Quotus quicq; nunc non sentiat, cum adeò sit acerbum? sed ego malim me in culina calefacere. UV: Atqui præceptor vetuit. P. Non ignoro, sed rogabo veniam. UV: Cur non vis in hypocausto calefieri? P. Vapores clibani tentant mihi caput: quod alioqui infirmum satus habeo; unde fit, ut facillè ex capite laborem. UV: Ego quoq; sic aliquando fui: sed paulatim assuefeci me ad ferenda hypocausti incommoda. P. Et ego, ut spero, me assuefaciam: verùm præstat id fieri horū pomeridianus; ubi tantus ille æstus deserbuerit. UV: Sed nunc tempus non est hic philosophandi diutiùs; jam mihi dentes frigore crepitant.

COLLOQ. XLVII. ARGUM.

Attingitur differentia inter hortum, & hortos. Rerum nomina tenere non satis est, nisi res ipsas cognoscamus.

STRATANUS, THEOBALDUS,

QUÆ sunt arbores in horto vestro? T. Hortum habemus suburbanum, in quo sunt olera quibus vescimur quotidie: præterea sunt in fundo nostro uni horti, variis arboribus consiti. S. In horto quæ sunt olera? T. De hoc mater meliùs respondere posses. nam illic sepe versatur, aut serendi causâ, aut sarriendi, aut aliquid colligendi. S. Sed tamen dic mihi aliquot olerum nomina. T. Parùm prodesset nomina tibi recensere, nisi res ipsas vi-

deres. quin eamus in rem presentem. s. Potes ire quando libet?
 T. Possum quidem, matre permittente. s. Fac amabo, permittat;
 sede a lege, ut me tibi comitem assumas. T. Id facillimè fiet: tan-
 tùm hic me expecta: mox rediero. s. Quid si ea domi non est?
 T. Tamen huc tibi renunciabo. s. Bene vertat Deus.

COLLOQ: XLIX. ARGUM.

Amicus amico pecuniam ultrò offert. Beneficium voluntarium. Hu-
 mana beneficia diligentius quàm divina expendimus. Exemplum li-
 beralitatis rarissimum.

PASCHASIUS, CAVILONUS.

HODIE pecuniam à patre accepi: si tibi forte est opus. c. Ni-
 bil nunc opus est mihi. sed tamen gratiam habeo maximam,
 quòd tua liberalitate ultrò mihi offers beneficium: quotus enim
 quicquid id faciat? p. Credo esse paucissimos; tu me tamen non se-
 mel beneficii provocasti. c. Adeò parva illa fuerunt, ut non sint
 commemoratione digna. p. Non est parvum beneficium,
 quod ab optima voluntate profectum sit. c. Vitam Dei
 erga nos beneficia tam expenderemus, quàm solemus hominù.
 p. Faxit ille, ut in ea cogitatione nos exerceamus & sepiùs &
 diligentius. Illud profectò necesse est, si volumus ejus benigni-
 tatem sepiùs experiri.

COLLOQ: L. ARGUM.

Fatonus Barbarino vult dictata describere: Barbarinus permittere
 non audet, ne à præceptore arguatur. Nec fallendum, nec mentien-
 dum est. Præstat puerum timidiorem esse, quàm audaciorem.

FATONUS, BARBARINUS.

QUID agis? B. Scribo. F. Quid scribis? B. Describo dictata præ-
 ceptorù. F. Quenam? B. Hesterna. F. Quid? non aderas? B. Immo
 aderam: sed non poteram magistrum dictantem assequi. F. Que-
 res te impediebat? B. Quòd satis commodè non sederem. F. Ve-
 neras ergo seriùs? B. Istud est. F. Cedo commentarium tuum; e-
 gomet tibi scribam. B. Quid faciam lucri? F. Ego citius, quàm tu
 descripsero: post ludemus unà, ut concessit præceptor. Da (in-
 quam) libellum tuum. B. Libenter id quidem facerem? sed non
 audeo.

audeo. F. Quid times? B. Edictum præceptoris. F. Quod mihi edictum narras? B. Nesci eum vetuisse, ne quis sine permisso ejus alteri scribat? F. Id ego probè memini, sed unde hoc scies? B. Rogas? cum, emendandi causâ, scriptura rationem exiget, tum captus ero: novit enim manum meam præterea, Neq; fallendum est, neque mentiendum. F. Verbo Dei utrumq; vetamur. B. Quid ergo responderem præceptoris, cum ille negaret me ita scripisse? F. Non eo res evadet: spero. B. Nolo tuâ spe tantum subire periculum. F. Vah! nimium timidus es: nunquam rem facies. B. At tu forsitan audacior. F. Tu igitur scribe quantum volles: ego ad ludendum me confero. B. Abi, quaeso, jam unam paginam descripsissem, nisi me interpellasses. F. At interim aliquid proficimus, dum Latine fabulamur.

COLLOQ: LI. ARGUM.

De accepta pecunia, & mutuò facile data, Amicus verus, Exemplum animi ad bene merendum promptissimi.

BERTINUS, PROBUS.

VENIT NE pater ad mercatum hodiernum? P. Hodie mane convenit me, cum adhuc lecto surgerem. B. Nihil ab eo petisti? P. Immo pecuniam. B. Et numeravit? P. In præsentia. B. Quantum, obsecro? P. Viginti asses. B. Pape! asses viginti? qui sit, ut audeat tibi tantum pecunie comittere? P. Quia novit me dispensatorè frugi: siquidem semper illi reddo rationem usque ad teruncium. B. Sed agrè fortasse impetrasti. P. Immo facillimè, atq; adeò cum gratia. B. O mitem parentem! P. Certè mitissimè. B. Sed ut ad (rem) quid facies istâ pecuniâ? P. Emam libros, & alia mihi necessaria. B. Potesne mihi aliquid mutuò dare? P. Possum, si modò eges. B. Nisi egerem, non peterem. P. Quantum vis à me accipere? B. Quinq; asses. P. Accipe. B. O verè amicium animum! P. Amicus verus non est, nisi qui amicum juvat in tempore; si tamen habet unde juvet. B. Amicus certus, ut est in proverbio, in re incerta cernitur. P. Quando red-

do reddes mutuū? B. Vbi primūm pater in hanc urbem venerit.
P. Quando venturum speras? P. In mercatu proximo; nempe ad
octavum diem Octobriū.

COLLOQ: LII. ARGUM.

Pædagogus, ad exercendam suorum discipulorum memoriam, à quo-
dam eorum, exercitationis matutinæ rationem exigit. Narrat puer or-
dine & distinctè singula, idq; memoriter, & audientibus condiscipu-
lis. Exemplum ad pueros in simplici narratione exercendos, ut puro
sermoni paulatim assuescant.

PÆDAGOGUS, PUER.

HODIE manè quotâ horâ experges factus es? PU: Ante lucem
quotâ horâ nescio. PÆ: Quis te experges fecit? PU: Venit excita-
tor hebdomadarius cum laterna sua; pulsavit acriter ostium cu-
biculi: quidam aperuit: excitator accendit nostram lucernam;
elata voce inclamavit: experrecti sunt omnes. PÆ: Narra mihi
ordine, quid egeris ex illo tempore usq; ad finitum jentaculum.
Vos, pueri, auribus atq; nimis diligenter attendite; ut discatis
hunc vestrum condiscipulum imitari. PU: Experrectus, surrexi
e lecto; indui tunicam cum thorace: sed in scabello, accepi femo-
ralia & tibialia, utraq; indui; calceos calceavi; femoralia lin-
gulâ astrinxi thoraci; tibialia periscelide ligavi supra cruras;
singulo me præcinxi; caput diligenter pexui; aptavi capiti pi-
leolum; togam indui: deinde egressus cubiculum, descendi infra;
accepi frigidam è situla; manus & faciem lavios & dentes col-
luis; deterxi mantili manus, & faciem. Interea signum ad pre-
cationem, & rem divinam dicitur minore tintinabulo; in aula
privatam convenitur, precamur unâ; accipimus ordine jentacu-
lum à famulo culinario; jentamus in triclinio sedentes & qui-
eti, sine murmure, sine strepitu. quos audivi ineptè garrientes,
aut verba loquentes otiosa, aut etiam lascivientes vidi, amice
admonui; qui non paruerunt admonitioni, detuli ad observa-
turæ, ut eos notaree. PÆ: Nonne vobis præerat dum jentaretis?
PU: Immo hypodidascalus. PÆ: Quid agebat interea? PU: Ille
per mediâ, aulâ ambulabat tenens librum in manibus, & idem

sidem monens observatorem, ut notaret ineptè garrientes. PÆ: Nullumné igitur verbum tunc licet emittere. PU: Immo licet: verùm ii de mū notari solent, qui diu, & multis verbis ineptè & sine ullo fructu confabulātur. ceterùm licet omnib; jucundos enser se tractare sermones de bonis & honestis rebus, dū tamen id modeste fiat, citra clamorem & contentionē. PÆ: Hactenus satis fecisti mihi: cetera narrabi à prandio, nisi aliquod negotiū intervenerit. Eamus nunc in aulam ad prandium, ne magistro in mora simus. PU: Audivi modò signū dari. PÆ: Oportune datum.

COLLOQ: LIII. ARGUM.

Prosequitur puer narrationem ante prandium inceptam.

PÆDAGOGUS, PUER.

VBI finivisti narrationem ante prandium? PU: Cū vellem finem imponere de jentaculo, tu me interpellasti, præceptor. PÆ: Perge igitur narrare ordine reliqua. PU: Dum jentandi finem facimus, datur publicum signum posterius: sumit quisq; libros; omnes in aulam communem; recitantur de more catalogi singularum classium: qui adsunt, ad nomen respondent; ego quoq; respondeo: absentes notantur in catalogi ab ipsis Nomenclatoribus. Finita catalogorum recitatione, præceptor inquit de absentibus; deinde sedet in cathedra sua, & jubet pronūciari prælectionis contextum pronunciamus terni clarā voce; ut solemus quotidie. Tum jubet ut reddamus interpretationem: aliquot ex rudioribus legunt singuli: nos alii reddimus terni, idq; memori-ter, præter eum qui verba ipsa contextus præit nobis ordine. tandem præceptor exigit nativam verborum significationem: doctiores, quibus nominatim præcipit, respondent; ego quoq; jussus ab eo, respondeo. laudat ille qui bene responderint, de quorum numero ego (quod sine jactantia dictum sit) unus erā postea jubet singulas orationis partes ordine tractari ad rationem Grammaticam. postremò palàm præscribit, quid sit à prandio reddendum. audis à horā octavā, precationem imperat; quā si-

nitâ monet ut officium sedulò faciamus. tandem nos missos facit. Eo spectante, eximus ordine, & sine strepitu, latiç, discedimus. Satinè tibi feci præceptor? PÆ: Immo cumulatissimè. Pu: Placetnè tibi, ut sub cœna tempus idem faciam de reliquis hujus diei actionibus? PÆ: Nihil opus erit: nam de iis quæ horis pomeridianis aguntur, aliàs te audivi satis.

COLLOQ. LIV. ARGUM.

Pædagogus puerum in divinis rebus per otium instituit. Divinorum beneficiorum commemoratio. Christi mors salus est omnium credentium. Laudatur pueri studium ac diligentia.

PÆDAGOGUS, PUER.

ADES, Carole. Pu: Adsum, præceptor. PÆ: Quid agunt duo discipuli tui? Pu: Adhuc docentur à subdoctore. PÆ: Tu vero jamnè pronunciaſti contextum prælectionis in crastinum manè? Pu: Pronunciaſti. PÆ: Satinè rectè? Pu: Satin, gratia Deo. PÆ: Qui te audivit? Pu: Ludimagister. PÆ: Bene habet, sed est quod monere te velim. Pu: Ego istud audire percipio. PÆ: Sapenumero cogitandum tibi est, quantum debeas bonorum omnium largitori Deo, qui & ingenium, & memoriam tam felicem tibi dederit. Pu: Quid illi non debeam, qui mihi dedit omnia? PÆ: Dic aliquot ejus beneficia præcipua, quemadmodum docuisti aliquando. Pu: Dedit mihi cœlestis ille Pater corpus; animam; vitam; mentem bonam; parentes bonos, locupletes, nobiles, bene erga me affectos, & qui non modo suppeditant mihi copiosè omnia ad hanc vitam necessaria, sed etiam (quod est longe maximum) me bonis litteris bonisq; moribus ita diligenter instituendum curant, ut nihil sit præterea requirendum. PÆ: Verè omnia ista dixisti: sed unum prætermisisti, quod est singulare Dei beneficium. Scin' tu, quid sit? Pu: Sine me paulisper cogitare. PÆ: Otiosè cogita. Pu: Nunc ego reminiscor: sed pro magnitudine rei, nescio quibus verbis id possim exprimere. PÆ: Dic tamen, quo poteris modo. Pu: Cogito etiam etque etiam. PÆ: Dic tandem. Pu: Innumerabilia sunt Dei optima

optimi maximi erga me beneficia, in corpore, in animo, in externis reb.: sed nullum majus nec dici nec cogitari potest, quam quod Filium suum unicum gratis mihi dederit, qui me miserum peccatorem, & sub Satana tyrannide captivum, ac morti aeternae destinatum, redemit, idq; morte sua omnium crudelissima, & maxime ignominiosa. PÆ: Satù aptè dixisti, & totidem ferè verbis quot aliàs te docueram. Sed nunquid Deus tibi unò hoc tantum beneficiũ præstitit? PU: Minimè verò. PÆ: Quibus præterea? PU: Omnibus quotquot Evāgelio fideliter ac verè crediderint. PÆ: Faxit ipse CHRISTUS unicus Servator noster, ut magis ac magis in ipsius cognitione proficias. PU: Facies, spero. PÆ: Perge igitur, ut cœpisti. alacriter; quod bene veritas De^{us} in gloriam sui nominis. PU: Ita precor. PÆ: Eamus cœnatum.

COLLOQ: LV. ARGUM.

Facera observatoris confabulatio cū puero verè cādido; & simplicis ingenii.

OBSERVATOR, PUER.

Tu nunquam studes: quando eris doctus? P. Id fiet progressu temporis, Deo juvante. OB: Rectè dicis, sed ingerim laborandum tibi est. P. Atqui ego non sum arator. OB: Etiam rides? quasi laborare idem sit quod arare. P. Scio non idem esse. OB: Cur ergo sic respondisti? nonnè istud ridere est? P. Et ridere non est malum, cū sit naturale omnibus hominibus. OB: Pergit tu nugas dicere? P. Quod dixi, verum est; & Verum dicere, non est nugari. cur me immeritò reprehendis? OB: Iure te arguo. P. Quo jure? OB: Quia non ignoras, Ridere, pro irridere, usitatum esse: & tamen sic accepisti, quasi de risu sim locutus. P. Si defendo causam meam, quid mali facio? OB: Pergit igitur esse pertinax; profectò seriò notaberis. P. Ne quaeso, mihi irascaris, mi Martine. OB: Non irascor; sed officium meum facio. P. Sed audi quaeso. OB: Quid audiam? tuas nugas? P. Audi, inquam: nihil mentiar. OB: Dic breviter: est mihi alibi negotium. P. In primis cū tu me admonuisti non eram otiosus. OB: Quid ergo? Si

nihil faciebas, nonne otiosus eras? P. Non eram; pace tuâ dixerim. OB: Qui potest istud fieri? P. Dicam tibi; etsi tute melius hoc intelligis, quàm ego. Nihil faciebam, ut apparebat: sed tamen cogitabam aliquid boni. OB: Declara istud mihi. PU: Cum tu facis versus, saepe meditaris diu, quasi sis otiosus: quamvis nunquam sis minùs otiosus. OB: Pro ista etate nimis acutus es. Etiam si tibi, ut ai, otiosus non eras; tamen qui te viderent, possent aliter judicare. P. At solus eram. OB: Verum: sed poterant aliqui intervenire. Denique non fateris culpam? P. Si qua fuit culpa, in eo fuit, quòd primo aspectu videbar tibi esse in otio, cum revera non essem. OB: In eo nihil requiro. sed de irrisione quid respondes? Certè nihil dixi irridendi animo. OB: Quo igitur? P. locabar? crede mihi. OB: Quorsum? P. Ut paucis verbis fabulando, aliquid ex te addiscerem. OB: Non vis sum à quo multa doceri queas. P. Immo tecum multum boni saepe didici. OB: Quid tandem vis concludere? P. Ut mihi ignoscas; quando (ut vides) malo animo nihil peccavi, quod equidem sciam. OB: Age, ignosco. quia videris mihi candidus, & apertus. neq; adhuc vidi te mendacem esse. P. Ago tibi gratias, Martine suavissime.

COLLOQ. LVI. ARGUM.

Doctrina pueris maximè necessaria de fugienda videlicet pravorum consuetudine: & maximè impostorù. Exèplū amici fidi in dādo cōsilio

MESSOR, VALENSIS.

NON meministi præceptorem tam saepe monere nos, de fugiendū pravū sodalibus? V. Ego verò probè memini. M. Tamen alicubi satis negligenter uteris ejus moniti. V. In quo videor tibi ea negligere? M. Dicam tibi, si modo attentè audias. V. Dic obsecro: audiam attentè. M. Nūquam vis cavere tibi ab illo impostore. V. Cur caveam? M. Ne illius contagione depraveris: nosti enim eum esse pessimum. V. Atqui non sponte sequor: ad me accurrit undiq;. M. Nimirum quia novit te habere quod des: et dare libenter ac saepe. V. Quid igitur mihi faciendum suadet? M. Dic semel, & serio, & quasi animo irato, Quidvis ami-

celtur me ubiq; sequeris: omnes clamitant te esse pessimum, & ideo sodales tui esse nolunt. proinde, omitte me post hac, quaso: ne tuâ causâ virgû palâm cadar. v. Quid sibi velit aliquid contrâ respondere? M. Abrumpe illi sermone, teq; recipe celeriter. v. Ago tibi gratias, quòd me tam fideliter monueris.

COLLOQ: LXVII. ARGUM.

Interrogatiuncula de morbo. Deus est medicorum princeps.

CASTELLANUS, MOSSARDUS.

QUI Degisti per hosquiddecim dies? M. Ministravi matri, que graviter egrotabat. C. Ain' tu? M. Sic est profectò. C. Quo laborabas morbo? M. Febre tertianâ. C. An convaluit? M. Paulatim convalescit, gratia Deo. C. Qui eam sanavit? M. Medicorum summus. C. Quis ille? M. Ipse DEUS. C. De hoc nihil dubito. sed cuius operâ. M. Domini Sarrasini. Is habetur maximi nominis in Medicina professione. M. Id quotidie probant egregie curationes ejus. C. Quibus remediis utebatur in curanda matretua? M. Medicamentis. C. Satis istud intelligo etiam te tacente: sed dic planè, que fuerunt ista medicamenta? M. Sine me aliquantisper recordari. C. Sino. dic tandem, que reminisceris. M. Duo tantùm nomina mihi occurrunt, Clysteres, & Potiones. D. Quid ista conferunt. M. Eho inepte: ita rogas quasi ego Medicina operam dederim. itaq; si cupis ampliùs scire, quare tute ipse ab iis potiùs qui ista profitentur: hoc est, à Medicis & Pharmacopolis. C. Ne mihi succenseas, oro. M. Cur tu es adeò curiosus. C. Ut addiscam semper aliquid. M. At vide interim, ne voceris Percussator. C. Audi tamen item pauca. M. Loquere. C. Quamdiu egrotavit mater? M. Ferè duas hebdomades. C. Interea ubi eras pater? M. Profectus eras Antverpiam ad mercatum. C. Sed tu, quâ horâ redisti in gymnasium? N. Hodie mane. C. Dedit sine excusationem preceptoris? M. Dedi. C. Quid tibi respondit? N. Factum bene, inquit. Tu verò ubi eras? C. Hesterno die rus iveram cum patruo. M. Age, videamus quid simus reddaturi horâ

secundâ: nam ego quodammodo nunc novus sum discipulus.

COLLOQ: LVIII. ARGUM.

Non solum nobis nati sumus, sed alius alium sollicitè curare debet in tempore. Exemplum tempestivè admonitionis.

MALAGNODUS, GASSINUS.

QUID cogitas Gassine? cave tibi, obsecro. G. Quid mihi cavebo? M. Ne in morbum incidas. G. Qua ex causa? M. Ex nimia lusus intemperantia. G. Unde apparet periculum? M. Quia totus aestuas; totus sudore mades. G. Rectè in tempore admones, profectò non sentiebam. M. Desiste, si me audis. G. Audio verò libenter, ac tibi morem gero. quis enim respuat tam fidele consilium? M. Deterge faciem sudariolo, & indue te celeriter, ne subitum frigus contrahas. G. Habeo tibi gratiam: nam fere morbi sum obnoxius. M. Quid est causa? G. Infirmis meae valetudinis: vides enim quàm imbecillo sim corpore. M. Tanto magis debes tibi cavere. G. Istud probè novi: & parens uterq; monet sapissimè: sed quid agas? Naturâ proni sumus in nostram perniciem. M. O mi Gassine, Non est voluptati servendum, sed temperantiâ valetudini consulendû. G. Est in promptu carmen Catonis in eam sententiam. M. Teneo: sed de his alias, jam satis imbutus es: nò est quod hîc morexè diutiùs. G. Vale Malagnode monitor amicissime. Vin' tu us domum te deducam? G. Nihil opus est deductione: ego bellè me habeo, Dei beneficio. M. Mi Gassine, cura ut valeas.

COLLOQ: LIX. ARGUM.

Omnis victoria nisi ad Dei gloriâ referatur, mera est vanitas. Victoriâ modesti adolescentes rectè utuntur: stulti contra faciunt. Curiositas. A pueris tria potissimùm curanda. Sine Deo nihil sit boni. Spiritus divinus in nobis operatur. Omne bonum à Deo esse, confitendum est. Deus author fidei, idem & perseverantiæ. Spes bona. Adolescentum ingenuorum consensus in bonum.

ROBINERIATIUS, BOBUSARDUS.

VALDE miror cur hodie manè non adsueris? E. Quid miraris tantopere? Nihil hîc est novi: multi absunt quotidie, immo ferè horis singulis. B. At qui victoria tibi erat in manibus. B. Quid e-

go curo? Eiusmodi victoria (ut bene dicebat quidam) nihil aliud
 est quam brevis gloria. R. Sed interim modesti adolescentes
 hinc ad studia magis incenduntur, nec tamen inani gloria tu-
 mescunt? sed ad honorem Dei referunt quicquid inde laudi ac-
 cesserit. B. Istud certe raro contingit. Plures enim sunt qui vi-
 ctoriis abutantur ad privatam gloriam, quam qui divini hono-
 ris rationem habeant. R. Verisimile dicitur. B. Immo verissimum.
 R. Sed velim mihi dicas cur absueris. B. Scripsi ad patrem lite-
 ras. R. Cujus nomine? B. Matris. R. Dictavitne tibi ipsa? B. Quid
 scripserim nisi dictasset? R. Quid continebant literae? B. Lon-
 gum esset tibi narrare. R. Saltem dic earum argumentum. B.
 Varium erat & multiplex. & quid tua (quae so) scire refert? R.
 Nihil. B. Cur ergo tam avidè queris? R. Animi causâ; ut ferè cu-
 riosus sumus novi aliquid audiendi. B. Nihil aliud quam garrus.
 omitte me. R. Ausculta paucis. B. Agè, ausculto; loquere quid ve-
 lus. R. Scire cupio ubi sit pater tuus. B. Quasi verò nescias? R. Un-
 de scirem? B. Cum tibi sit notissimus, & cum simus vicini, non
 putassem te ignorare. R. Dic tandem quae so? B. Est Lugduni. R.
 Quando est profectus? B. Abhinc dies quatuor. R. Quid illic agit?
 B. Negotiatur. R. Quando rediturus est? B. Finito mercatu. R. Ad
 quod tempus finietur? B. Roga mercatores: non est meum curare
 talia. R. Quid igitur curas? B. Ut Deum timeam; parentibus obe-
 diam; bonas artes cum pietate discam. R. Ne tu magnificè lo-
 queris. sed dic mihi seriò, potesne solus res tantas efficere? B. E-
 gòne istud mihi assumo? Deus ipse spiritu suo me adjuvabit. R.
 Optimè sentis: nihil ex te praeterea requirebam. B. Est Deogra-
 tia, cui acceptum refero, quicquid inest in me boni. R. Istud rectè:
 et laudo equidè; ne tibi videar nihil aliudquam garrivus. B. Cum
 illud dicerem, jocabar sanè. R. Ego sic accipi: sed tu (ut coepisti)
 perge discere, & sapere. B. Qui mihi dedit fidem; idem, ut spe-
 ro, & perseverantiam dabit. R. Bene speras: & ego idem spero
 tecum: itaq; pergamus vivere inter nos conjunctissimè, ut adhuc
 fecimus

fecimus. B. Per me quidem non stabit; nisi ope divinâ prorsus
ero destitutus. R. Avertat ipse Deus; sed audin tu horolo-
gium? B. Vt in ipso tempore sermonem finivimus!

COLLOQUIORUM
SCHOLASTICORUM
Liber Tertius.

Cui insunt Magistri colloquia cum discipulis.

ADMONITIO.

HÆc à pueris ita legenda erunt, ut ex duobus legen-
tibus unus discipulum, alter præceptorem agat.

COLLOQUII I. ARGUMENTUM.

Duo, aut tres ex domesticis discipulis, præceptorem manè salutatum
veniunt; ut sciat an omnes surrexerint. Admonitio præceptoris. Ex-
emplum diligentiae observatu dignum.

S VNUS ex discipulis, PRÆCEPTOR.

ALVE præceptor. P. Salus per IESUM CHRISTUM.
An surrexerunt omnes? D. Omnes, præter parvulos. P.
Num quis agrotat? D. Nemo. gratia Deo. P. Quid agitur? D. Alii
se induunt: alii jam student naviter. P. Adestne vobis hypodida-
scalus? D. Iam dudum. P. Ite igitur precatum: vosq; diligenter
commendate domino Deo: deinde pergite in studium vestrum, usq;
ad horam jentaculi. D. Ita solemus præceptor. P. Credo equidè:
sed quia fere somniculosi estis, ac negligentes; idcirco ego vos
admoneo sapius. D. Gratiam habemus præceptor humanissime.
Num quid vni præterea? P. Dic famulo, ut mihi togam adferat.

COLLOQUII II. ARGUMENTUM.

Interrogatus quidam de concione sacra, nihil se respondere. Objurga-
tur à præceptore. Parum abest, quin vapulet: sed precibus exorat veniam

PRÆCEPTOR, DISCIPULUS.

AD VUISTINE hodie concioni sacra? Ad sui. P. Qui sunt
 testes? D. Multi ex condiscipulis, qui me viderunt, testari pos-
 sunt. P. Sed producendi erunt aliquot. D. Producam, cum jube-
 bû. P. Quis habuit concionem? D. Dom. N. P. Quotâ horâ ince-
 pit? D. Septimâ. P. Unde sumpsit thema? D. Ex Epistola Pauli
 ad Rom. P. Quoto capite? D. Octavo. P. Adhuc bene respondi-
 nunc videamus quid sequatur. Ecquid memoria mandasti? D.
 Nihil, quod referre possim? P. Nihilné, cogitapaulisper. & vi-
 de ne turberis; quin esto animo bono. D. Certè præceptor nihil
 possim reminisci. P. Ne verbum quidem? D. Nihil prorsus. P.
 Hem verbero: quid igitur profecisti? D. Nescio; nisi quia fortasse
 interim à malis abstinui. P. Istud quidem est aliquid, si modò
 fieri potuit, ut malo omnino abstinueris. D. Abstinui, quoad po-
 tui. P. Fat ita esse: non tamen satù fecisti Deo: cum scriptum sit
 Declina à malo, & fac bonum. Sed dic mihi (quæso) quâ
 gratiâ illuc iveras potissimùm. D. Ut aliquid addiderem. P. Cur
 id non fecisti? D. Non potui. P. Non potuisti nebulosè immo nolui-
 isti; aut certè non curasti. D. Cogor fateri. P. Quæ res te cogit?
 D. Conscientia mea, que me accusat apud Deum. P. Rectè dicis;
 utinam ex animo. D. Equidem ex animo dico. P. Fieri potest,
 sed agè, quid fuit cause, quamobrem nihil memoria mandave-
 ri? D. Negligentia mea; non enim diligenter audiebam. P.
 Quid igitur faciebas? D. Identidem dormiebam, vel dormita-
 bam. P. Ita soles. sed quid agebas reliquo tempore? D. Cogita-
 bam mille ineptias, ut solent pueri. P. An tu aded puer es, ut nò
 debeas attentus esse ad verbum Dei audiendum? D. Si attentus
 essem possem aliquid proficere. P. Quid igitur meruisti? D. Ver-
 bera. P. Meruisti profectò, idq; largissimè. D. Ingenuè confiteor.
 P. Verbo tenus, opinor. D. Immo certè ex animo. P. Fortasse. Sed
 interim para te ad plagas accipiendas. D. Ah præceptor, ignosce
 obsecro; peccavi fateor; sed nulla ex malitia. P. Atqui tam sus-
 pina ista negligentia proximè ad malitiam accedis. D. Non e-
 quidem

quidem inficior: sed tuam imploro clementiam, per Christum Iesum. P. Quid igitur facies si tibi ignovero? D. Faciam posthac officium meum, ut spero. P. Addendum erat, Deo iuvante: sed id parum curas. D. Immo præceptor, adjuvante Deo præstabo posthac officium. P. Age, condono culpam tuis lachrymis: tibiq; e a lege ignosco, ut promissi memineris. D. Gratiarum ago, præceptor humanissime. P. Eris apud me in maxima gratia, si promissa servaveris. D. Exit Deus optimus, ut possim. P. Exit precor.

COLLOQ: III. ARG.

Admonitus ludimagister de classe doctore vacua, statim providet.

MARTINUS famulus, PRÆCEPTOR.

PRÆCEPTOR, nemo est qui doceat in sexta classe. P. Quid hoc rei est? ubi est Magister Philippus? M. Morbo detinetur in lecto. P. Qui scis? M. Nunciavit quidam ex discipulis eius domesticus. P. Dic hypodidascalo meo. M. Non est in musæolo suo. P. Qui scis? M. Nam ego ter aut quater pulsavi ostium. P. Dic primæ classis doctore, ut mittat e suis aliquem. M. Quid si noluit mittere? P. Abi inepte: an putas eum esse iam impudentem, ut recuset? abi; propera.

COLLOQ: IIII. ARGUM.

Præceptor docens evocatur ex auditorio.

BORDONUS, PRÆCEPTOR, DISCIPULI.

PRÆCEPTOR. P. Hem, quid est? B. Sunt quidam qui te conventum volunt. P. Vbi sunt? B. Te expectant in vico. P. Nunc adibo. B. Atqui urgent. P. Precurre tu, & eos intramitte in aream; ego te sequor, vos interim expectate cum silentio: mox ego adero, ut vos ad cenam dimittam. G. O quam bonum verbum!

COLLOQ: V. ARGUM.

Stultè interrogatur magister à quodam discipulo de eo quod palàm dictum est. Exemplum est puerilis imprudentiæ, ut discant pueri ad verba doctoris attentiores esse.

CANELLUS, PRÆCEPTOR.

PRÆCEPTOR, quid reddemus cras manè? P. Hodie manè palàm dixi ante s. holerum missionem. C. At ego non aderam, præcep-

ptor. P. Roga igitur condiscipulos. nam si vellent singuli me interrogare de reb. à me palàm dictis; quaeso, quando finis esset? itaq; fac sis posthac prudentior. C. Curabo pro viribus. P. Sed tu ubi eras? C. Prodieram. P. Quid prodieras? C. Ut curarem negotium aliquod, de quo pater ad me scripserat. P. A quo petisti veniam? C. Ab hypodidascalo. P. Cur non à me potiùs? C. Quia eras occupatus. P. Quid agebam. C. Alloquebari in area quosdam viros honoratos, qui te conventum venerant. P. Abi; nunc recordeor.

COLLOQ: VI. ARGUM.

Magister observatores publicos admonet de ipsorum officio.

PRÆCEPTOR, FAMULUS, OBSERVATORES.

HEUS Martine. F. Hem, praesto sum here. P. Accerse mibi huc quinque publicos observatores, quos hesternò die in hunc mensem elegi. nostin? F. Optimè. nam egomet aderam. P. Sunt (opinor) in suo quique auditorio. festina. F. Quamprimum rediero. O. Adsumus omnes praceptor: quid tibi placet imperare? P. Satis erat jubere: nec enim sum Imperator, nec magistratus. Ego vos huc accersendos jussi, ut vos officii vestri commonefacerem. Vos igitur attentis auribus atq; animis audite. Non ignoratis, quanto cum timore Domini hesternò die palàm in aula nostra communi vos elegerim. Auspicati sumus à sacris precibus: secuta est admonitio nostra, atq; exhortatio ad omnem ceterum scholasticum de timore Domini, deq; moribus, qui deceant studiosos in schola versantes quotidie: deinde non sine optimorum adolescentum testimonio, vos elegi quinque, quos ad hoc munus idoneos existimavi: postremò ventum est ad secundam cum gratiarum actione precationem. Ne igitur putetis ludam fuisse, aut jocum, actionem illam, in qua nomen DOMINI tam studiose fuerit invocatum. Ac licet apud imperitos, aut arrogantes hoc munus & vile, & abjectum videatur; vos tamen credite, cum honorificum, tum sanctum esse vestrum istud ministratum. Quod si aliter existimabitur, fieri non potest, ut munere ve-

stra

stro rectè fungamini. Itaq; ego vos hortor, quantum possum, & per IESUM CHRISTUM obtestor, ut cum DEI timore, atq; reverentia diligentiam præsteris in iis omnibus quæ intellegis ad officium vestrum pertinere. A vobis igitur absit omnî favor, odium, gratia, studium vindicandi, & similia, quæ transuersos agunt homines, & sincerum corumpunt iudicium. Ne timeatis improborum minas, qui pusilli animi adolescentes ab officio solent absterrere. quam enim habent in vos potestatem? potius eû timete, qui vester est DOMINUS; qui vitæ ac neci potestatem habet. illius, inquam, tanti principis timor, vobis ob oculos semper obversetur. Incurreris, scio, in aliquot improborum, ac dissolutorum odium: sed pluri sit vobis unius PATRIS vestri CÆLESTIS amor, & charitas, quàm omnes omnium hominum inimicitia. Estote semper memores verbi illius, quo Servator noster, & summus præceptor suos discipulos ad cōstantiam hortabatur. Si vos (inquit) odit mundus; scitote, quòd me quoq; prius odio habuerit. Vos igitur propter ipsum CHRISTUM, omnes flocci facite nebulonum minas, offensiones, inimicitias: dum modò gloriæ Dei possitis inservire fideliter. Hæc sunt, de quibus nunc pro temporis brevitate vos admonendos esse existimavi; præter illa quæ vos in aula hæsterno die audivistis. Primus obi: Maximas tibi gratias agimus, præceptor humanissime: & Christum precamur, ut sua dona tibi semper adaugeat. A te verò vehementer petimus, ut, si tibi molestum nō est, præscriptam des nobis hortationem tuam; quo istam inter nos, quandoq; relegentes, memoria tenaciùs insigamus. R. Id ego faciam primo quoq; tempore: quandoquidem rem sanè honestissimam postularis. Primus obi: Optamus etiam à te, si placet, commentariolum scriptum habere de precipuis officii nostri capitibus? ut simus certiores, quid potissimum sit nobis hac in re observandum. R. In ipso tempore de hoc admones; & sic ego jam pridem in animo habebam: sed me quotidie
aliud

aliud ex alio impeditur. dabo igitur ejusmodi cōmentariolum, quod videlicet, contineat, quicquid ad Observatorum publicorum officia pertinebit: id autem describetis ex ipso archetypo meo; quod ideò servare volo, ut ceteris quoque tradere possem futuris Observatoribus. Nunc redite in suum quicquid auditorium.

OB: Recta imus, præceptor.

COLLOQ: VII. ARGUM.

Ituri ad nuptias, pridie veniam petunt: ut dōmi vestimenta mutent. Admonentur paucis à præceptore.

CLERICUS, PRÆCEPTOR.

LICETNE præceptor, ut ego & patruelis eamus domum? P. Quid eò? C. Ad nuptias consobrine. P. Quando est nuptura? C. Crastino die. P. Cur tam citò vultis ire? C. Ut mutemus vestimenta. P. Per me licet eatis, hac tamen lege, ut cras huc redeatis cubitum. C. Quid si volet patruus, ut expectemus repotia? P. Non detinebit vos, satis scio: dum modò dicatis ei quã lege dimiserim. C. Verum fatebimur. P. Abite. & ab omni cavete intemperantia: facite quòs, ut luceat lux vestra coram omnibus, unde glorificetur noster ille CELESTIS PATER. C. Ita quidem speramus fore, ipso nos in omnibus adjuvante.

COLLOQ: VIII. ARGUM.

Iturus ad forum. Proverbium de pane.

PORTANUS, PRÆCEPTOR.

LICETNE exire præceptor? P. Quae tibi est exeundi causae? PO: Ut queram in foro aliquem ex nostratibus. P. Quid istud opus est? PO: Mandare illi volo, ut meos admoneat de pane mihi aut adserendo, aut mittendo. P. Vbi panis deficit, omnia sunt illic venalia. PO. Istud vulgatum est apud nos proverbium. P. Immodò ubiq; provulgatum; adeò panis mortalium vitæ est necessarius. Sed ad rem tu nunc prodire vult? PO: Si tibi placet, præceptor: ne mei negotii occasionem amittam. P. Abi & festina ante prandium redige. PO: Dabo equidem operam.

COLLOQ: IX. ARGUM.

Duo fratres ituri domum, moventur à præceptore de testimonio adferendo, aut teste adducendo.

BUETUS, PRÆCEPTOR.

LICETNE mihi exire unà cum fratre? P. Quid causæ est? B. Ut mater emat nobis calceos: deinde, ut tonsorem adeamus. P. Quid eò? B. Resectum capillos. P. Quid nunc opus est? B. Ut cras (si DOMINUS permiserit) invisamus patrum. P. Ite; & mature redite ad studium. Sed heu pueri, adferre mihi à matre testimonium in crastinum diem, aut testem adducite. B. Deo iuvante, id curabo diligenter. Num quid vù præceptor? P. Vt me in verbis matrem officiosè salutetis.

COLLOQ: X. ARGUM.

Quidam prodire volentes objurgantur, ac rejiciuntur in posterum diem.

ALBERTUS, PRÆCEPTOR.

PRÆCEPTOR, licetne nobis ire ad tonsorem? P. Quid eò? A. Ut capillum tondeamus. P. Libenter quotidie exiretis sexies, quin expectatis in crastinum diem, ut eati unà cum ceteris? A. Atqui propter forum turba erit in tonsrina. P. Quid tum, facti habebitis otii ad expectandum. Recipite vos ad studium. A. Ut libet, præceptor.

COLLOQ: XI. ARGUM.

Iturus ad patrem in cauponam.

BARGIUS, PRÆCEPTOR.

PRÆCEPTOR, accersor à Patre. P. Vbi est? B. In diversorio. P. Quando venit? B. Advénit modo. P. Quis tibi tam cito nunciavit? B. Misit ad me famulum. P. Vbi est? B. Præ foribus me expectat. P. Cur illum non insromisisti. B. Noluit intrare. P. Quid ita? B. Quia (ut ait) festinatione urgetur. P. Voca illum, ut paucis conveniam, deinde abi: sed cura ut quamprimum huc adsis. B. Eo vocatum.

COLLOQ: XII. ARGUM.

Queritur præceptor de famuli absentia.

PRÆCEPTOR, RUSCINÆUS.

Vbi est Martinus? R. Ipit ad forum. P. Quid eò? B. Empeum (us

dixit) cingulum. P. Injussu meo exire non debuit, sed hoc nihil ad te. Quis dabit vobis merendam? P. dixit se horâ secundâ reversurum, ut det nobis. Quid si fallat? R. Id non est moris ejus. P. Nisi ad horam adfuerit, admone uxorem de vestra merenda: habet enim clavem alteram cellæ penurariae.

COLLOQ: XIII. ARGUM.

Arguitur qui exierat injussu præceptoris: sed veniam exorat.

PRÆCEPTOR, SCARBONUS.

DEMI ROR unde nunc venias? S. Domo redeo, præceptor. P. Cur iveras domum? S. Petikum merendam. P. Quamobrem nō attuleras? S. Mater erat occupata. P. Quid tum? debuisti exire injussu meo? S. Non debui fateor. P. Quid igitur meruisti? S. Plagas accipere: sed ignosce mihi (quæso) præceptor. P. Cur non petivisti exeundi potestatem? S. Quia non audebam te interpellare. P. Quid agebam? S. Tenebas libellum quendam, & legebas aliquid. P. Fieri potest: sed vos tamen sæpe me interpellatis ob rem leviozem. Nūc igitur para te ad vapulandum. S. Parce mihi, obsecro, præceptor. P. Sine, ut prius cogitem aliquantisper. Agè; parco. tum quia ingenuè confiteris; tū quod savi studiosus mihi videris. S. Gratiarum ago maximas, præceptor humanissimè.

COLLOQ: XIIIII. ARGUM.

A præceptore chartam petens, ad ejus famulum mittitur.

GULIELMUS, PRÆCEPTOR.

PRÆCEPTOR, non restat mihi charta ad scribendum: visne dare codicem? P. Quem in usum? G. partim ad colloquia partim ad exemplaria. P. Retulisti in codicem tuum? G. Retuli. P. Ostende. G. Ecce tibi præceptor. P. Quid istud? retulisti octodecim. Vis ergo de majore? G. Si tibi placet. P. Pete à famulo: ac, ne dubites, ostende illi tuum codicem; ut idem in suum referat. G. Audio. P. Audi item; cave abutaris chartâ; ne tibi pater graviter succenseat. G. Faxit Deus, ut bene utar.

COLLOQ: XV. ARGUM.

Empturus cultellos admonetur, ut sibi imponi caveat: Deus cultores suos

suos juvat.

GRIVETUS, PRAECEPTOR.

PRAECEPTOR licetné prodire? P. Quamobrem? G. Ut emam cultellos mensarios. P. Vbi sunt quos habebas? G. Reliqui domi. P. Quid ita? G. Quia jam obtuserant, & inútiles. P. Habesné pecuniam ad emendos alios? G. Mater dedit mihi. P. Qui erit adjutor ad emendum? G. Gerardus. P. Ite sanè: & cavete ne vobis imponatur. G. Cavebimus, Deo juvante. P. Omnes quidem juras: sed eos potissimum, qui ad ejus honorem omnia referunt.

COLLOQ: XVI. ARGUMENT.

Dei laudandi argumentum cultoribus ejus nunquam deest.

VERNETUS, PRAECEPTOR, SPATULA.

PRAECEPTOR, licetné pauca? P. Loquere. v. Nos duo proponebamus, si tibi ita videretur, ire, dum ceteri ludunt, soràs ambulatum. P. Quo vultu exire? v. In proxima suburbana. P. Quid autem ageris ambulantes? s. Tractabimus colloquium aliquod. P. Sed de bonis, & honestis rebus. s. Haec temporis serenitas & tam pulchra terra facies, praebebunt nobis honestum aliquod argumentum. P. Nunquam deest DEI laudandi materia duntaxat veris ejus cultoribus. v. Nunquam profectò, sed, ut ad propositum revertamur; permittis nobis, praceptor, extra urbem prodire? P. Nisi mihi perspecta esset vestra perpetua fidelitas, & verus amor litterarum, nunquam permetterem; praesertim cum pravi adolescentes me saepe in hoc genere fefellerint. Vos igitur prodire: deinde maturè ad coenam revertimini.

COLLOQ. XVII. ARGUM.

Iturus ad factorem.

IUSTINUS, PRAECEPTOR.

PRAECEPTOR, licetné exire? P. Quò exire cupis? I. Ad factorem. P. Quid ed? I. Petitum femoralia. P. Iamné facta sunt? I. Sunt, opinor. P. Rectè opinor dicis: quia res incerta est. I. Atqui promiserat mihi in hunc diem. P. Quid si fallat? I. Nihil mirum fuerit. P. Nunc quoq; verè locutus es: nam raro ad promissum tempus fidem praestant artifices. I. Viso tamen, praceptor, si

mibi permittis. P. Nihil impedio. I. Numquid vñ praeceptor? P. Immo; ut properes ne desis praedictionis. I. Bene mones: abeo.

COLLOQ: XVIII. ARGUM.

Iturus domum ob leuem causam, non impetrat, adeoq; objurgatur. Exemplū observatu dignum ne pueri cursitare temere permittantur.

CAIUS, PRAECEPTOR.

LICETNE prodire? P. Quid? C. Domum. P. Hem, tam sepe itare domum? C. Mater jusserat, ut ego & frater se adiremus hodie. P. Cujus rei gratia? C. Ut ancilla vestimenta nobis excuteret. P. Quid istud: suntne vobis pediculi? C. & multi quidem. P. Cur uxorem meam non admonuisti? C. Non ausi sumus. P. Quasi verò illa sit usq; adeò difficilis. Ancillam habet, eà potissimum gratiã, ut vestram omnium curet munditiem; nec vos ignorati illud: sed gaudetumatrius invisẽda occasione vobis dari. Vos igitur manete: cras ego curabo ut vobis excutiantur vestes. C. Sed mater nos objurgabit. P. Ego met eam placabo, quiescite.

COLLOQ: XIX. ARGUM.

Tornator & frater petitem panem ituri, diligenter à praeceptore, ne fallant eum, interrogantur. Exemplum notadum ad idẽ quod superius.

TORNATOR, PRAECEPTOR, PUERI.

PRAECEPTOR licetne cras ire domum? P. Quid eò? T. Petitem panem. P. Non tibi restat? T. Restat quidem; sed parã admodũ. P. Quid frater, estne tecũ iturus? T. Iussit pater. P. Quando convenisti illum? T. Die Iovis cũ venisset in hanc urbem. F. Vbi illum vidisti? T. Apud forum. P. Non mentiris? T. Non mentior. P. Vnde probabis? T. Sunt ex condiscipulis, qui aderant. P. Qui tandem? T. Adsunt Blasius, & Audax. P. Estne verum pueri? PU. Omnino verum. P. Qui scitis? PU. Vidimus e jus patrem; et audivimus ipsa verba. P. Si ita est, permitto ut eas domum cum fratre. T. Vale, praeceptor. P. Vos servet Dominus Deus. T. Idem tibi precamur ex animo. P. Sed heus, quando huc aderitis? T. Crastino die vesperi Deo juvante. P. Cura ut promissi memineris. T. Curabo. P. Scilicet, ut soles. T. Immo melius, spero. Num

quidvñ? P. Vt verbū meū salutem dicas parentibus. T. Faciam libenter. iterum vale præceptor. P. Vos quoq; valetē. & lento gradu ambulatē, propter æstum solis. T. Ita facere solemus.

COLLOQ: XX. ARGUM.

Puer interrogatus de absentia, causam adfert honestā: eamq; scriptam profert. PRÆCEPTOR, VILLARIANUS.

QUID sibi vult quod absueris hac totā hebdomādē? V. Oportuit me manere domi. P. Quamobrem? V. Vt matri adessem, quæ egrotabat. P. Quod illi officiam præstabas? V. Sapius ei legebam aliquid. P. Sed quid; nihil agebas præterea? V. Quoties opus erat, illi ministrabam cum ancilla. Hæc me vera sunt omnia? V. Habeo testimonium. P. Profer illud. V. Ecce. P. Quis scripsit? V. Famulus noster, matris nomine. P. Agnosco ejus manum: quia sæpe ab illo mihi attulisti. V. Licet nē igitur redire in sedē meā. P. Quidni liceat; cum mihi satū feceris? V. Gratias ago præcept.

COLLOQ: XXI. ARGUM.

Lucetus ad forum iturus paucis interrogatur ab hypodidascales.

LUCETUS, HYPODIDASCALEUS.

PRÆCEPTOR, licet nē mihi prodire? H. Quæ tibi est prodirendi causa? L. Est mihi eundem ad forum. H. Quid eō. L. Vt emam corium. H. In quem usum? L. Ad calceorum soleas. H. Quis te adjuvabit in emtione? L. Quidam oppidanus, cui hoc mandavit pater meus. H. Debueras adire mecum ceteris, qui ad forum prodierunt. L. Occupatus eram. H. Quæ in re? L. In scribendū ad patrem literū. H. Quando eas dabū? L. Hodie, si quem in foro nostratem offendero. H. Abi: & meminere ad horam solitam adesse. L. Meminero.

COLLOQ: XXII. ARGUM.

Arator à negotio reversus, præceptori ut moris erat se sistit.

ARATOR, PRÆCEPTOR.

PRÆCEPTOR, tuo permissu horā primā prodieram: nunc redeo. P. Curasti negotium tuum? A. Curavi, gratia Deo. P. Factum bene. quota est hora? A. Instat secunda. P. Voca mihi famu-

lum: deinde ito ad merendam cum cateris.

COLLOQ: XXIII. ARGUM.

Hugo à præceptore petens mutuò pecuniam, mittitur ad hypodi-

HUGO, PRÆCEPTOR. (dascalum.

PRÆCEPTOR, vñe mihi mutuò dare aliquantulum pecuniae? P. Quid opus est tibi pecuniâ? H. Silvio satisfaciam. P. Quantum debes illi? H. Assem cum semisse. P. Quo nomine? H. Quia scripsit mihi aliquot colloquia. P. Ostende. H. Vide si places. P. Adi hypodidascalum: dic ut det quantum petis. H. Gratiâ ago præceptor. P. Non est quòd agas: refer in codicem tuum. H. Quin jam retuli. P. Factum bene, ostende ipsi hypodidascalo.

COLLOQ: XXIII. ARGUM.

Blasius, scribendi causâ iturus ad tutorem, veniam impetrat; sed prius diligenter interrogatus,

BLASIUS, PRÆCEPTOR.

LICETNE mihi præceptor, adire tutorem? P. Quae te causa movet? B. Iusserat ille, ut se hodie convenirem, si liceret per otium. P. Quando iusserat? B. Nudius tertius. P. Vbi illum vidistis? B. In area, quae est è regione templi. P. At vide ne mentiaris. B. A me absit mendacium. Si vis, dabo testes ex condiscipulis, qui mecum aderant. P. Qui sunt illi? B. Daniel, & Corberius. vñe ut eos atcerfam? P. Mane; ego illos conveniam. Sed dic, quid eget tutor operâ tuâ? Ad aliquid describendum. P. Quâ igitur horâ vis illum adire? B. Nunc, si tibi placet. P. Quando huc redibus? B. Cùm primùm me dimiserit. P. Nunc abis; atque illi es me dic salutem plurimam. B. Faciam libenter.

COLLOQ: XXV. ARGUM.

Magister ad prandium invitatus excusationem mittit.

SCRIBA, MAGISTER.

PRÆCEPTOR, pater te invitatus ad prandium, si tibi placet. M. Estne solus? S. Solus, opinor, præter domesticos. M. Excusa ma illi: jam enim aliunde invitatus eram. age tamen illi meo verbis gratias. S. Nunquid vis aliud? M. Nihil; nisi ut maturè ad scholam redeas. S. Maturè, juvante Deo.

COLLOQ: XXVI. ARGUM.

Gaspar ad sartorem iturus, & eâdem operâ ad tonsorem.

GASPAR, PRÆCEPTOR.

LICETNE prodire, præceptor? P. Quò? G. Primùm ad sartorem, deinde ad tonsorem. P. Cur ad sartorem? G. Ve curem tibi alia reficienda. P. Suntne lacera? G. Adeò lacerata, ut vix induere possim. P. Cur ad tonsorem? G. Ve illi ostendam ulcus quod mihi his diebus subortum est in femore. P. Detege, ut videam. G. Vide, quando ita placet. P. Est furunculus. G. Ita conieciham. P. Cùm aperueris tonsori, roga illum ut emplastrum ulceri aptum adhibeat. G. Faciam quod suades. P. Sed num quis est qui tecum prodire velit? Immo, Iohânes Fluvianus. P. Quod habet negotium? P. Tonsorem quoq; vult adire. P. Ite igitur unâ, & redite similiter. G. Num quid vñ prætereâ? P. Ve matueritū reditum; ne merenda vestrâ multemini.

COLLOQ: XXVII. ARGUM.

Latomus inulcorum nomine veniam petit prodeundi ad mercatum.

LATOMUS, PRÆCEPTOR.

PRÆCEPTOR, licetne nobis prodire? P. Estne multi qui prodire vultū? L. Fermè omnes. P. Quid hoc sibi vult? L. Est hodie mercatus: inde sit, ut ferè sibi quisq; velit aliquid emere. P. Nūc ego sum occupatior, quàm ut singulorū prodeundi causam possim cognoscere: adite igitur subdoctore, qui cognoscat, & si vacat, vos deducat ipse. L. Gratias agimus, præceptor humaniss.

COLLOQ: XXVIII. ARGUM.

Theophilus iubetur scribere ad patrem cuiusdam pueri de remittendo ad scholam filio.

PRÆCEPTOR, THEOPHILUS.

HODIE igitur Petrum convenisti? T. Hodie. P. Vbi? T. In templo. P. Quotâ horâ? T. Octavâ matutinâ. P. Nūquid rogasti quando sit repetiturus scholam? T. Rogavi. P. Quid ille? T. Ne scio, inquit. P. Debuisti illum ad reditum exhortari. T. Id ego feci, & multū quidem verbis. P. Bene fecisti, sed quid ille respondit? T. Se adhuc à patre detineri ad fructus colligendos. P. Quidsi ad i-

psum patrem scribas de statu nostro scholastico? fortasse enim movebitur, ut filium citius remittat. T. Si tibi ita videtur, faciam, idq̄ diligenter. P. Fac igitur primo quoq̄ tempore. sed audi. scribe plenissime: deinde litteras tuas mihi ostende, priusquam des perferendas. T. Sedulo faciam, preceptor.

COLLOQ: XXIX. ARGUM.

Petanellus de variis negotiis obeundis veniam petit.

PETANELLUS, PRÆCEPTOR.

PRÆCEPTOR, licetné mihi exire? P. quòtibi eundum est, PE: Ad tonsorem. P. Non est tibi aliud negotium? PE: A tonsore, volo ire emptum ligulas; illinc me ad sutorem conferre. P. Cur ad sutorem? PE: ut uni ex calceis meis annectat corrigiã. P. Ista omnia quando consecerũ? PE: Intra hora spatium; ut spero. P. Erunt multi fortasse in tonstrina expectantes. PE: Fieri potest. sed, si videro diutius mihi morandum illic esse, expectabo in diem Sabbathi. P. Estné alius qui prodire velit? PE: Pontanus ait se velle chartam emere. P. Sciné illi opus esse? PE: Scio. P. Ite igitur unã curate diligenter suum uterque negotium; nec sitis cessatores. PE: Deo iuvante cavebimus.

COLLOQ: XXX. ARGUM.

Carbonarius sartorem aditurus.

CARBONARIUS, PRÆCEPTOR.

LICETNE exire? P. Quò? C. Ad sartorem. P. Quid ed? C. Ve mihi tunicam faciendam metiatur. P. Quatibi est materia? C. Niger pannus. P. Vbi est? C. In arca mea. P. Sartor autem quis tibi est. C. Petrus Silvius. P. Estné peritus artifex? C. Sinã audivi: & est notus patri meo. qui iussit ut illum adirem. P. Vbi habitat? C. In vico xenodochii. P. Non nimũ longè est; cave ducuras. C. Cavebo. P. Facilè à me veniam impetrant qui nunquam fallunt. C. Avertat Deus, ut unquam fallam.

COLLOQ: XXXI. ARGUM.

Magister à discipulo interrogatus, respondet humaniter. Bonns præceptor bene optat discipulis, solus Deus dat bene agendi volũtatẽ. O-

annis boni gratia Deo debetur. Regula citra exceptionē vix ulla est. In dubiis Grammaticis, consulendæ sunt regulæ. Studiosus doctos observare ad imitandum debet. Præclara opera longiori tempore indigent. Experientia. Parrum indoctorum stultitia. Tempus expectandum. Scientia magnis laboribus comparatur. Exemplum boni præceptoris, & discipuli studiosi.

LUTERNINUS, PRÆCEPTOR.

PRÆCEPTOR, licerné pauca? P. Loquere quid velis. L. Cùm interdum dicis alicui nostrum, Vbi est follis; vel, cedo follem; non apparet, utrùm follis sit masculini an feminini generis. P. Non apparet, fateor. quid tum? L. Vnde igitur scire possumus? P. Cur me de hoc nunquam interrogasti? L. Tam multa tam sæpe interrogamus, ut vereamur, ne tibi molesti simus. P. Quasi verò istud unquam præ me feram: contra, eo magis amo vos, quo me rogati sæpius. Quid enim magis cupio, quàm ut aliquando vos videam & optimos, & doctissimos? L. Habemus gratiam maximam præceptor humanissime. P. Eam gratiam ego, & vos, Deo nostro debemus, qui solus, suâ bonitate, utriusq; bonam dedit voluntatem. L. Faxit ille, ut hoc beneficio rectè semper utamur in ipsius gloriam. Sed dic quæso, follis cujus est generis? P. Masculini. L. Ac ego potius feminini dixissem. P. Quamobrem? L. Quia tale est pellis, quod est in Rudimentis pro exemplo positum. P. Non ab re id conjiciebas. Nam is finita, quale est pellis, magna ex parte feminina sunt. L. Non igitur omnia? P. Vix ulla est tam generalis regula, qua exceptione careat. Follis igitur sub exceptionem cadit: quia masculinum est. Sic aliquot alia, ut ignis, pilcis, axis, &c. L. Sed unde illa dignoscam? P. Facile cognoscet, cùm perveneris ad Grammaticæ regulas. Sed interim Latine loquentes attentè observa; teq; ad eorum imitationem diligenter accommoda. L. At istud longum est, præceptor. P. Non fiunt nisi longo tempore præclara ædificia. L. Experientia nos istud docet. At pater meus vellet me annuo spatio doctum videre. P. Ego verò istud unius diei spatio videre vellem. Sed quid agas? Omnibus in rebus expectandum tempus est. Pater tuus quia non didicit lite-

ras, nescit quid doctrina valeat, neq̄ quantum laboribus illa cōparetur. L. Verū dicit. sed quid illi respondere possū, cum apud me conqueritur de temporis longi spatio in discendi literis. P. Docebo te inter cōnandum: nunc ito lusum cum ceteris, ut me in musaeum recipiam. L. Ignosce mihi, quaeso, praceptor, quod te interpellaverim. P. Nihil me interpellasti: non enim occupatus eram. Praeterea site audire mihi molestum fuisset, nonne poteram te in aliud tempus rejicere? L. Tuo jure id poteras. P. Abi igitur.

COLL: XXXIII. ARG.

Quidam puer patris nomine praectorem in hortos invitat. Praceptor aliquid obiter docet ad mores pertinens.

CASTRINOVANUS, PRÆCEPTOR.

SALVUS sis, praceptor. P. Auspicatō adveneri. quid nuncias? C. Orat te pater meus, ut animi causā eamus unā in hortos suos suburbanos. P. Ad eam rem nos invitat serenitas: & nunc sumus feriatī. Sed quid illic aspectu jucundum videbimus? C. Varias et pulchras arbores cum suis fructibus: item herbarum, & florum miram varietatem. P. Nihil est illis rebus hoc tempore jucundius. C. Ea est Dei erga nos beneficentia. P. Quam quidem assiduis laudib⁹ prosequi debemus. C. Sed vereor ne patri in mora simus. P. Tantisper expecta dum togam muto, ut sim ad ambulandum expeditior. iam paratus sum: nūc eamus. Sed estne domi pater? C. Pro soribus non expectat. P. Bene res habet. vide ut eum decenter salutes. C. De hoc, te docente, saepe admoniti fuimus.

COLLOQ: XXXIII. ARGUM.

Discipulus magistrum de dubio quodam consulit. Magister benignē respondet. Analogiā non ubique fidendum. Latinitas quibus constet maximē. Aetatis progressus quid requirat. Omnis profectus noster Deo tribuendus. Citra favorem divinum frustra laboramus. Exemplum anomalī in genere & accentu sub eadem terminatione.

BASHODUS, PRÆCEPTOR.

PRÆCEPTOR, licetne pauca? P. Dic libere. B. Cur non dicimus hic arbor, sicut hic labor? Item, cur genitivum arboris non proferimus: penultimā longā, ut fere in ceteris nominibus tor-

bus terminatione ejusdem? P. Quia loquendi usus aliter appro-
bavit. nec enim ubique locum habet analogia: sed ubi eâ defi-
cit, sequendus est eorum usus qui rectè & purè locuti sunt. nam
ipsa Latinitas usu & auctoritate magis, quàm ratione constat.
B. Da igitur auctoritatem de nomine arbor. P. Arboris exe-
læ truncus, apud Vergil. Nonne hîc manifestè vides & genus
& accentum? P. Video, præceptor. Sed, suntne alia eodem ac-
centu? P. In primis Græca omnia; ut Castor, castoris; sic He-
ctor, Nestor, & similia. Item hæc duo neutri generis: Æ-
quor, æquoris; marmor, marmoris. Sunt & adjectiva
quædam, ut Memor, memoris, & ex eo compositum Imme-
mor. Talia quoq; sunt ex decus & corpus, composita; ut In-
decor, indecoris; Tricorpor, tricorporis. Sed hæc apud
Græmaticos annotata faciliè per te invenies. nam ista ætas tua
majorem in dies requirit diligentiam. Huc accedit? quòd hæc
ipsa, quæ tuo labore ac diligentiâ inveneris, firmiore tenebis me-
moriâ. B. Ago tibi gratias, humanissime præceptor, quòd me
tanta humanitate non solum doces, sed etiam admones. P. Bene
facis. sed interim volo memineras, soli DEO acceptum referre
quicquid boni ex labore meo in te proficiscitur. frustra enim do-
cendo laboramus, nisi laboribus nostris divinus favor accesserit.
Nos illud Apostoli, Neque qui plantat est aliquid; neq;
qui rigat: sed qui dat incrementum, DEUS. B. Essemus
perfecto plumbo stupidiores, si ista ignoraremus, quæ nobis tam
sepe inculcas, tamq; diligenter. P. Tanto diligentius vos oportet
tum meminisse, tum recordari. Sed jam tempus est ut ad quoti-
dianum pensum te referas. ego verò interea me abdo in museolū.

COLLOQ. XXXIII. ARGUM.

Pueri, qui in quotidiano sermone ad Latinè loquendum diligenter
exercentur, multa discunt sine regulis grammaticis. Bene precandum
omnibus, maximè nostris.

PRÆCEPTOR, OLIVARIUS.

DIC Latinè, iáko kšiegá. O. Liber. P. Liber cujus generis

O. Masculini. P. Qui scū? O. Ex bene loquendi usu & consuetudine. P. Ostende usum. O. Nam quotidie loquentes, sic dicimus: Hic liber, cujus est; Dicimus item sepe numero, liber meus, liber tuus, bonus liber, & similia. P. Bene respondisti, sed quis loquendi usum te docuit? O. Tu ipse, praeceptor. P. Ergone tenes omnem usum linguae Latinae? O. Si tenerem, jam non essem discipulus. P. Quid igitur? O. Magister fortasse. P. Abi; responso tuo contentus sum. O. Gaudeo sanè. P. Age gratias Deo, qui tibi dedit ingenium, & mentem bonam. O. Utinam semper agnoscam ejus in me beneficia. P. Utinam ille favore suo tua studia prosequatur. Quid hic sibi vult Olivari? O. Quòd mihi bene precaris. P. Ergo tu quoq; memento bene ex animo precari omnibus, praecipuè verò condiscipulū tuū. O. Meminero, praeeptor. P. Addendū fuerat, Deo juvante. O. Oblitus sum: fateor.

COLLOQ: XXXV. ARGUM.

Exemplū ad pueros in Latinis & Polonicè vertentis paulatim exercēdos.

PRAECEPTOR, DANIEL.

ATTENDE Daniel, ut discas Latina bene & Polonicè vertere. D. Attendo, praeeptor. P. At diligenter. D. Immo diligentissimè & ex animo. P. Bene facis. D. Propone igitur mihi Latina, ut nobis interdum soles. P. Quid opus est. D. Czego potrzebá. P. Vt. D. Jáko. P. Ille. D. On. P. Sit. D. Niechay be-dzie. P. Bene. D. Dobrze. P. Rectè vertisti. Nunc ad singulas partes hujus orationis responde nominatim. D. Respondebo quoad potero; dummodo mihi praeseris. P. Quid? D. Est nomen. P. Opus. D. Nomen. P. Est. D. Verbum. P. Gallina. D. Nomen. P. Vt. D. Conjunctio hoc in loco. P. Illa. D. Pronomen. P. Sit. D. Verbū. P. Bona. D. Nomen. P. Agè dicamus iterum, ut singula paulò plenius intelligas. D. Quid nunc respondebo? P. Indica breviter singularum partium declinatum; ut vos docere soleo. D. Praeito igitur, ut coepisti. P. Quid. D. Quid, cujus, nomen substantivum, anomalum. P. Opus. D. Hoc opus, operis, ut o-

nus oneris. P. Fallerū Daniel. D. Quid ita? P. Quia opus, hic est adjectivum. D. Eho, adjectivum! quomodo declinatur? P. Est indeclinabile. D. Me miserum: nunquam istud audieram. P. Ad-dendum fait, quod sciam vel quod meminerim. D. Quam-obrem? P. Quia fortasse audieras, sed memineras male. D. Fieri potest, sed perge, quaeso, me docere. Quid polonicè significat istud nomen? P. Non solet Polonicè verti, nisi junctum cum verbo, sum, es. D. Da exemplum? P. Quotidie in ore habes exempla. D. Nunc mihi non occurrunt. P. Nonne soles dicere, & audire ex condiscipulis: Opus est mihi charta, atramento, pecunia, & similia? D. Sape dico, fateor, & saepe audio: sed parum adverte. P. Nunc igitur adverte, & manda memorie. Opus est mihi pecunia ad libros emendos, Trzebá mi pieniędzy nákupić xiąg: vel sic, Potrzebá mię pieniędzy ná xięgi. D. Da item aliud exemplum, quaeso. P. Opus est tibi virgis, ut tua expellatur pigritia, Potrzebá tobie rozgi, abyć wy-pędzić niedbálistwo. D. Fateor equidem præceptor. sed Deus (ut spero) mei miserebitur. OMNIUM MISERETUR DEUS, QUI PIE ILLUM INVOCANT. Sed de nomine opus iam facti multa, quod ad vos attinet, ad cetera redeo. Est. D. Sum, es, est, esse, verbum anomalum. P. Gallina. D. Gal-lina, gallinæ, ut mensa mensæ. P. Vt. D. Non declinatur, quia est conjunctio. P. Illa. D. Ille, generi masculini: illa femi-nini: illud, neutri. P. Declina in feminino. D. Illa, illius, illi, &c. P. Sit. D. Iam dictum est. P. Bona. D. Bonus, generi ma-sculini: bona, feminini: bonum, neutri: nomen adjectivum. P. Confer ad exemplum. D. Iustus, justa, justum: Bonus, bo-na, bonum. P. Nunc mutuo vos interrogate; ut plenius omnia tractetis.

COLLOQ: XXXVI.

BANDERIUS, PRÆCEPTOR.

PRÆCEPTOR. P. Quid vis? B. Licetné mihi ire domum? P. Cur ante horam? B. Pater jussit ut nunc abirem. P. Quid eges

operâ tuâ? B. Vult me in villam mittere. P. Quid ed? P. Petitiū u-
vas; & eâdem operâ nunciatum aliquid villico nostro. P. Quid sibi
me fallis? B. Adferam testimonium, ut soleo. R. Quando redibis?
B. Horâ primâ, ut spero. P. Quid tam citò? B. Villa nostra non
longè hinc est. P. Ito sanè.

COLLOQ: XXXVII. ARGUM.

Excusat se quidam, quod inconsulto præceptore prodierit: eujus rei
testes producit.

DISCIPULUS, PRÆCEPTOR.

PRÆCEPTOR, placetne audire excusationem meam? P.
Quando abfuisi? D. Hesternò die. P. Quotâ horâ? D. Primâ P.
Quæ fuit causa? D. Accersitus fui. P. A quo? D. A patre. P. Qui tibi
nunciavit? D. Famulus noster. P. Cur non me adisti? D. Quia
dicebat ille se urgeri festinatione. P. Suntne tibi testes? D. Ad-
sunt præceptor. P. Abi; sede in loco tuo: ego interim eos interro-
gabo.

COLLOQ: XXXIII.

DISCIPULUS, PRÆCEPTOR.

LICETNE abesse horâ secundâ? P. Quid habes negotii? D. Pa-
ter eget operâ meâ. P. Qua in re? D. Ut sibi aliquid scribam. P.
Sed interim non reddes que præscripta sunt vobis. D. Iam edidi-
ci. P. Factum bene. D. Placetne tibi audire me? P. Cras audi-
am; cum licebit per otium. D. Permittune igitur ut absim præ-
ceptor? P. Agè, permitto: sed ita, ut crastino die scriptum adfe-
ras testimonium. D. Ego semper tibi adfero aut à patre scriptum
aut à nostro famulo patris nomine. P. Rectè facit pater: sunt e-
nim multi qui me pascunt mendaciū. Nunc abi: & patri dis-
salutem verbis meis. D. Faciam præceptor.

COLLOQ: XXXIX.

PRÆCEPTOR, CAPERONUS.

HEUS Caperone. C. Hem, præceptor. Quid flet frater tuus?
C. Ægrotat. P. Qui scis? C. Satū apparet. P. Quo signo? C. Quia
vomuit. P. Quid illi dolet? C. Caput, & stomachus, ut dicit. P. Cur
non recepit se domum? C. Non ausus est. P. Tu verò non audebas.

me admonere? Agè; duc illum tu ipse domum usque, & matrem narra diligenter ut ille se habeat. Propera. quid cessas? duc eum lento gradu. c. Ducam praeceptor.

COLLOQ. XL. ARGUM.

Nimio somno deditus puer reprehenditur de veniendi in gymnasium tarditate. Mendacio, & causâ frivolâ purgare se conatur. Illi, ut verum faceatur, promittitur impunitas. Pœnarum metu, post aliquot tergiversationes, rem omnem confiteetur. diligentiam promittit in posterum. Docetur, qua illam ratione præstare queat. Multis verbis ad mutandos mores humanissimè cōmonetur. Ex penitentia signo, quod præ se fert bonam spem promittit. Exemplum in somniculosos.

PRÆCEPTOR, TILIACUS.

HEUS Tiliace, sequere me in cubiculum: est quod ego te seorsum monere velim. T. Adsum praeceptor. P. Nunquamne maturè in scholam venies? T. Non possum venire citius. P. Semper istud dicis. quid impedit? T. Nemo est domi nostrae qui experges faciat. P. Nemo? T. Prorsus nemo. P. Non habetis ancillam? T. Habemus quidem: sed non curat me excitare. P. Immo tu (ut opinor) non curas surgere. Nonne verum dico? quid taces? responde nunc tandem aliquid. T. Me miserum! quid agam? P. Nihil est quod terrearis: fateri verum. T. Quid si confessus ero? P. Ego tibi ignoscam: crede mihi. T. Ah, pudet. P. Ne pudeat verum fateri: queso: alioqui vapulabis. Pergin' tacere? Heus, observator; vise ad matrem ejus, & roga. T. Ne mittas, oro praeceptor: dicam tibi rem omnem. nihil reticebo. P. Age; esto animo bono. T. Sic est, profectò ut dixisti. P. Non satù istud est; volo audire sigillatim omnia. Narra mihi planè quemadmodum sese tota res habeat. T. Cum venit ancilla me excitatum; primùm nihil respondeo, quasi serio dormiam: deinde, si magis urgeat, attollo agrè caput; sedeo in lecto; thoracem injicio humeris, quasi statim surrecturus. P. Quam pulchrè narras! profectò, nunc te magis amo, quàm unquam feci; Perge. T. Cùm primùm egressa est ancilla cubiculum, tum ego reclino caput in pulvinū ac demitto pedes. P. Etiamne redormis? Ego verò redormio bene, placi de q̄. P.

Quam

Quamdiu? T. Donec ancilla secundo veniat. P. Cum rediit, quid tibi dicit? T. Exclamat, vociferatur, insanit. P. Quibus utitur verbis? T. Hem nebulo (inquit) quando eris in schola? ego dicam praeceptori tuo, ut te bene verberet: tu nunquam vis surgere, nisi bibi, aut ter excitatus fueris. P. Bonâ fide promittis facturum te posthac officium? T. Si unquam recidero, causam non dico, quin palam cedar virgii, idq; acerbissime. P. Belle quidem promittis: sed quomodo prestabis promissas? T. Adjuvante domino Deo. P. Qua ratione flectes illum? T. Fide & assiduâ precibus. P. Alioqui nihil posses obtinere. T. Credo equidem. P. Non satum est credere, nisi cures efficere diligenter. T. Curabo pro viribus, ac dies, noctesq; id unum meditabor. P. Optimè loqueris; dum tamen memor esse pergas. T. Quomodo possem oblivisci; nunquam desinant istud monere concionatores: tu verò serè quotidie ad id nos hortaris: & bene facis, praeceptor, quia omnes sumus valde negligentibus; sed ego primus omnium. P. Da igitur operam, ut tu omnium primus mores istos mutes. ac memento præcipuè semper verax esse. T. Faxit Deus, ut nunquam mentiar. P. O quam felix esses! T. Satum in præsentia felix ero, si tantum me absolvèrû. P. Faciam quod tibi sum pollicitus: sed eâ lege, ut promissi tui meminèrû, & reipsâ præstes; quemadmodum nunc mihi recepisti. T. Quid igitur restat quominus abeam liber? P. Immo aliquid restat: mane, & audi etiam nunc. T. Quam diu voles praeceptor. P. Inter cetera, excutias oportet istam pigritiam, quæ te in lecto detinere solet: non enim decet studiosum adolescentem somniculosum & inertem esse, sed alacrem & experrectum: cuiusmodi vides aliquos ex discipulû tuû. Non tenes memoriâ divinum Petri Apostoli præceptum? T. Quod illud est? P. Sobrii (inquit) estote, & vigilate. T. O quoties audieram: sed (proh dolor) nunquam usurpavi. P. Fac ut studiosè usurpes in posterum: neq; illud solum, sed etiam cetera bene vivendi præcepta, quæ toties audivisti. Quod quidem si diligenter feceris, tibi

inprimū bene consulēs: iucundus erū parentibus, & mihi, & rōdiscipulū tuū. deniq̄ (id quod est precipuum) charus erū Deo, qui studia tua in gloriam sui nominū magis in dies promovebit. T. O quantum fructum sentio ex ista admonitione tua! P. Vehementer sanē gaudeo, & tuā, & condiscipulorum causā. T. Quid si narres illū me amp̄nitentiam? P. Ego verō narrabo primo quoq̄ tempore; ut exemplo tuo discant nihil esse acceptius Deo, quā culpam agnoscere, & ad frugem bonā redigere. Vale fili, & adesto horā tertiā in auditorio. T. Ago tibi gratias ingentes, amantissime preceptor.

COLLOQUIORUM
SCHOLASTICORUM
Liber Quartus.

Paulō graviora continens; præsertim in moribus, & Christiana doctrina.

COLLOQUII I. ARGUMENTUM.

De iis quæ in oculos incidunt. Amicus amico nulla spe mercedis adductus opitulatur. Oculus membrum inter exteriora nobis carissimum. Zachariæ locus de pupilla oculi. Experientia. Iocus obliquè notatus. Iocandum interdum, modò cum fructu. Studia nostra ad gloriam Dei referenda.

PERIALDUS, SAMUEL.

OB SECRO te, Samuel, da mihi operam paulisper. s. Quid istud est? P. Nescio quid incidit mihi in oculum, quod me habet valde malè. s. In utrum oculum incidit? P. In dextrum. s. Vū inspiciam? P. Inspice, amabo te. s. Aperi quantum potes: ac tene immobilem. P. Non queo à nictu continere. s. Mane; ego met tenebo sinistra manu. P. Ecquid vides? s. Video aliquid minutum. P. Exime, queso, si potes. s. Quin jam exemi. P. O factū bene! quid est? s. Cerne tu ipse. P. Est mica pulveris. s. Et quidem usq̄ ad eò pusilla, ut vix cerni possit. P.

Vide quantum doloris adferat oculos tam exigua. s. Haud mirum quidem. Nullum enim e membris exteriorib⁹ oculo tenerius esse dicitur. inde etiam fit, ut experiamur nihile esse nobis carius. p. Hoc Deus approbat cum de sua in nos charitate loquens apud Zachariam 2. cap: sic ait: Qui vos tangit, tangit pupillam oculi mei. s. O immensam Dei bonitatem, qui nos tantopere charos habet! p. Non mihi rubet oculus? s. Aliquantulum: nempe quia fricuiisti. p. Credin tu adhuc mihi dolere? s. Quidni credam, qui toties talem molestiam sum experius? p. Experientia est rerum magistra. p. Ita vulgo dicitur. p. Quid pretii dabo isti medico pro labore? s. Quantum parati sumus? p. Brevi est conclusio: ergo nihil. sed tamen habeo tibi gratiam; atq; utinam detur referendi locus. s. Quin potius avertat Deus. p. Bene correxisti: dixeram imprudenter, at sine dolo. s. Sic accepi. sed interim jocari licet; praesertim ut in Latina lingua nos exerceamus. Faxit Dominus Deus, ut omnia studia nostra ad gloriam ipsius referantur. s. Faxit precor.

COLLOQ: II. ARGUM.

Alexander Carolo commodatum reddit cum gratiarum actione. Beneficia ultrò citroq; oblata: Exemplum aulicæ civilitati propemodum simile.

ALEXANDER, CAROLUS.

ECCE, reddo tibi commodatum, & gratias ago maximas, c. Non est quod agas. sed tu satine usus eras? A. Sati diu usum concessisti; qua tua est humanitas. G. Quoties opus erit, quaeso, ne parcas rebus meis. A. Non parcam, quando ita jubes. C. Pergratum mihi feceris. A. Gratiam habeo maximam: tu verò nostris vicissim utere, si quid usus fuerit. C. Non est quod moneas: satis meâ sponte sum impudens. A. Imo verecundus nimis. C. Esto aliquando tamen senties. A. Ita velim. Bene vale. C. Te servet Dominus Deus.

COLLOQ: III. ARGUM.

Ab observatore monetur quidam adolescens, ut in admonendo frater

hanc minore si diligentior. Pergendum constanter in admonendis omnibus, præcipuè qui nobis conjuncti sunt. Bonæ indolis signum quoddam in puero. Exemplum fraternæ admonitionis.

OBSERVATOR, BAPTISTA.

FRATER tuus semper in concione aut garrit, aut ineptit, aut aliquem incitas: ex quo fit, ut sæpe notatus sit; deinde vapulet. **B.** Quidvis faciam? **O.** Cur non sæpe mones? **B.** Nunquam desisto monere. **O.** Perge precor. **B.** Nihil est quod me preceris: nunquam cessabo, donec (volente Deo) aliqua ex parte se correxerit. **O.** Sic usurpabis Catonis præceptum, Quando mones aliquem nosti cetera. **B.** Sed oro te, mi Nicolae, ut, quoties eum notaveris, id mihi renuncies. **O.** Nunquam finis esset; adeo frequens est nomen ejus in meo commentariolis. **B.** Saltem fac me certior, cum primum commiserit, quo sit accusandus; tum ego dicam patri, cujus verba magis timet quam verbera. **O.** Istud non est parvum bonæ indolis argumentum. **B.** Ista spero quidem. Facies igitur quod rogo? **O.** Ego verò, atque libens.

COLLOQ: III. ARGUM.

Patricius Meloco arcanum commissum extorquere frustra conatur. Amicus, alter idem. Exemplum taciturnitatis in celandis amicorum consiliis. Item in curiosos arcanorum scrutatores.

PATRICIUS, MELOCUS.

QUID consilii tractabas modò cum præceptore? **M.** Si scire cupis, illum percontare. **P.** Cur me celas? **M.** Ut ne palam facias. **P.** Non ideo (crede mihi) te rogo, ut id proferam: quid enim proficerem? **M.** Quamobrem igitur tam cupidè rogas? **P.** Nimirum ut mecum tacitus gaudeam, si quid boni audieris. **M.** Itane paratus advenis, ut à me extorqueas, quod mihi uni, idq; à præceptore, creditum est? **P.** Quod mihi dixeris, surdo & muto dictum pata. **M.** Egonè tergum meum in fidem tuam comittam? **P.** Id profectò potes, & quidem sine periculo. **M.** Nunquam dices tam commodè, ut istud mihi persuadeas. **P.** Dabo fidem me taciturnum. **M.** Etiam si ter quater sanctissime juraveris, non prodam. **P.** Proinde tu desine percontari. **P.** Heu: ubi est illa nostra amici-

tia? M. Nescū dictum illud sapientū: Quod tacitum esse vis, nemini dixeris? P. Audivi aliquoties: sed, Quod amico dictum sit, nemini dictum videtur. est enim amicus quasi Alter idem. M. Eadem tibi dices, qui scire ex te voles, & idem alius, qui ex illo: atq; ita ad aures omnium perveniet. itaq; si me tibi posthac vū amicū esse, me missum facito. P. Nō sum Imperator, ut te missum faciam. M. Pergin' molestus esse? P. Abire malim quā tibi molestiam exhibere.

COLLOQ: V. ARGUM.

Hieremias narrat Marthoræo de inopinato patris adventu, ob falsum de morbo rumorem. Citò irascens facili placatur. Ira puerorum brevis. Exemplum paternæ diligentæ in liberorum cura.

MARTHOREUS, HIEREMIAS.

QUA pecuniā emisti librum istum? H. Quā censēs, nisi meā? M. Miror unde habueris. H. Quid mirarū? An tibi debeo reddere rationem? M. Egonē exigo? H. Videris exigere. M. Non exigo, inquam: sed sic solemus inter nos familiariter, & liberē fabulari; ut Latine semper condiscamus aliquid. H. Ea re, fateor, plurimū confert nobis ad Latine loquendi facultatem. Sed Nemo est tam lenis, qui interdum subirascatur. M. Est, ut dicis: sed est brevis puerorum ira. H. Quod autem de pecunia rogabas, eam à patre acceperam. M. Quando venerat? H. Abhinc octo dies. M. Miror, quod eum non viderim. H. Non est quod mireris. M. Quid ita? H. Quis vix sesqui horā hic moratus est. Cū enim de equo descendisset, meq; paucū esset allocutus ascendamus, inquit, in tuum cubiculum, ut tecum liberius colloquar. Sed antequam narres cetera, velim scire, quid sibi vellet adventus ejus tam inopinatus? H. Falso quodam rumore (ut fit) audierat, me egrotum esse. M. Quid ille, cū prater spem te valentem invēnit? H. Mirificē affectus est gaudio. M. Quis dubitet? H. Præterea DE O optimo maximo maximas egit gratias. M. Libenter hæc audio, perge quæso. H. Tunc me de valetudine percontatur: unā precamur, non sine gratiarum actione: tan-

dem querit ecquid mihi opus sit. Opus (inquam) pater. Quâ (inquit) re eges? Libro (inquam) decem aſtium. Tum ille promit ex marſupio decuſſem. eum mihi in manum dat, & valedicto, ſtatim conſcendit equum, atq; abit. M. Cur tibi plus dedit quàm petiveras? H. Iſtud ineptè queris. Scilicet ita letus erat, quia me præter ſpem, bene ſanum offenderat: quòd ſi vel coronatum petiſſem, tam facile dediſſet mihi. M. O quantum debes illi ſummò patri, qui tibi adeò bonum patrem dederit. H. Ne cogitari quidem poteſt, quantum debeam. nam etiã ſi malum dediſſet, deberem tamen nõ parùm. Sed quid ceſſamus auditum ire prælectionem? M. Iam inſtat hora tertiã. H. Parata ſunt mihi omnia. M. Mihi quoque. H. Eamus ergo in auditorium.

COLLOQ: VI. ARGUM.

Reprehenditur proſectio in militiam. Militaria vita corruptiſſima. Bon^o pater familiã ſemper aliquid per occaſionem docet. Timor Dei. Cuſtodit parvulos Dominus ac dirigit. Patres & præceptores diligendi, & quare. Exemplum adoleſcentis ſulti, & parentum contemptoriſ.

SONERIUS, VILLATICUS.

VBI nunc eſt frater tuus nato maximus? V. Ivi in militiam? S. Quid aũ? in militiam? V. Sic res eſt. S. Sic ergo valedixit literis? V. Iampridem literarum ſatietas eum ceperat. S. Quid ita? V. Neſcio; niſi quia volebat liberiùs vivere. S. Quomodo permittiſſe pater? V. Quid putas permiſiſſe? patre abſente, matre invitã proſectus eſt. S. O miſerum adoleſcentem! V. Immo verò miſerrimum. S. Quid facies? V. Id quod ceteri, qui ſequuntur illud vita genus: nempe ſpoliabis, rapiet, ludet atq; a, poſabit? ſcorabitur. S. Eſtne iſt hac militum vita? V. Omnino. S. Vnde ſciã iſtude? V. Audivi nuper ex patre, cum cenaremus. S. Quorſum narrabit talia? V. Docebat nos, nihil eſſe certius, quàm Deum timere, qui cuſtodit parvulos, eosq; in viam rectam paulatim inducit. S. Et præceptor ipſe noſter de iu reb^o ſape nos admonet. V. Tanto magis debemus eſſe ſoliciti, ut parentes charos habeamus, & præceptores, quorum operã Deus ad noſtram inſtitutionem utitur. S. Utinam utriq; præſtemus, quod ipſe nobis in ſua

lege præcipit. v. Ita faxit ille. s. Faxit, præcor.

COLLOQ. VII. ARGUM.

Quidam reversus ex Germania præter opinionem & voluntatem patris, domo expellitur. Post aliquod tempus, amicorum operâ redit in gratiam. Exemplum ejus quod per iram peccatur: item stultæ matris indulgentiæ in liberos.

LUCAS, OROSIIUS.

AUDIO fratrem tuum jam revenisse ex Germania. O. Sic est. L. Solvne rediit? O. Non omnino. L. Quis igitur cum illo? O. Quidam civis hujus oppidi, qui serè biennium illic habitaverat. L. Cur iverat frater? O. Missus illuc fuerat à patre, ut Germanicè disceres loqui. L. Quam igitur ob rem non fuit illic diutius? O. Tam non poterat ferre matris desiderium. L. O tenellum adolescentem! quotum agit annum? O. Septimum decimum, si rectè mater meminisset, ex qua id audivi sæpe. L. Agès quo vultu à patre exceptus est ejus adventus? O. Rogas? pater non sustinebat illum aspicere: quin etiam nec salutatione dignatus, nec alloquio, jussit eum abire è conspectu. L. Quid præterea? O. Nisi mater cum lacrymâ intercessisset, jubebat apparitorem accersi, quò miserum in carcerem conjiceret. L. Atqui non poterat injustis magistratus. O. Nescio; tamen conabatur. L. Quid postea factum est? cubuitne domi vestre? O. Minimè verò. L. Vbi igitur? O. Sororis mee virum nostrum? L. Tanquam digitos. O. Eò missus est à matre, dum patris ira defervesceret. L. Quid tandem accidit? O. Egit mater cum propinquis, & amicis nostris, ut iratum patrem mitigarent. L. Sic igitur frater tuus cum patre in gratiam rediit. O. Id non fuit magni negotii, jam enim pater cœperat pœnitere, quod sic excandisset, quoddam graviter accepisset filium. L. Nempe dies ejus iram lenierat. O. Eâ tamen lege recepit illum, ut promitteret se in Germaniam rediturum statim à vindemia. L. Vide, quàm ineptus sit iste in matres nostras affectus. O. Atqui ipsæ matres sunt in causa: cur enim adeò temerè nos adamant? L. Naturam cogere difficile est. O. Ita

hanc sententiam tenesne versum ex Horatio? L. Naturam expellas furca licet; usq; recurret. Sed quid hoc? dum fabulamur, à lusu cessatum est. L. Nihil inde nobis accidet mali. ad disputationes conveniamus jam.

COLLOQ: IIX. ARGUM.

Olerum quorundam nomina enumerantur. Moretum Vergilianum. Latitiae ob rem culinariam. A puero fructus & olera carnibus praeferruntur. Studiofis satis est modicum alimentum. Parentes ægrè ferunt, nisi filios in schola bene curatos videant. Matrum indulgentia, Parentum amor in liberos non facile immutatur.

CONRADUS, LINUS.

VBI fuisti hodie post prædium? *L. In horto praeceptorum. c. Quid illuc iveras? L. Ille me miserat petitum olera. c. Qua tandem olera collegisti? L. Vix enumerare possum omnia. c. Saltem quae occurrent memoria. L. Sed cur istud queris? c. Ut interim recordemur aliqua rerum nomina, quae parvuli didicim^o. L. Pulchra est exercitatio; praesertim cum aliquid nobis suppetat otii. Audi igitur: collegi allia, serpyllum, porros, cepas, nasturtium, cuminum, fœniculum, thymum, amaracum, hyssopum, apium, salviam, satureiam. c. Herbae sunt oleres, quas adhuc enumerasti. L. Sic institueram memoriae gratiã. c. Perge porrò. L. Paucae quidem restant, ut beta, cichorium, lactuca, oxalis, eruca, brassica, portulaca. plures non occurrunt. c. Qui potuisti tot meminisse? L. Praeceptor mihi dederat scriptum catalogum. c. Et non veras omnes? L. Nonãm: alioqui eum interrogassem. c. At ego non novi omnes; quamvis nomina didicerim. L. Ego tibi plures etiam demonstrabo, cum licebit nobis in hortum ire. c. Multumne attulisti? L. Plenum calathum. c. Sed de singulis quantum opus fuit. c. Tametsi curiosus tibi videor, tamen hoc mihi velim respondeas: Scin tu in quem usum praeceptor tot olerum genera curaret apparatus? L. Partim ut jus bene condiretur; partim ut minus al ex oleribus fieret. c. Quam bene consulebat nobis. L. Optime; sed tamen ea non erat causa praecipua. c. Quanam igitur*

cur? L. Legisti ne unquam Moretum Vergilii? C. Carmen qui-
 dem legi: sed Moretum nunquam edi, nec vidi, quod sciam. L.
 At videbis spero. nam praeceptor uxorem docuit conficere, &
 illa confecit ex ejus praescripto. C. An apponetur nobis aliquid
 in cenam boni? L. Saltem jus carniū pingue, bene conditum;
 carnes optima; & minuta ex oleribus. C. Vide sciri ista? L. Om-
 nia vidi in culina, cum jussus essem adjuvare; praecipue in meis
 oleribus repurgandis. C. Quid Moretum? non saltem gustabi-
 mus? L. Immo dabitur nobis: nam confectum est, quod sarsit o-
 mnibus. C. Ista mihi sapiunt magis, praesertim astate, quam car-
 nes ipsae, aut pisciculi. L. Optarem profecto servari carnes in
 hiemem; ut tota astate olera & fructus esitaremus. C. Atqui (ut
 accipi) ista minus alunt. L. Id ego audiui quoque aliquoties: sed
 quid opus est tanto studiosis alimento? C. Non tanto, fateor, si
 tamen parentes nos viderent pallidos, & macilentos; statim e-
 jus rei culpam assignarent praecceptor. nonne sic est? L. Non est
 dubium. sed quid agas? ferè parentes, praecipue matres, nobis
 indulgent nimium. C. Vera quidem dicis. sed tu interim matris
 indulgentiam libenter frueris. L. Quasi verò tu minus. C. Ne
 mentiar; quod tibi adscribo, in me quoque frequenter experior.
 L. Non possumus parentum erga nos affectum, nisi nostris vitiis,
 immutare: tantum caveamus eorum abusi benevolentiam: sed in
 primis laudemus illum patrem nostrum benignissimum, qui no-
 bis tales progenitores dedit. C. Ista libens audio. sed nos hora vo-
 cat. L. Agè finem imponamus.

COLLOQ: IX. ARGUM.

De carnis emptione. Divinatio ex conjecturis. Contra vulgi opinionem
 de fortuna. Malimores tenacius retinetur. Solus Deus adiutor. Linguae
 lapsus ex imprudentia. Memoria exercenda. Dociles proficiunt admo-
 nitu.

MOLERIUS, DOTHÆUS.

Vnde redus? D. A foro. M. Quid emisti? D. Carnem. M. Qua-
 lem? D. Vitulinam. M. Ostende, queso: ferè novares est hoc tem-
 pore. D. Vide. M. Bona videtur mihi. D. Non falleris opinor. M.

Quot sunt librae? D. Nolunt lanii appendere vitulinam. M. Cur non? D. Propter novitatem. M. Vide astutiam! scilicet qui quod vendit, quam potest carissime. D. Rem acu attigisti. M. Quantum putas pendere? D. Duas libras, & paulo amplius. M. Quanti emisisti? D. Agere divina. M. Non sum divinus. D. Atqui multi divinat, qui tamen divini non sunt. M. Fieri potest; sed ex quibusdā conjecturis: alioqui divinatio vetita est in divinis literis. D. Divina igitur ex conjectura. M. Emisisti totum duobus assibus? D. Paulo minoris. M. Quanti ergo? D. Tenta iterum. M. Vixisti denarioli. D. Nolo te diutius torqueri de nihilo. M. Dic igitur sodes. D. Hoc totum constitit mihi sex quadrantibus. M. Profecto fortuna tibi pulchre favit. D. Quam mihi narras fortunam? M. Hic mos est loquendi. D. Mos (ut dicitur) tyrannus est pessimus. Atque utinam bonos mores tam studiose coleremus, quam obstinate retinemus malos. M. Tunc melius se haberent omnia. D. Nos igitur fortunam istam Ethnicis, & impiis relinquamus. Fortuna nihil est: Solus est Deus qui favet nobis; solus est adiutor & protector noster. M. Istud quidem certo scio, fideliter credo, & verè confiteor. sed quid agas? Saepe labitur lingua, nihil mali cogitante animo. D. Oportebat te illud meminisse, Ne lingua praecurrat mentem. M. Istud quidem didicimus de septem Sapientum dictis: sed non semper occurrunt ejusmodi pulchre dicta; licet ea mandaverimus memoria. D. Tanto igitur magis illa est exercenda; ut nobis, cum opus est, suppetat. M. Isto tuo admonitu discam esse aliam prudentior. D. Sed audio signum dari. desinamus.

COLLOQ: X. ARGUM.

Præceptoris accusatio in Polonicè loquentes. Ejusdem ad Latine loquendum exhortatio. Interpretatio edicti de vetito Polonico sermone. Male acturi quarunt latebras. Iniquorum perversitas. Nitimur in vetitum. Doctrina Christi & timor Dei avocant à malo. Exhortatio ad rectè vivendi studium.

CAROLETUS, QUINTINUS.

AD FUISTI MATUTINA PRECATIONE Q. AD FUI. TU VERÒ UBI ES

ras.c. Iperam ad patrem in cauponam. Q. Quid eo? c. Heri ve-
 sperijusserat, ut se convenirem bene mane. Q. Qui ausus es
 tam mane prodire; idq; inconsulto præceptore? c. Iam heri ve-
 niam impetrâram antequam iretur cubitum. Sed dic mihi,
 quid ille à precatione palàm admonuit? Q. Audivi, inquit, esse
 inter vos, qui sæpenumero Polonicè fabulentur: & nemo inter-
 ea vestrum mihi quicquam indicat; quod est argumentum con-
 sensionis omnium in eodem peccato. hæc fuit accusationis sum-
 ma. deinde in eam sententiam multa dixit, quæ meminisse non
 potui. c. Sed quæ tandem fuit conclusio? Q. Quamobrem, inquit
 admoneo vos, ut alius alium ad Latine loquendum cohortemi-
 ni diligenter; & eorum nomina, qui parère noluerint, ad me
 quamprimum deferatû; ut huic malo remedium adhibeam. c.
 Nullum igitur verbum licebit efferre Polonicum? Q. Quantum
 ex verbis ejus colligere potui, non ita rem intelligit non enim
 (ut scû) usq; adeo est severus exactor, ut statim puniat, si cui ver-
 bum aliquod inter colloquendum exciderit. c. Aliquoties (ut
 memini) palàm dixit, edictum suum ad eos demum pertinere,
 qui cûm Latine sciant, tamen semper latibula quarunt, ut Po-
 lonicè fabulentur, idq; de rebus ineptissimis. Q. Ea est quorundã
 pertinacia, ut malint sæpissime vapulare, repugnando præceptis
 bonestissimis; quàm laudari atq; etiam diligi obsequendo. c. Me-
 ministi audire ex ipso præceptore, Nitimur in vetitum. Q.
 Memini; atq; adeo est verissimû. tamen qui doctrinam CHRIS-
 TI libenter amplectuntur, non studio peccant neq; malitiã. c.
 Istud præstat verus ille timor Domini. Q. Tales igitur, quoad li-
 cet per natura infirmitatem, sedulo cavere nituntur, ne quid
 scientes faciant, dicant, aut cogitent, quo Deus vel minimum
 offendatur. c. Ergo studeamus & nos id ipsum cavere studeamus
 rectè vivere, & Dei nostri parère voluntati: non modò ne vapu-
 lemus; sed magis, ut illi optimo Patri nostro placeamus. Q. Ita
 fiet, ut verè simus non tenebratû, sed lucû filii. c. Sed de his aliàs
 pluri-

pluribus; nunc ad disputationes recipiamus nos. *Q* Ecce vocat signum.

COLLOQ: XI. ARGUM.

Aliquot nomina carnis generum. Reprehenditur imperitè locutus, Vivarium ferarum. Hortatio ad agnoscenda beneficia Dei. Elcemosyna secreta. Locus ex Evangelio.

ALBERTUS, TIROTUS.

NUNC demum redis à foro? *T.* Quid demum? tanta est adlanienam turba, ut vix accedere potuerim. *A.* Quas attulisti nobis carnes in diem crastinum? *T.* Bubulam & vervecinam. *A.* Estne in foro carniū magna copia? *T.* Tanta profectò, ut mirer a deo caras esse. *B.* Nihil mirum. Vt multa sunt carnes, ita multi qui carnes edunt quotidie. Sed quæ potissimū vidisti carnis genera? *T.* Vidi bubulam, vitulinam, ovillam, vervecinam, suillam, hœdinam, agninam. *A.* Nihilne ampliùs? *T.* Quid velles præterea? *A.* Nihil igitur erat ferina? *T.* Non queo referre simul omnia: immo, etiam ferinam vidi. *A.* Qualem? *T.* Cervinam & aprugnam. ô quam pinguis est aprugna! *A.* O quàm ineptus es! *T.* Quid ita? *A.* Quia falleris in rerum nominibus. Nā quod in sue domestico dicitur aruina, id in sue fero (id est apro) callum vocatur: & est in eo genere durissimum. *T.* Istud quidem audire non memini. *A.* Nunc audisti: manda (si vñ) memoria. *T.* Tu verò doctor unde istud didicisti? *A.* Domi nostræ ferina caro res est frequētissima. *T.* Vnde vobis tanta est copia? *A.* Pater habet ruri ferarum multarum vivarium, ex quo interdum solidi apri in urbem adferuntur. *T.* Quale est vivarium istud? *A.* locus est ferè quadrangulari formâ, amplissimus, muris altissimis sepeus undiq̃, consitus multū & procèris arboribus, inter quas sunt dumeta maximè densa. *T.* Quales sunt illic arbores & utrum urbanae an silvestres. *A.* Silvestres fere omnes: sed in his sunt potissimū quercus & fagi, quarum glande pascuntur cervi, apri, damae. *T.* O quantas meritò gratias Deo debetis, qui vobis largitus est tantam rerum omnium abundantiam. *A.* Non sumus immemores beneficiorum ejus. pater enim plurima
bona

bona in pauperes erogat. quod tamen tibi uni dictum esse velim
T. Cur ita? **A.** Quia talia non vult predicari. **T.** Tanto magis
 laudandus, quod Christi praeceptum verè sequitur, cuius verba
 apud Mattheum scripta sunt, Cum facis, inquit, eleemosynam,
 & quae sequuntur. **A.** Quoto capite? **T.** Sexto, nisi me fallit me-
 moria. **A.** Sed haec haec tenus: satis enim sumus collocuti: & iam
 ad disputandum convenitur. **T.** Eamus igitur. **A.** Sequere me
 aut (si mavis) precede. **T.** Ego neutrum faciam; sed una ibimur

COLLOQ. XII. ARGUM.

De studiorum tempore amisso. Ejus recuperandi spes, & quibus modis
 id fieri possit. Viva magistri vox. Hortatio ad animum bonum.

GUINANDUS, MONEROTUS.

TANTUM igitur hodie è villa revertisti? **M.** Hodie tantum
 idq; paulò ante prandium. **G.** Atqui dixeras te futurum illic mo-
 do biduum. **M.** Ita sperabam fore; & sic pater promittebat. **G.**
 Quid igitur obstitit, quominus redieris citius? **M.** Mater me de-
 tinuit; tamen si etiam cum lachrymis eam obsecrarem, ut me mis-
 sum faceret. **G.** Sed cur te tam diu remorata est? **M.** Ut se comi-
 tarer in reditu. **G.** Quid verò agebas interea? **M.** Colligebam
 fructus cum rusticis nostris. **G.** Quos fructus? **M.** Quasi non sint
 tibi noti fructus autumnales, & serotini: pyra, mala, juglandes.
G. O jucunda exercitatio! **M.** Non est jucunda solùm, sed etiam
 frugifera. **G.** Sed hoc malum, quod interim quinque, aut sex
 praelectionum fructus tibi periiit. **M.** Non omnino periiit, spero:
 curabo pro viribus, ut aliqua ex parte recuperem. **G.** Quid faci-
 es? **M.** Describam quàm potero diligentissimè. **G.** Quid tum po-
 tesse? **M.** Ediscam ipsam auctoris orationem. **G.** Sed sententiam
 non satis intelliges. **M.** Ipsa me iuvabit praceptoris interpreta-
 tio, ut sensum magna ex parte assequar. **G.** Nec tamen id satis
 erit. **M.** Tu (si placet) aderis mihi per otium, ut conferamus u-
 nà. **G.** Libenter equidem faciam. sed ne istud quidem sufficiet.
M. Non habeo quid possim ampliùs. **G.** Quanto praestitisset virum
 audire magistri vocem. **M.** Multò sanè praestiteras, sed quando id

mibi non contigit, nec meâ culpâ factum est; nihil habeo quod me accusē in hac parte. G. Rectè dicū. fac igitur habeas animū bonum. nam quod ego tecū pluribus verbis de hac re disputavi, non ideo feci, ut vellē te adducere in desperationem; sed totū illud profectum est ex meo in te amore singulari. M. Haud mihi dubium istud est. quo fit, ut majorem tibi habeā gratiam. G. Sed ecce, vocat nos ad cœnā tinninabulum. M. Nuncius opportun⁹.

COLLOQ: XII. ARGUM.

Puer à patre commendatus præceptori. Verus amor patris in filium. Correctio necessaria puero. Pœna etiā injusta ferenda est, & quare. Christus pro nobis passus immeritò. Operatum pium & sanctum. Hortatio ad diligentiam. Exemplum pueri studiosi & obedientis.

EUSTATHIUS, BOSCONELLUS.

AUDIVI patrem tuum venisse hodie in gymnasium B. Verū audivisti. E. Quā venerat gratiā? B. Ut pro meis alimentis præceptori numeraret pecuniam; simul ut me illi commendaret. E. Nunquam nē te commendāras? B. Immo sæpissimè. E. Quid sibi vult istā commendatione tam frequenti? B. Amore vero me prosequitur. E. Quid tum? B. Ideo cupit me diligenter erudiri. E. Quid si commendat, ut sapiūs vapules? B. Ea est fortasse causa: sed quid inde? non propterea me diligit minūs. E. Vnde istud colligis? B. Quia Puero tā necessaria est correctio, quam alimentum. E. Verum quidem dicis: sed pauci ita judicant: ne mo enim est quin panem, quam virgam malit. B. Illud est naturale omnibus: qui neget? sed tamen Patienter ferenda est pœna, præsertim justa. E. Hæc habetur in libello morali sententia: Quod meritò pateris, patienter ferre memento. Sed quid si pœna sit injusta? B. Ea quoq; patienda est nihilominus. E. Cujus causā? B. Propter IESUM CHRISTUM, qui mortem injustissimam, eamq; acerbissimam, tulit pro peccatis nostris. E. Vtinam id nobis in mentem veniret, quoties aliquid patimur. B. Præceptor id nos sæpe monet, quoties occurrit occasio sed turdū narratur fabula, ut est in proverbio. B. Ergo demus operam, ut simus posthac diligentiores. E. Ita faxit Deus.

COLLOQ. XIII. ARGUM.

Divinis rebus omnia sunt postponenda; sed fere contra fit. Homo semper homo est, nisi divino spiritu renovatus. Exemplum hominis qui eadem facit quæ in alijs reprehendit. Turpe est doctori, &c.

GRANDINUS, THOMAS.

CUR non interfuisti hodierna concioni? **TH.** Occupatus eram in scribendis literis. **G.** Non poteras differre negotium? **TH.** Urgebat tabellarii festinatio. **G.** Atqui præceptor docet nos, omnia postponenda esse Dei negotiis. **TH.** Docet quidem, neque id mihi dubium est; sed nunquam sumus adeò perfecti, quin sæpe Deum terrenis istis postponamus. **G.** Istud malum. **TH.** Pessimum verò; sed Semper homines sumus, nisi DEUS nos Spiritu suo immutaverit. Sed dic, quaeso, fuitne frequens auditorium? **G.** Non admodum, pro more solito. **TH.** Unde fit istud? **G.** Ignoras populum nunc esse occupatum in vindemiis? **TH.** Non ignoro sed non possunt homines divinis rebus unicum horam impendere? **G.** De hoc non est meum reddere tibi rationem. hoc tantum dico, Turpe est doctori, cum culpa redarguit ipsium. **TH.** Pater! quantum colaphum impegisti mihi! vale. verbum non amplius addam. **G.** Esto igitur alias prudentior.

COLLOQ. XV. ARGUM.

Discessurus quidam ante vacationem scholasticam, reprehenditur à condiscipulo. Consilia humana à Deo reguntur. Sua cuiq; tractanda scientia. Modestè sapiendum.

MATATHIAS, CARRARIUS.

TU igitur cras (ut audio) discessurus es? **C.** Cras, si DOMINUS permiserit. **M.** Eho; cur tam cito? **C.** Urget me pater. **M.** Immo tu urges patrem? **C.** Itane tibi videtur? quomodo patrem urgere possum? **M.** Assidua missione literarum. **C.** Tantum semel scripsi, instare vacationem scholasticam. **M.** Quando misisti literas? **C.** Hebdomade superiori. **M.** Quo die? **C.** Veneri. **M.** Quid facies domi? **C.** Instat vindemia; interim colligendi sunt fructus arborum. **M.** Poteras expectare dimissionis diem. **C.** Nescio quando sit futurus.

M. Spe-

M. Spero fore ad finem proxima hebdomadis. C. Sed istud non est in nostro situm arbitrio. M. Ne in præceptoris quidem. C. Cujus igitur? M. Solius DEI, qui hominum consilia suo nutu gubernat. C. Atqui Satanas videtur interdum gubernare. M. Quantum Deus ipsi permittit. Sed ista sapientioribus relinquamus. C. Tutius est monet enim proverbium, Ne sutor ultra crepidam. M. Sæpe istud ex præceptore audivimus. C. Idem quoque non semel docuit nos illam Divi Pauli sententiam, Noli alium sapere, sed time. M. Illud etiam frequenter habet in ore, Altiora te ne quæsieris. Sed audin' tu ad cœnam signum dari? M. Adhuc pulsat aures meas tintinnabulum. C. Eamus in aulã, ne desimus precatiõni. Cras ante discessum te salutabo.

COLLOQ: XVI. ARGUM.

Patientia in parvis excitata paulatim crescit. Volente Deo nobis accidunt mala Providentia Dei. Memoria fluxa eam non exercentibus. Memoriz exercendæ ratio. Negligentia Spiritus Dei non excitat. Brevis exhortatio ad excutiendam negligentiam, pigritiam, tarditatem.

PETRINUS, CROSERANUS.

Q. Uo ludi genere hodie te exercuisti? C. Iuglandium. P. Equid lucri fecisti? C. Immo per didi. P. Fortuna igitur tibi adversa fuit? C. Nescio, que fortuna: tantum scio meã culpã id accidisse, sed ita volente Deo. P. Cur Deus id voluit? C. Vt hinc discam ferre graviora, cum acciderint. P. Quasi verò Deus lusiones puerorum cures. C. Curat profectò, quin etiam Nihil fit in rerum natura sine divina providentia. P. Siccinè philosopharus? quoniam te ista docuit? C. Non tute audisti toties ex concionatore nostro? P. Fieri potest ut audierim: sed quid agas? fluxa est mihi memoria. C. Nimirum, quia illam non exerces. P. Quomodo exercenda est? C. Primùm diligenti attentione; hoc est, diligenter advertendo ad ea quæ audimus aut legimus: deinde eadem sæpe repetendo. deniq; docendũ aliũ ea quæ didicimus. P. Ista nobis sæpius inculcantur à præceptore: sed (me miserum) quàm supina est hæc mea negligentia! C. Sic sumus omnes,

annes, nisi spiritus ille Dei nos excitet. P. Quid igitur faciam? C. Expergiscere, mi Petrine: toto animo, totiſq; viribus ad Deum aspira: illum assidue, & pio affectu precare: vigilans esto: pravos fugito; versare cum bonis; tum moribus facillimis effice, ut eos tibi familiares reddas. P. Quid tandem consequar? C. Rogas si te istis moribus assuefeceris, Dominus Deus suâ clementiâ tuâ miserebitur; breviq; animum tuum immutatum senties. P. Quam opportunus hic mihi congressus fuit! obsecro te, mi Crose-rane, ut sepius colloquamur. C. Per me non stabit, quoties utriq; licebit per otium. P. Gratias ago maximas. C. Non est quod agas. recipiamus nos in auditorium.

COLLOQ: XVII. ARGUM.

Quidam reprehenditur quod animi causa nocuerat. Peccatum per ignorantiam. Deus ad usum nostrum creavit omnia. Beneficiis Dei non abutendum. Ignoscendū puero sponte delictū consenti. Ad precandū admonitio. Singulorū secreta preces. Perseverantia in verbo Dei. Exemplum rarissimum pueri, qui admonitus culpam libenter confitetur.

ÆDIGIUS, MASSVERUS.

CUR hic dispergebas pisa? M. Quando? Æ. Post prandium. M. Id faciebam animi causâ. Æ. Sed pisa illa unde habueras? M. Acceperam è conchula, ubi reposita erant, ut crastino die coquerentur. Æ. Debuisſinè animi causâ malum facere? M. Non putabam id esse malum. Æ. An non est malum conculcare panem pedibus? M. Istud ego nollem facere. Æ. Cur nolles? M. Quia panis est nobis maximè necessarius. Æ. Et pisa ipsa, & cetera que eduntur, Deus in usum nostrum creavit. M. Non ignoro, quin etiam pisces libenter vescor, si bene cocta & condita sint. Æ. Præterea; vellesne abuti rebus tuis? M. Minimè. Æ. Tantò min⁹ alienū debes. M. Istud satū intelligo. Æ. Ergo non rectè fecisti. M. Non rectè, fateor; non tamen animo malo. Æ. Cur igitur fecisti? M. Mea ineptia me ad illud incitavit. M. Quid inde meruisti? M. Plagas. Æ. Rectè dicis: sed (opinor) non ex animo. M. Immo certè ne me accuses: oro. Æ. Quandoquidem sponte fateris,

nō accusabo: sic enim velle se dixit præceptor sapissimè. M. Quid ille dixit? Æ. Ut de rebus ejusmodi leviorib^o neminem ad ipsum deferamus, qui modo culpam libens agnoverit. M. Istud ergo beneficium tibi debeo; mi Egidi. Æ. Nihil velim mihi debeas hoc nomine: sed mecum precare Deum, ut à malo nos liberet. M. Quotidie in schola quater aut quinquies palàm precamur. Æ. Quid tum? M. Præterea privatim, quoties cubus sumitur, quoties cubitū itur, quoties cubitu surgitur. Nonne satis hæc sunt? Æ. Præter illa, sæpe monet præceptor, ut interdum pro se quiq; precandi causâ secedat aliquò in secretum locum: meministi? M. Memini probe, sed ut sci, difficile videtur esse, ut pueri secretū precibus assuescant. Æ. Et tamen paulatim assuescere optimum fuerit. M. Progressu temporis Deus ipse noster ad eam rem nos incitabit, atq; assuefaciet. Æ. Ita fore sperandū est; si tamē in verbi ejus tum lectione, tum auditione sedulò progrediamur.

COLLOQ: XVIII. ARGUM.

De quodam convivio. Qui convivæ; quæ ferculorum varietas & copia; quis ordo fuerit. &c. Notatur obiter conviviorum luxus. Gratiarum actio. Objurgatur ipse convivor de luxu.

VARRO, CASTRINOVANUS.

QUID est quòd hodie tam cito à patruo redieris, præsertim cum fuerit convivium? C. Quid illic fecissem diutius? V. Cœnam expectasses, ut ederes de prandii reliquiis. C. Satis ederam in prandio. Præterea jussit patruus, ut domum reducerem præceptorem, quem ego ad convivium deduxeram. V. Quid frater tuus patruelis? cur in ludum vobiscum non rediit? C. A matre revertus est in unum aut alterum diem. V. Quamobrem? C. Ut illi resarciantur vestimenta. V. Illa est mulierum cura. Sed agès; quoniam nunc otiosi sumus, narra mihi (quæso) aliquid de convivio. C. Quid de illo scire cupis? V. Primum, qui cōvivæ fuerint; deinde, quam lautum, & opiparum convivium. C. Convivæ fuerunt hi præcipui, Quatuor consules; subpræfectus urbis; & alii duo prima notæ è senatorum numero. V. Nostinès? G. De facie quidem

quidem sed eorum non teneo nomina. v. Nullinè præterea? c. Duo item ex patru mei familiarib. v. Quotus accumbebat præceptor? c. Quotus esset nō observavi sed erat in media ferè mensa, è contraria parte mei patru. v. Tu verò? c. Hui inepte, qui istuc roges! Egonè homunculus cum tantis viris epularer? Satis hoc mihi honorificum fuit, quod ministrarem. v. Nullanè erant mulieres? c. Nullæ, præter uxorem patru; quæ quidem sedebat in mensa extrema. v. Quid ita tam remota? c. Sic voluit ipsa, ut identidem commodiùs surgeret, propter ordinem ministerii: v. Quid filius? c. Iuxta matrem assidebat. v. Habeo de convivio nunc expecto de convivio. c. Onus mihi valde magnum imponis ac difficile, maximè propter memoriam; sed quando (ut dixisti) plusculum otii nacti sumus hoc pomeridiano tempore, dabo equidem operam ut aliqua ex parte expleam desiderium tuum. v. Pergatum mihi feceris. c. Eâ tamen lege, ut par pari referas si quando dabitur occasio. v. De hoc nihil est quod dubites. Incipe. c. At ego interea sedere volo, quia longa est narratio. v. Eamus sub pergulam, ut in umbra cōmodiùs fabulemur. c. Audi nunc jam. v. Quia (ut agi) longa est narratio, dic mihi primum, quotâ horâ accubitum est? c. Ferè decimâ. v. Quota surrectum? c. Paulò ante meridiem. v. Sedebantnè omnes cōmodè? c. Cōmodissimè. v. Nunc ad rem aggredere. c. Accipe igitur mensa præludia. v. Appone, cùm voles. c. In primis apposita sunt tenella crustula mellita operû pistorii, cum aromatite. v. Optimum sane exordium, & ad conciliandos animos aptissimum. c. Omitte, quæso, istas interpellationes, ne mihi perturbetur memoria. v. Posthac non interpellabo, nisi si quid opus erit requirere. c. Secutæ sunt perna salitæ; bila infumata, lucanica, linguæ bubule sale quoque & fumo indurate, atq; hæc ad excitandam appetentiam, & sitim acuendam. v. Quasi verò nō satis acueretur solis æstu & fervore. c. Sic docti solent facere convivatores. v. Ist hæc audio libenter; præsertim cùm exprimas

omnia propriū & significantibus verbis. Perge porrò. c. Eodem ordine interposita sunt acetaria è lactucis capitatis; avium intestina fixa; minuta alia ex vitulina, cum ovorum vitellis integris. & hæc hæctenus de præludis; qui missus primus fuit. v. Nihil interim bibitum est? c. Indigna homine questio! qui enim vino hic parceres? vix tres & quidem strenuissimi, fundendis potibus sufficiebamus. Sed de potibus agam posterius: sine me cibos expedire. v. Age, sino. c. In secundo missu hæc fere fuerunt: artocrea; pulli gallinacei elixi cum lactucis; bibula; vervecina; vitulina; suilla recens; salsa, jus carniū, ovorum vitellus, croco & omphacio suavissimè conditum; aliquot item juscula ex oleis. v. Hic plus opinor fabulatum, quàm esum fuisse: quia scilicet assa expectabantur. c. Vix mensam attigerant, cum illa tollere iussi sumus. Venio igitur ad tertium missum, in quo assa hæc fuerunt exposita: pulli gallinacei; pulli columbini; anserculi fartiles, & suculi; item cuniculi; armi vervecini: postremo ferina duorum generum, opere pistorio incrustata. v. Quid præterea? c. Hem penè prætermisi; duæ perdices interjectæ cum lepulo; fabæ virides fixæ; & pisa cocta cum siliquis. v. Nihilne pisciū? c. In tempore admones. Erat trutta ingens, quæ divisa fuerat in partes quatuor, præter caudam; prægrandis item lucus, ad eundem modum quadripartitus, taceo minutos pisces, & mediocres, partim elixos, partim assos aut frictos; item caneros fluviatiles, magno omnia numero: sed hæc magis ad ostentationem, quàm ad necessitatem, de iis enim fere nihil gustatum est. v. Vnum mihi videri prætermisisse. c. Quid illud est? v. Nullinè erant intinctus? c. Immo singuli propemodum ferculis addita erant scitissimi saporis embammata, quæ coquus ipse miro artificio concinnaverat. Nec verò defuerunt capparides ex oleo & aceto; mala citrea; oliva conditivæ cum sua muria; acetum rosaceum, & succus oxalidis. v. O quor, & quanta gule irritamenta! c. Adde etiam, corporis, & animi impedimenta. v. Sed quis,

quæ, quæso, fuit ultimus actus fabulæ? c. Tandem, cum jam nec carnes nec pisces ullus ederet; jubei patruus apponi bellaria: in quibus hæc fuerunt præcipua: caseus recens pingvissimus, itemq; vetus multiplex; scriblita; placentula; oriza in lacte cocta, & bene saccharata: persica præcocia; ficus; cerasa; uva passæ; caryote; tragemata serotina; algama multorum generum: & alia, quæ nunc mihi non occurrunt. tanta deniq; fuit omnium esculentorum affluentia, ut mensa ipsa vix sustineret. Quid queris quater aut quinque mutati sunt orbes, & quadrula. Cibos crassos, & duriores magna ex parte integros in culinam referabamus; adeo pauci attingebant, propter delicatiorum copiam. v. Quid confert tanta cibarium abundantia, & diversitas? c. Ad gravandum stomachum, & morbos complures generandos. Sed quid agas? sic fere hoc tempore vivitur. v. Qui talibus viris convivia faciunt, certare videntur de copia, de apparatu, de splendore, & lauticia. c. Et tamen extant inter hujus regni leges quedam ut audiui sumptuaria. v. Silent leges inter convivia; ut obiter è Cicerone detorqueamus aliquid. c. An putas omnes convivas illâ sumptuum immanitate delectari? v. Non puto, nisi fortè sint lurcones, aut asoti, aut Apiciani (ut ita dicam) ventricole. Ceterum, quid est in causa? c. Rogas convivorum non modò stulticia, sed etiam insania. v. Maxima pars hominum morbo jactatur eodem, ut ait Horat. c. Sed nos hanc censuram omittamus, juxta proverbium, Ne sutor, &c. v. Redeamus igitur ad propositum. Quale vinum appositum est? c. Si de colore queris; album, nigrum, fulvum, sanguineum; deq; singulis coloribus vina multiplicia: si de bonitate, omnia fere generosissima: sed imprimis commendabant illud vini genus ex Burgundia, quod vulgò vocatur Argosium. v. Unde hoc petebatur? c. E patru cella vinaria. v. Habetné multum ejusmodi? c. Duos cados vini belvelli: duos item albi limpidissimi. v. Quis fuit prandii exitus? c. Vbi videt patruus convi-

vas omnes penè defessos edendo, bibendo, colloquendo; tunc vinum fundi iubet singulis: omnes ad extremum potum invitat: hinc ordine tolluntur omnia: insternuntur mensis lattora manzilia ex lino tenuissimo: datur aqua odorifera manibus leviter abluendis: ego & patrueli de more Deo gratias agimus; ipse verò patruus clarâ voce agit universo cœtui. tandem primus consul, convivarum nomine, satis accurato sermone publicas agit convivatori: simul objurgat eum, quòd tam magnifico, & sumptuoso apparatu convivatus fuerit. Immo (inquit patruus) mihi quaeso, ignoscite, quòd vos pro dignitate non satis amplius tractaverim. Hic dictis, surgunt è mensa universi: magna pars, vale dicto, statim discedit; ceteri manent, stantes & colloquentes in aula. v. Quid vos interea, qui ministraveratis ad mē jam? c. In culinam ad prandium nos recipimus: corpus illic otiosè & ex animi sententia curavimus. v. Vbi erat interim præceptor? c. Patruus illum seorsum vocaverat ad colloquium. v. Credo, ut te & filium suum de meliore nota commendaret. c. Istud est verisimile. v. Nescis quæ fuerit causa tanti convivii? c. Quid mea scire refert? v. Tanto minus igitur mea. c. Rectè colligis; & sic expectabam. v. Atqui non sum dialecticus. c. Tibi est naturalis dialectica. v. Eandem habent & rustici. c. Sed agè, dic mihi serio: non ego te tractavi magnificè? v. Tali convivio nunquam interfueram. c. Gaudeo stomacho tuo satis esse factum. v. Est Deo gratia, qui dedit nobis otium tam jucundum. c. Surgamus tandem: nam audio pueros à lusu discedere.

COLLOQ: XIX. ARGUM.

De scholastica societate in conferendis merendæ cibis. Auspiciantur merendâ à carmine in Dei laudem. Cura de pauperib. Matrû in filios amor ineptus. Divinare ex conjecturis non est malû. Exhortatio ad divinas laudes, & gratiarum actionem. Notatur voracitas in edendo. Reprehenditur abusus in verborû notione. Latinè loquendi servanda est proprietas. Ex prava institutione vitia contrahuntur. Deteriora pertinacius hærent. Exemplum permissæ hilaritatis in Christianorû conviviis.

PASTORCULUS, POESATUS.

TITURE, qui patula resides sub tegmine mori,

Tunc hinc solus erit tam latus tamq̄. supinus?

POE: O Melibœ Deus nobis hæc otia fecit:

ILLE DEUS MAGNUS, qui nostrum fecit in usum

Omnia dans, propriam cunctis animalibus escam:

Qui mare, qui terras, & quod tegit omnia, cælum

Condidit; ille opifex rerum, qui summus habetur.

PA: Carmina mitte loqui: nunc meliquere Camœnæ:

Est mihi mens alibi, cupio certare merenda.

POE: Sed tamen hæc mecum poteris residere sub umbra:

Namq̄, hic ut cernis, locus est satius amplius utriq̄.

PA: Mittamus ergo versuculos, & merendas nostras confera-

mus. POE: Per me non stabit: scrutemur peras: age, explicatu-

am. PA: Expecta parumper. Dic mihi prius quid habeas in me-

rendam. POE: Panem. PA: Quasi vero sine pane merenda esse

soleat. POE: Ne panem quidem pauperes semper habent. PA: In

tempore admones: ponende erunt reliquie nostra in eorum cor-

bulam. POE: Quid si reliquiarum nihil fuerit? PA: Saltem re-

stabit panis, & hoc satius erit. sed dic tandem num quid habes

opsonis? POE: Etiam dubitas? mater mea nunquam committe-

ret, ut me in scholam mitteret sine aliquo opsonio. PA: Dic er-

go, quid est? POE: Divina. PA: Non sum vates nec velim hanc

merenda horam in nugis terere. POE: Saltem periculum faci-

es, quam valeas conjecturis: qua de re jam aliquid in Rhetoricis

audivimus. PA: Aut caseus, aut caro est residua ex prædio. POE:

Neutrum. PA: Dic sodes: ut accingamus nos operi. POE: Ne te

diutius torqueas: sunt pyra precocia. PA: Ain' tu, res nova: non-

dum hoc anno videram. POE: Vide nunc. PA: Quam matura

sunt! POE: Cur non addis etiam, Quam bona? PA: Sed nondum

gustavi. POE: Satius acutè me reprehendis: Accipe, & gusta. PA:

Papa: quam mitia! quam boni succi. POE: Nonne merito ma-

ximas gratias agere debemus Deo nostro, tam benigno Patri,

qui nobis indignis tot bona tam parva largitur? PA: Qui non fa-

dit, u est profectò ingratiſſimus. POE: Agedum, veſcamur bonis
 ejus cum gaudio, & gratiarum actione. PA: Iam dũdum eſurio.
 POE: Sed tu nullum habes opſonium? PA: Vide fruſtum craſſũ
 vetuſti caſei. POE: Edamus primũmpyra: caſeo claudemus ſto-
 machum. PA: Sed maturemus: ne fortè hora nos opprimat. POE
 Neutrum ceſſare video: certè, quod ad me pertinet, non queo
 comeſſe citiũs. PA: Ne tamen ita devores porcorum more. et-
 quid pudet? POE: Quia dicebas eſſe feſtinandum. PA: Mature-
 mus, dixeram; non autem, Feſtinemus. POE: Ego non adeo ſcu-
 puloſè inter hæc verba diſcrimen facio. PA: Vult tamen præce-
 ptor. ut propriè loquamur. quantum per ingenii captum licebit.
 nam bene loquendo, bene etiam ſcribere condiſcimus. POE:
 Contrà, diligenter ſcribendo, conſueſcimus etiam rectè loqui,
 PA: Hæc duo inter ſe conjuncta ſunt. Sed heu, Otioſè, inquam,
 edamus: ſati habemus temporis. POE: Nonnè tota hæc hora ad
 merendam libera eſt? PA: Hodie quidem libera: ſed tamen de-
 ſinamus, ne panis deſiciat nos, & nihil reliquiſiat pauperibus.
 POE: Eamus ergo ad puteum, ut aliquantũ potemus. PA: Hem,
 verborum proprietate ſemper abuteris. iſtud bibere eſt, non po-
 rare. POE: Quod mihi non parcas, habeo ſanè gratiam. Ex præ-
 va inſtitutione prima, hæc vitia contraxi. PA: Veriſſimè igitur
 Quintilianus dixit, Hæc ipſa magis pertinaciter hærent,
 quæ deteriora ſunt. Meminiſtin? POE: Memini. ſed interim
 jura me, ut hauriamus aquam è puteo. PA: Enitere validiũs:
 nimum me laborare ſini. POE: Tanto bibes jucundiũs. PA: Bi-
 bitum ſati eſt: recipiamus nos in aulam, ne precationi deſimus
 & actioni gratiarum. POE: Tu præcede, dum urinam illuc eo
 redditum.

COLLOQ: XX. ARGUM.

Reprehenditur negligentia in cultu corporis. Excusatur à penuria rei
 numariæ. Verecundia in petendo. Mediocritas & modus. Verecundiã
 ubi ſit utendum. Hominum ſocietas. Abusus in rebus. Hortatio ad pe-
 tendi fiduciam, Exemplum admonitionis liberæ inter familiares.

LEONARDUS, PELLEO.

DEM IROR tuam negligentiam. P. Qua in re tandem? L. Quodd te non curas diligentius. P. Ego verò me curo fortasse nimis. Satis edo, bibo, dormio, quæ est Dei erga me benignitas: præterea pectus capillum; lavo manus, faciem, dentes, oculos, & hæc manè præcipuè: quinetiam, cum tempus postulat, corpus exerceo, relaxo animum, & ludo cum cæteris. quidvni amplius? L. Mittamus ista: non ea sunt quæ in te reprehendo. P. Quid igitur? L. Circumspice vestimenta tua à calce ad verticem, nihil integrum invenies; omnia sunt lacera & obsoleta: ista profectò nequaquam vestrum genus decent. si saltem curares vestitum tuum resarciendum, aut quoquo modo instaurandum. P. Loqueris tu quidem quæ libent. quodd si parentes haberes tam procul remotos, fortasse non esses elegantior. si mihi pecunia suppetere, non paterer me usq; adeo pannosum esse. L. Nec ideo tamen cares negligentia: Cur enim non peti aliunde mutuo. P. Unde peterem? L. Si non aliunde, certè à præceptore posses. P. Quid si dare nollet? L. Nemini denegat ex discipulis domesticis, si quidem videt opus esse. P. Id ego non ignoro: sed sum verecundior, quàm ut audeam ex eo petere. L. Ah: rusticus est iste pudor. P. Malo tamen verecundus esse, quàm impudens. L. Verecundia (ut dixit quidam) est bonum in adolescentè signum: sed ubiq; adhibenda est mediocritas. P. Ego eo sum ingenio, ut semper verear offendere quempiam. L. Ingenium laudo; sed est modus in rebus. Nam ille offendendi metus, habere locum debet in rebus turpibus, aut certè indecoris; hinc verò nihil tale video. Est enim usitatum in hominum societate, ut alii aliorum operà indigeant. Quis igitur mihi vitio dabit, si quid ab amicis aut commodatò petam, aut mutuo? P. Nemo reprehēdet, nisi fortè rebus ejusmodi abuti velis. I. Tu verò (quantum ego te novi) abuti nolles. P. Apage istum abusum. L. Quid ergo jam obstat quo minus petas? præsertim ab homine facillimo, tu-

mo, cuiq; (ut apparet) amantiſſimo? P. Age, peram: ſed per epiſtolium: quod ut reddas, tibi dabo. L. Reddam proſectò libentiſſimè, teq; illi commendabo diligenter. P. Equidem non parvam tibi gratiam habeo, quod me tanti feceris, ut ad hanc fiduciam hortarère. L. Nunc reſtat ut ſcribas quod dicitur epiſtolium: reliqua mihi committas. P. Bene veritas Deus quod capimus. L. Ne dubites: res proſperè ſuccedet.

COLLOQ: XXI. ARGUM.

Exemplum rariſſimū adolescentis, qui ultro querit in ſchola habitare.

CAVELLUS, QUERCETANUS.

NESCIS quid mihi hi diebus in mentem venerit? Q. Quid iſtuc quaero? C. Cogito in gymnaſium me recipere. Q. Quid in gymnaſium: habitandi cauſa? C. Non ut inquilinus habitem: ſed ut vobiscum vivam in menſa præceptoris. Q. O utinam iſtud ex animo ac verè diceres. C. Ex noſtra mutua conſuetudine atque amicitia deberes ſatis intelligere, me nihil apud te neq; ſimulare neq; diſſimulare ſolitum. Q. Planè iſtud jam pridem intelligo, ſed audio; ex iſto verbo me rapuit affectus in eam exclamationem: ita prorsus oblitus eram mei. C. Non aliter dictum tuum accipio, ſed ad rem. Pater quidem non cogit me: ſed ex vultu, & verbis ejus ſatis video id illi placere maximè. Q. Nempe hoc illud eſt: novit pater tuus, vir prudentiſſimus, liberalia ingenia cogi nolle, duci facilè. Sed tamen non dubito id fieri divini inſtinctu numinis. tu verò quid judicas? C. In eadem ſum ſententia; præfertim cum ego quoq; in eam partem ſponte propendeam. Q. Magnum argumentum, iſtud eſſe ex Deo conſilium. C. Id ego crediderim. Nam qui ad eam rem coguntur à parentibus, fere querunt ſubterfugia, quibus detrectent imperium. Q. Ego (ut fatear ingenuè) aliquando idem in me ſum expertus; antè, ſcilicet, quam ingreſſus eſſem. Quid enim cenſes? audiebam ex iſtu Satanae mancipio tot maledicta, tum de præceptore, tum de diſciplina, ut mihi viderer carcerem aut

piſtri-

pistrinum ingredi verius, quàm gymnasium. Quod si tu quoque
 in aliquam ejusmodi pestem incidisses, non dubium est, quin illi
 manibus, pedibusq; obnixè conatus esset abstergere te ab isto
 tam sancto proposito. c. Nemini adhuc palàm feceram. Q. Quod
 mihi dici, non est palàm facere. c. Satis scio: sed mihi istud ex-
 cidit ex Terentio. Nunc pergamus ad reliqua. Q. Quid restat,
 nisi ut Deum preceris; & pergas naviter in sententia? c. Au-
 dies. De quotidiano victu in vestra mensa, de præceptoris &
 hypodidascali familiaritate in audienda prælectionum repe-
 titione; de facilitate præceptoris in ipso convictu, de illo à cœna
 placido studiorum certamine, de libertate colloquendi per oti-
 um, de honestis rebus, de libera inter vos reprehensione, de his
 inquam omnibus satis multa narraſti mihi aliàs, que quidem
 valde placent omnia: mihi tamen nihil videtur utilius, quàm il-
 la perpetua Latinè loquendi exercitatio. quis enim major est
 studiorum fructus; quid honestiùs? quid jucundum magis? præ-
 fertim ubi alius alium sine odio, aut invidia liberè reprehendat.
 Q. Quid, quòd victi in earum rerum certamine, pudore
 tantùm puniuntur; victores etiam premio donantur? c. Omnes
 deniq; vestrae exercitationes, vel auditu ipso me delectant mi-
 rificè. Q. Quanto magis illud diceres, si videres ista; si, dum ge-
 runtur, interesses? c. Ego (Deo volente) interero. Q. Utinam
 propediem. c. Ita spero quidem. unus tamen restat mihi scrupu-
 lus, quo me facile (si voles) liberabi. Q. Faciam bonâ fide, si po-
 nero. sed interim vide ne nodum in scirpo queras; ut ante a vidi-
 mus in Terentio. Agè; quid tandem scrupulus iste est? c. Suspe-
 cta mihi est vestra disciplina scholastica: non quòd velim ob id
 incepto desistere; sed ut alacriùs veniam, & jucundiùs, ubi ea
 de re te audiero. Q. Nisi tu is esses, qui (ut ego novi) me nec va-
 num, nec mendacem existimas, equidem malle de hoc omni-
 no tacere, quàm ea tibi referre que sentio. c. Quid ita tandem?
 Q. Quia difficile est ea verisimilia facere, quanquam alioqui
 verissi-

verissima; cum de his vulgus hominum pessima quaeque dicat, &
 iudicet. c. Quorsum istud quaeso? Q. Nam improborum menda-
 cius adeo male audit nostra disciplina inter istos idiotas, ut mi-
 rum sit, unum aliquem habitare in schola nostra velle: tametsi
 (quod opus Dei) quo pejus audimus, eo plures ad nos conveni-
 unt. c. Nihil opus est tam longâ insinuatione: dic mihi planè o-
 mnia: ne timeas, non me absterrebis, omnia percepi atq; animo
 mecum ante peregi. Q. Adverte igitur animum. dicam brevif-
 simè quicquid alicujus esse momenti videbitur. In primis, illud
 velim tibi persuadeas, praecceptorem esse nobis multo humanio-
 rē, quàm in schola palàm appareat, tam enim familiariter ver-
 satur inter nos, quàm prudens pater solet versari inter liberos.
 Cur igitur (inquier) est palàm tam severus? Respondeo: quia
 sine tali severitate (ut ex ipso audiui, cum aliquando familiari
 cuidam narraret) tanta turba scholastica, tamq; variis moribus
 praedita, nec coerceri, nec in officio contineri posset, suo enim
 quisq; more, suo quisq; arbitrato vellet vivere. c. Quinetiam
 miror ego mecum sapissimè, tantam esse in tota schola reveren-
 tiam, tantum silentium, tantam denique modestiam. Q. Multo
 magis mirarère, si unquam vidisses scholas paganicas. c. Vidi
 aliquando atque consideravi diligenter, plus est silentii in gy-
 mnasio nostro sexcentario, quàm quoadraginta puerorum, immo
 triginta in istis scholis trivialibus. Sed perge, quaeso: vereor ut
 sis orator Arianus, jam enim incipit oratio tua quasi longius ab-
 errare. Q. Atqui etiam interpellas ipse. c. Nihil extra propo-
 situm dixi, sed nunc proseguere. Q. Vñ in summa dicam tibi
 Disciplina haec domestica, licet paucis improbis odiosa videatur;
 bonis tamen, & studiosis, propter utilitatem valde placet. Nam
 si domus esset dissoluta; quid nobis tuum foret contra lascivo-
 rum, & petulantium insultus? quae nobis quies? quae studiorum
 tranquillitas? Itaq; disciplina ipsa veris studiorum amatoribus
 est perfugium, & quasi propugnaculum, non secus ac navis

portus in tempestate. denique quisquē est inter nos pacificus & ad rectē semper agendum paratus, is est à disciplina tutissimus. Nec verò id agit præceptor, ut nos plagis & verberibus trahat ad literarum studia: sed nos potius inducere nititur hūmaximē rebus; honestā & liberali tractatione; benevolentia; humanitate; facilitate morum; beneficiis; deniq; virtuti, & studiorum amore. ex quo fit, ut major pars nostrū sic affectā sit, ut illi ex animo parēre studeat; eum caveat offendere, eum tanquam parentem diligat, observet, revereatur. c. Alioqui discipulorum officio non fungere mini. Q. At sunt quidam verberones, qui nec Deum, timent, nec parentes, nec verbera; qui & literarum studia oderunt cane pejus, & angue; ut verbis utat Horatii. talibus (inquam) severa interdum adhibeatur disciplina: quia videlicet necessitas cogit. c. Sat habeo, nunc enim video quorsum spectet vestrae disciplinae severitas. Q. Nimirum, ut mores bonos tueatur; malos autem ut corrigat, aut expellat. c. Ego disciplinam istam sanē deosculor; tantum abest ut reformidem. Te autem, mi Quercetane, amo equidem de ista loquendi libertate, quā mihi stimulos acriores addidisti. Q. Ego verò immortales gratias ago patri caelesti, qui tibi mentem bonam dederit & sincerum iudicium. c. Vale igitur; & me (si Dominus permiserit) expecta in proximam hebdomadem. Iterum vale, & inceptum nostrum tuis precibus CHRISTO commenda etiam atq; etiam. Q. Precor tibi noctem quietam, & somnū placidum.

COLLOQ: XXII ARGUM.

EXEMPLVM fidelis amicorum consilii in adversis rebus.

FLORENTINUS, BASILIUS.

QUID est quod ita te tristem video? B. Me miserum! vix sum compos animi; ita sum timore perculsus. F. Quid (inquam) istud est? B. Præceptor nos deprehendit. F. Qua in re? furtone? B. Ab: minimē gentium. F. In quo igitur? B. In secreta compositione. F. Indignum facinus. B. Heu me miserum! quid agam?

Ab:

Ab: ne te afflictus tantopere: qui aderant tecum? B. Fluvianus,
 & Forensis. O perditos qui me hac impulerunt! F. Vbi id factum
 fuit? B. In cubiculo Fluvianis; quod utinam hodie è lecto non sur-
 rexisset. F. Quomodo tandem deprehensi estis? non erat obser-
 vatum cubiculum? B. Immo erat. sed (ut scis) preceptor claves ha-
 bet omnium conclavium. præterea putabamus illum in conven-
 tum doctissimorum quorundam virorum accessisse: alioqui pes-
 sulum obdidissemus ostio. F. Pecumq; res habet, Deo permittente
 accidit. B. Sic omnino sum persuasus. sed ferè ita solemus no-
 stra omnia, sive bona sive mala, vel prudentia nostra attribue-
 re, vel imprudentia. F. Quâ occasione computationem istam ac-
 ceperatis? B. Illi duo (quod satis nosti) non sunt convictores. F.
 Quid tum? B. Domo allata fuerant eis ad victum nescio qua
 cupedia; quæ utinam in via perisissent. F. Sed noluit Deus. per-
 ge. B. Et quia illos interdum per otium doceo, heri post cœnam ad
 istas epulas me invitârunt in hodiernum jentaculum. F. Tibi in-
 faustum jentaculum. sed quid? eratné caninum? B. Immo plus
 satû erat vini. habent enim vini doliola in cella præceptoris. F.
 Quid præceptor, ubi vos sic epulantes vidit? an non excanduit
 gravissimè? B. Nihil prorsus commotus est: sed subridens, Vo-
 lo (inquit) esse de isto symposio, si placet. F. O molestum convivâ!
 quid vos? B. Attoniti omnes obmutescimus. nam eo dicto, statim
 se proripuit. F. Omnia signa video hic esse pessima. B. Quis ita nõ
 iudicet? F. Oportet præceptorem alicunde rem olsecisse. B. Suspe-
 ctus est mihi quidam, qui nos indicaverit. F. Quem suspicavus? B.
 Dicam tibi post rei exitum. F. Quod invenietis huic malo re-
 medium? B. Nescio. valde stupemus omnes; tametsi duo illi con-
 vivatores mei nihil videntur esse solliciti: habent enim in prom-
 ptu causam. F. Quid tandem causari queunt? B. Iveramus jen-
 tatum, inquit; quia manè, cum ceteri jentarent, eramus
 cum parentibus, qui heri nobis attulerant alimenta. F. Istud
 quidem est aliquid: sed non tamen sic pœnas evadens. B. Cur
 non?

non? F. Quia id fieri debuit in triclinio palam; non autem clanculum in cubiculo. Illud etiam causam gravabit, quod te, cum sis convictor, quasi ad crapulandum abduxerint; quod quidem ipsi preceptoris est maxime odiosum. tua tamen causa est longe pessima. B. Cedo igitur; quid faciam, mi Florenti? F. Age, conferamus consilia; quibus (si fieri potest) absolvari. B. Nihil est quod à me expectes in eo genere. Neque enim consilii locum habeo, neque ullam remedii copiam. Sed tu (obsecro) explica vires ingenii tui ad me cito juradum. Animus pendet mihi: instat poena, satis vides ea, nisi quid impediatur, post coenam exigetur. F. Id nequaquam fiet. cum enim crimen publicum non sit, non erit poena publica. B. Sive publice sive privatim id futurum est, non differetur. F. Recte judicas. B. Id causa est, quam ob rem nunc ad opem tuam confugerim: quod si me deseru, actum est: dabo poenas gravissimas. F. Ad Deum potius confugiendum fuit; sine quo rari valet consilium: à quo item salus omnium & petenda, & speranda est. B. Res est manifesta satis: & ego priusquam te adirem, non pretermisi precandi officium: sed tamen vult ille pater clementissimus, ut iis utamur auxiliis quae nobis offert ipse, & quasi in manum dat. Quare te oro per nostram ardentissimam necessitudinem ut consilio tuo nunc mihi succurras. Hic non est cessandi, aut tardandi locus. huc igitur vires tuas intende. hanc causam suscipe obsecro. F. Quandoquidem sic instas, ut vim adferre quodammodo videaris, dicam ex animo & verè, quod sentio, Nostri preceptoris ingenium? B. Novi (opinor) ex parte aliqua. F. Ergo memoriâ tenes, nihil esse illo clementius, iis quidem, quos videt summissos esse, & culpam ingenuè confiteri: superbi autem, & contumacibus vix aliquid potest ignoscere. B. Ego me ista non semel observavi. F. Scin igitur quid facies? B. Dic mihi queso. F. Dum tua res adhuc integra est, tibi suadeo, ut hominem solus adeas in museum, & orationem habeas in hanc sententiam: En ego, preceptor humanissime, graviter peccavi,
fateor:

fateor: sed (ut scis) prima est noxa quam admiserim. nunquam enim antea quicquam admiseram quod flagrudignum videretur. Quamobrem, clementissime præceptor, hanc primam culpam (si tibi placet) pristinae integritati meae condonabis. Quòd si unquam posthac recidero, causam non dico, quin plectar severissime. Hac aut simili oratione illum (ut spero) exorabû. B. O consilium prudens, & opportunum! F. Vere, si tibi videatur, tale certè est, quale mihi dari vellem in ejusmodi malo. B. Sed unum restat, de quo sum sollicitus. F. Eho quid restat? B. Non poterò tam breviter, & commodè dicere in conspectu præceptoris quàm tu nunc dixisti. F. Non debes ad eò de verbû meû esse sollicitus; modò teneas sententiam. B. Propemodum teneo. F. Bene habet: scribe nunc crasso modo ut poteris: deinde conferemus unà: postea edisces ad verbum diligenter. B. Hoc nihil est neque tutius, neq; certius. sed quò tempore censes illum adiri posse opportunè? F. Cùm primùm videbû eum à prandio se recipere in bibliothecam; aut si fortè (ut solet) ambulatum in horto solus invenit, tunc illum statim sequere. B. Quonam ut ar exordio? F. Nò opus est alio quàm quo apud illum uti solemus omnes. B. Quod est illud? F. Præceptor, licetnè pauca? B. Bene vertat Deus omne consilium tuum. Nunc eo scriptum quod dixisti: deinde te revissam. F. Matura: nam instat hora prandii.

COLLOQ: XXIII. ARGUM.

Quidam consolatur amici desiderium, ac dolorem de patris absentia. Exemplum charitatis in afflictis consolandis.

AMBROSIUS, GRATIANUS.

SUBTRISTIS mihi videris, Gratiane: quid rei est? G. Dies noctesq; de patre absente cogito, & ob eam rem interim maerore conficior? A. Quàm pridem abest? G. Quatuor adhinc menses. A. Nihil ad vos interea scripsisti? G. Ex quo discessit, ne verbum quidem audivimus. A. Fieri potest ut scripserit, sed ut littere interciderint, aut fuerint interceptæ. G. Quod dicis, verisimile est.

mile est. Nam antea. ubicunq; esset, solebat nobis scribere. A. Nonne hac aestate iverat Lutetiam? G. Eo certe consilio tunc sese in viam dederat. A. Confido saluum esse. G. Ego quoque non diffido. sed non ideo meus allevatur dolor. A. Quid ait mater? G. Fere semper lamentatur: inde fit ut mihi duplicetur aegritudo. A. Sed tamen non usque adeo te macerare debes. potius enim de illo bene sperare oportet, quam te sic macerare. Quid enim sunt quatuor menses? quotula est pars eorum qui tot annos domo absunt, interim jactati per varios casus, per tot discrimina rerum? G. Sed quid me consolantur aliorum casus, & pericula? A. Sed vide tamen ne sis nimium delicatus, qui patris desiderium tantillo tempore ferre non queas. G. Ferrem equidem aequo animo, modo illi bene esse saltem intelligerem. A. Cui potest esse male, qui in Deo spem omnem collocavit? sive enim vivimus, sive morimur, Dei semper sumus, ut D. Paulus ait. G. Nihil dubito istud esse verissimum. sed ea est carnis hujus infirmitas. A. Quid faceret igitur, qui in Christo spem nullam habet? G. Nescio. A. Sed cave tamen ne ista tua impatientia Deus ipse offendatur. G. Delictum meum subinde agnosco, & supplex imploro veniam. A. Facis ut debes. Sed audi, quaeso, quid mihi nunc in mentem venerit. G. Quid istud est? A. Quid si pater tuus navigaverit in Lusitaniam negotiandi causa? illic enim nunc est libertas maxima. G. Quam libertatem dicis? A. Navigationis, quae illic est tutissima. G. Ain tu igitur pacem nunc esse in Lusitania? A. Certa res est. G. Atq; bellum profligatum? A. Omnino. G. O auditu jucunda evangelia! A. Immo jucundissima. G. Sed unde scis ista? A. Vnde sciam, rogas; miror ego te ad huc ignorasse quod in ore est omni populo. G. Mirari desines si scias ubi nos habitemus. A. Vbi quaeso? G. In angulo totius urbis remotissimo. A. Atqui putabam vobis esse domicilium in vico ad Molaridum. G. Iam ante migraveram, quam peregere pater esset profectus. A. Quod igitur ignorabas, nunc habeto certissimum.

utq; magis credas, hoc audi præterea: major pars Lusitanorum, qui ob bellum in hanc urbem, tanquam ad asylum sese receperant, in patriam remigrant jam ante dies quindecim. G. O mi Ambrosi, quantum me isto nuncio de Lusitanicis rebus hodie recreasti! qualem adhibuisti meo dolori medicinam! A. Sic solet Deus noster suis adesse in extremis angustiis. G. Mirum ni pater est in Lusitania. jam pridem enim sæpius querebatur quod non esset tutus illuc accessus ad mercaturas obeundas. A. Quin etiam Lusitanus quidam, homo neq; levis neq; nugator, narrabat his diebus patri meo, se litteras certas illinc accepisse, in quibus hoc erat inter cætera, omnes undiq; ob belli timorem profugos, in ipsa Lusitania excipi humanissimè, tractariq; benignissimè. G. Quid est igitur quod amplius dubitemus? A. Nulla (ut audis) restat ea de re dubitatio. G. Tantum superest, ut inprimis Dei optimi maximi bonitatem extollamus quantà possimus laude & gratiarum actione: deinde sedulo atq; assidue precemur; ut sua beneficia non modò confirmet, sed etiam in dies magis ac magis augeat. A. Igitur, mi Gratiane, memineris patri salutem ipsi Deo sæpiissimè commendare, idq; votū, & precibus ardentissimis. G. Vtinā ille suo spiritu sic afficiat animum meum, ut ex imo pectore ejusmodi preces effundere valeam, quas ipse dignetur exaudire. A. Votum sanctissimum; modò (quod quidem credo) ex animo profectum. G. O mirabilem consolatorem Deum nostrum! O quantum valet in adversis rebus veri amici consilium, & consolatio. A. Sed quid nunc ū? G. Domum rectà propero, ut hæc matri quamprimum nunciem, atq; ejus animum omni expleam gaudio. A. Faxit Deus, ut illa serio exhilaretur. G. Ita precor.

COLLOQ: XXIIII. ARGUM.

De exercitationibus post vacationem scholasticam revocatis. De classium probatione ante promotiones. De spe præmii. De eadem in adversis rebus. De fructibus autumnalibus. De maximo vini proventu. De abusu vini in summa copia. De admonitionum contemptu. De iis qui se dociles præbent ad verbum Dei audiendum.

DESSYNGÆUS, IONAS.

SALVE, Iona optatissimè. i. Salve & tu vindemiator jucundissimè. D. Quomodo se habet schola? i. Optimè. D. Iamné radierunt multi? i. Vix quarta pars nunc abest. D. Quid agitur? i. Docetur, legitur, scribitur, repetitur. D. Ista sunt generalia, & quotidiana. sed quid fit in nostra classe? i. Idem quod fit in cæteri: & quod fiebat ante vacationem. D. Ergoné jam seriò habentur prælectiones? i. Iam abhinc octo dies. nam quid aliud fieret? D. Solebamus per aliquot dies exerceri in repetendis que antea didiceramus. i. Tribus diebus totum nihil aliud actum est. D. Quid probatio? jamné incepta est? i. Hui, incepta! prope modum finita est. cras sexta classis interrogabitur. D. Me miserum! exclusus sum à præmio. i. Etiamné præmium sperabas? D. Quidni sperarem? unicuiq; sperare licet, præsertim studioso. i. Malim ego nihil sperare. D. Quid ita? i. Nam si nihil contigerit, nulla mihi erit frustratio, neq; molestia; sin consequar aliquid, id ego lucro deputabo. D. Nunquamné legisti, Vivere spe vidi, qui moriturus erat? i. Immo verò legi, & memoriâ teno: sed hic nihil ad propositum. D. Cur non? i. Quia illic loquitur Ovidius de spe illa que in rebus adversis retinenda est: quem sensum expressit Cato noster hoc disticho:

Rebus in adversis animum submittere noli.

Spem retine: Spes una hominè nec morte relinquit
 D. Tu igitur nihil speras? i. Spero vitam eternam. D. Dicebas modo sperandum esse in adversis rebus; que tibi sunt adversa? i. Ea que me oppugnat quotidie. D. Que tandem sunt illa? i. Propria caro, Satan, & improbi homines. qui me injuriis afficiunt. D. Ex quo tempore factus es theologaster? i. Nec sum theologus, nec theologaster; sed quod dico, id ego didici è sacri concionibus. D. Laudo equidem. sed agè, dic mihi seriò, estné acta classis nostræ probatio? i. Iam tibi seriò dictum puta. D. Dolet mihi non interfuisse. i. Citius venisses. quid agebas? D. Mater me coegit

vindemie exitum expectare. I. Credo : sed tuâ voluntate co-
actus es. D. Ut satear ingenue, libenter expectavi, sed quid agas,
Homines sumus, ut ajunt. I. Immo pueri. D. Sed vix credas,
quàm sit jucundum rusticari; præsertim ubi tanta est omnium
fructuum affluentia. I. Estne vobis magnus vini proventus? D.
Tantum profectò, ut majorem vidisse non meminerim. I. Quid a-
junt rustici in hac tanta ubertate? D. Nihil aliud quàm potati-
ones & crapulas crepant: quin etiam vino tam perinde abutun-
tur, quasi aqua fontana sit. I. Ea est stulta plebis dementia, ut
Dei beneficii nunquam rectè uti sciat. D. Scilicet istud est quod
dicitur, Nunquam sapiunt stulti, nisi in angustiis. I. Ergo
plectuntur meritò. Quid quod admonitiones etiam irrident?
I. Sunt qui nullam omnino ferre possunt: qui bene & comiter
etiam monentibus irascuntur. D. Audi aliquid gravius; fuerunt
qui mihi verbera minarentur, cum eos humanissimè admone-
rem. I. Istud mihi novum non est, nam & quidam mihi aliquan-
do pugnum intentavit: quod nisi veritus esset mei patris aucto-
ritatem, profectò vapularem acerrimè. D. Sed omittamus eos,
quia stulti sunt, nec tamen se tales esse intelligunt. jactant se
probè callere, quid sit sapientia, cum reverà sapientia adver-
sentur. I. Si verbi divini ministros & pastores suos non audiunt;
quò putas fieri posse, ut nos audiant? D. Sequamur ergo quod præ-
cepit Christus, Nolite sanctum dare canibus. I. At sunt
quidam simplices & benevoli, qui auditione verbi divini mi-
rum in modum delectantur. hi sunt, quos docere est jucundissi-
mum. D. Quàm gaudeo quoties in tales incido: ut ego illos com-
plector libenter! I. Nec immeritò. nam ubi eos docueris, tum
demum fruèris laboris tui fructu, non sine voluptate maxima.
D. Sed nos quid cogitamus? non vides ut nox ferè nos oppresse-
rit? I. Discedemus igitur; & cras (si Dominus permiserit) plu-
ribus verbis agemus unâ de studiis alacriter repetendis.

COLLOQ. XXV. ARGUM.

De moribus adolescentis ingenui tam absents patre, quàm præsentis.

De quarto Decalogi præcepto. Locus Pauli de honore liberorū erga parentes. Exemplum simulatæ repugnantia ad eliciendum colloquium.

RUFINUS, SILVESTER.

PA T E R tuus (ut accepi) rediit è Gallia. s. Rediit sanè. R. Quando? s. Die luna vesperi. R. Adventus ejus non tibi molestus fuit? s. Quid, molestus? immo verò jucundissimus. sed cur istud rogas? R. Quia forsitan illo absente liberiùs vivendi tibi est potestas. s. Nescio quam mihi libertatem narres. R. Potandi, ludendi, cursitadi. s. An igitur putas me nihil aliud agere dum pater abest? R. Ferè solèt omnes. s. Dissoluti quidem. nam, quod ad me attinet, absente patre sic vivo, ut eo præsentè. non poto, sed bibo quantum satù est: ludo cum tempus id postulat: non discurro, sed cum bona matris venia in publicam prodeo, cum aliquid habeo negotii. R. Etiamné matris tantopere subditus es? s. Æquè ac patri. quid enim putas? nonné de utroq; æquale est præceptum Domini? Honora (inquit) patrem tuum, & matrem tuam. Quid Ethnicus ille auctor distichorum moralium? Dilige non ægra charos pietate parentes: Nec matrem offendas, dum vis bonus esse parenti. Quid Divus Paulus? Filii obedite (inquit) parentibus in Domino. Nonné parentis nomine pater, & mater continentur? Quinetiam, si quod esset reverentiæ dūcrimen videremur optimo jure plus debere matribus; ut quæ dolores tantos ac labores propter nos pertulerunt. R. Novi ego ista: & quæ dixisti placent mihi omnia. s. Cur ergo mihi repugnabas? R. Ut eâ quasi repugnantia, nobis accerserem sermonis materiam. nam (ut tute nosti) præceptor sæpe nos exhortatur, ut nostrum otium in ejusmodi sermonibus impendamus. s. Bonum sanè otium, quod honesto in negotio consumitur. R. Huc pertinet illud Africani apophregma; qui dicebat, Se nunquam minùs otiosum esse, quàm cum otiosus esset, ut ex Cicerone didicimus. s. Sed jam tempus monet, ut huic sermoni finem imponamus. R. Rectè mones. fortasse enim

zua causâ cœna tardatur domi. s. Plura (si Dominus permiserit) in proximo congressu. R. Precor tibi noctem prosperam. s. Et ego tibi placidam per membra quietem.

COLLOQ: XXVI. ARGUM.

De negligentia quidam admonetur. Admonitio ad somniculosos præceptorum moralium usus. Quotidie proficiendum. Vicia naturalia. Armis spiritualibus pugnandum cum vitiis.

NOMENCLATOR, DESIDERIUS.

NON satû mirari possum te non esse diligentiorẽ. D. Quã in re tibi videor negligens? N. Quod manẽ fere nunquam ades in tẽpore: atq; inde fit, ut penẽ quotidie noterû in catalogo. Cur tu es adeò somniculosus? D. Mea sic fert natura. N. Corrige naturam istam; hoc est, natura vitium. quid tibi profuit Catonis nostri dictum? D. Quodnam quaeso? N. Plus vigila semper: nec somno. D. Ne plura: ego probẽ memini. N. Nihil prodest meminisse, nisi ad usum tuum accomodes. D. Utinam & hoc, & alia præcepta salubria itã facile ad benevivendi usum transferremus, quã ea facile ediscimus. N. Ut verum fatear, præcipere quã prestare multò est facilius. sed tamen eniti debemus, ut vel monitis, vel precibus proficiamus aliquid, & in dies evadamus meliores. D. Qui id non facit, ejus salus desperanda est. sed nihil difficilius emendatur, quã naturale vitium. N. Omnia fere vicia nobis sunt naturalia: & nisi Dei bonitas serparet nos, essemus omnes sceleratissimi. D. Quid igitur faciendum? N. Fortiter cum vitiis nostris pugnandum est. D. Quo duce? N. Ipso Deo. D. Quibus armis? N. Divinis & spiritualibus. D. Vbi tandem inveniuntur? N. In epistola sancti Pauli ad Ephesios. D. Quoto capite? N. Sexto. D. Quid si locû per me non intellexerot? N. Non omnino intelliges, satû scio: sed præceptor erit consulendus. D. Quid si mecum adfueris? N. Adesse volo; certum est: verum captanda erit opportunitas. D. De hoc igitur aliàs consultam capiemus. N. Quando istud erit? D. Proximo die Mercurii; si tibi ita videatur. N. Quotã horã? D. Post meridiem primã. N.

Placet sententia. D. Nunc igitur discedamus.

COLLOQ: XXVII. ARGUM.

Non est malum malo, sed bono malum compensandum.

TRAPEZITA, RÆMUNDUS.

LICET NE malum malo rependere? R. Cur istud queri? T. Ut iis respondere possim, qui hac in re mihi contradicunt. R. Bre- viter interrogasti; respondeo brevissime: Non licet. T. Cur non? R. Quia vetuit Christus, & post eum Apostoli. T. Quid igitur faciendum est? R. Malum bono compensandum. T. An non satius est bonum bono rependere? R. Non satius, Christiano quidem. T. Quam obrem? R. Nam Christianum oportet Christum praeceptorem imitari. T. Quid fecit Christus in eo genere? R. Sanavit eum qui ipsi colaphum impegerat; precatus est pro iis qui ipsum in cruce sustulerant: alia item multa fecit ejusmodi. Nihilne igitur facit qui gratiam pro gratia rependit? R. Tantum facit quantum faciunt Ethnici. T. Quid illi faciunt? R. Amicos diligunt, et referunt gratiam à quibus acceperunt. T. Nihilne amplius? R. Nihil. nam quid amplius expectes ab illis, qui verum Deum non noverunt? T. Quid faciunt inimici? R. Quibuscumque modis possunt, eos persequuntur. T. Estne Christiano peccatum. R. Si non licet, (ut jam tibi probavi) concludere, id peccatum esse. T. Atqui (ut vulgo dicitur) Vim vi repellere licet. quam sententiam novus quidam poeta etiam lasius interpretatus est his verbis, Pellere vim vi Iura sinunt, & vulnere vulnus. Quid ad hoc respondes? R. Istud quidem permittunt Ethnicorum leges: sed lex divina longè aliter loquitur. T. Quid est divina lex? R. Idem quod Dei verbum. T. Quicquid ergo sit contra Dei verbum, estne peccatum? R. Proculdubio peccatum est. T. Potesne ista probare ex divinis literis? R. Nihil facilius, quidni possim? T. Adfer mihi (quæso) sententias. R. Non credis id quod est omnibus in confesso? T. Imo verò iudabit antè credo. R. Quid igitur opus est testimoniis? T. Ut contradicentibus certo respondere possim.

sim R. Rectè intelligi, sed quia non posses ex tempore memoria mandare, expecta dum tibi describam in chartula, in qua etiã sit locorum annotatio; ut possis, quibus voces, etiam digito demonstrare. T. Optimum ex tempore consilium. quanto istuc mihi commodius fuerit! sic enim per otium ediscam, ut ad manum habeam quoties erit opus. Sed quando mihi dabis? R. Cras (si libet) huc ad me revertere. T. Quotã horã? R. A meridie primã. T. Sat habeo: interea vale. R. Te seruet Dominus Deus.

COLLOQ: XXVIII. ARGUM.

Simulatione quadam hic quæsitum est colloquendi argumentum. Lex scholastica, ne pueri res suas alienare audeant. Christi exemplo aduersa ferenda propter ipsam. Nisi divini Spiritus auxilio, nihil fieri potest boni. precibus autem illud est impetrandum.

GRIMONDUS, BLEVETUS.

Vis emere hoc cingulum? B. Cur emerem? unum mihi satũ est, tu verò cur vñ vendere? G. Quia sunt mihi duo. B. Nec tamen licet ut vendas, nisi vñ in pœnam incurrere. G. Quid vetat me vendere res meas? B. Nihil adhuc tuum habes. G. Eho, nihil, unde probas istud? B. Quia nondam es tui juris; sed sub patris potestate, deniq; vñ audire breviter tibi istud non licere? G. Maximè velim. B. De hoc lex est scholastica: cuius hæc est sententia, Pueri, in iussu parentum, nec vendant aliquid, nec emant, nec permutent, nec alienent quovis alio modo. Qui contra fecerit, verberibus plectetur. G. Istud ego nõ ignorabam; sed volebam periculum facere. an constans esses in observandis legibus? B. Tu igitur es simulator? G. In hac simulatione nihil video esse mali. num tu interpretarũ male? B. Minimè verò: nihil enim nocuisti mihi. G. Quid si nocuissim? B. Tulissem æquo animo; ut Christianum decet. G. Vtinam aduersa omnia sic feramus propter Christum, qui nihil non tulit salutis nostræ causã. B. Feremus certè, si exemplum ejus semper nobis proponamus ob oculos. G. Difficile id quidem est. B. Immo impossibile, nisi illius spiritu semper adjuvemur; quod qui-

dem

dem assiduū precibus est impetrandum. G. O quā suavi sermone tantillum otii consumpsimus.

COLLOQ: XXIX. ARGUM.

Non est mentiendum, ne in rebus quidem levioribus, apud Deum.

SARTOR, ODETUS.

ECQUID hodie precatus es domi. O. Cur queris istud? s. Quia non interfuisti matutinae precationi. O. Qui scū? s. Observavi. O. Atqui tu non es observator. s. Non sum. O. Quamobrem igitur observabas? s. Quia mihi es carissimus. O. Quid tum? s. Dolet mihi, si vapulabis. O. Quid? an ego notatus fui? s. Etiam. Dubitas? O. Cū recitaretur catalogus, nemo me excusavit? s. Nemo, quod sciam. O. Si me tantopere amas (ut dicit) cur tute non excusasti me? s. Quid causa dixissem? O. Commentus esses aliquid. s. Ergo mentitus essem. O. Quid inde? s. Sed ex verbo Dei mentiri vetitum est. O. Fateor: sed erat leve mendacium. s. Nihil leve judicandum est quo Deus offenditur. O. Negare istud non possum. Quid igitur restat? s. Illud restat, ut neque delectemur peccatis; neque in his persistamus; neque malitiosè scienter, & de industria peccatum committamus. Sed de his aliàs pluribus. nunc agamus quod instat. O. Quid istud est? s. Audin' tu ad cœnam signum dari? O. Bonum signum nuncias. jam sentiebam esuriem. s. Nimirum, quia merendam prætermisisti. Utinam ea tam facile semper abstinere possem, quā hodie carui libenter. s. Ego verò non libenter careo, nisi occupatus necessario negotio.

COLLOQ: XXX. ARGUM.

Confabulatio de profectiois in Italiam causa. Locorum fama, & rerum novarum cupiditas nos inducunt ad peregrinandum. Laus Itallæ vini Italici præstantia. Dei laudandi materia ex ejus beneficiis. Amavit nos Deus usque ad delicias. Humanæ cogitationes nos à divinis rebus avocant. Humana inconstantia. Roma olim mundi caput dicta, & postea, ac nunc, veræ fidei & sanctæ religionis magistra.

PHRYGIO, STEPHANUS.

SALVE ambulator optatissime. s. Et tu salvus sis cessator occupatissime.

patissime. P. Satinè rectè vales, mi Stephane? s. Immo rectissime, quæ est Dei optimi maximi benignitas. P. Equidem ex animo gaudeo: tibiq; vehementer gratulor reditum istum incolumem. Vbi fuisti hoc toto anno? s. In Italia. P. Quam ob causam animum induxeras illuc proficisci? s. Ob famam regionis, de qua tam multa ubiq; prædicantur. Nec ignoras quàm simus rerum novarum cupidi. P. Sic est naturâ comparatum. sed quid illic invenisti? s. Certè multo plura quàm ex fama audiveram. Nam quodd ad regionem attinet, terra est longè fertilissima, omni optimorum fructuum genere valèe abundans præcipuè vino præstantissimo. P. Scilicet ea potissimùm res tibi arridebat. s. Ut verum fatear, mirè afficiebat palatum. Nam quale dicas hoc nostrum vinum esse? villum verè dicas, si cum illo compares. P. Inde ergo tibi se offerebat pulchrum Dei laudandi argumentum. s. Pulcherrimum. sic enim sæpe cogitabam, Quàm bonus es, Domine Deus, qui nos amavisti usq; ad delicias: non enim solùm ea creasti nobis ad victum, quæ terra sponte suâ producit; sed etiam tot genera rerum delicatissimarum, quæ si moderatè sumamus, & cum gratiarum actione; & corpore suavissimè nutriunt, & ipsum animum mirificè exhilarant. O quibus verbis, quibus operibus sæpiè dignè glorificemus nomen tuum, DOMINE. Deniq; sic afficiebar animo, ut nihil magis cuperem, quàm divinas laudes semper in ore habere: sed (proh dolor) aliis atq; aliis subinde conceptis cogitationib., ignis ille paulatim extinguebatur. P. Istud apud me non est novum: nam sæpe tale quid mihi solet accidere. s. Ea est natura nostra inconstantia. P. Horum ferè omnibus istud experimur. Sed quid tandem egisti in tua Italia? s. Invisi animi gratiâ aliquot urbes celebriores: alibi etiam studui aliquamdiu. P. Quas urbes invisisti potissimùm? s. Multas quidem vidi in transitu; sed paucas contemplatus sum otiosius nimirum Genuam, Florentiam, Venetias; deniq; Romam illam, quæ olim Mundi caput dicebatur. & postea,

ac nunc, Veræ fidei, & sanctæ religionis omnium Magistra. P. Sed in quibus tandem oppidū commoratus es studiorum grati-
 a? s. Româ rediens transivi Bononiâ, Patavio, Mediolano. In e-
 orum oppidorum singulis menses circiter tres versatus sum in
 vario literarum genere: volui enim è singulis pauca quasi
 degustare. P. Quid autem vidisti novi in tot celeberrimū oppi-
 dū. s. Rogas? serè omnia mihi nova videbantur. sed longum so-
 ret omnia tibi narrare; præsertim nunc, cum mihi aliò prope-
 randum. P. Quò tandem? s. Ad patrum, qui me ad cœnam in-
 vitavit. P. Nolo igitur te remorari diutiùs. sed quando licebit
 nobis magis otiosè confabulari. s. Cras à prandio, si volueris. P.
 Ego verò id percipio. s. Ad horam igitur primam expecta me
 in cubiculo. P. Fiet: hora est ad merandam opportuna.

COLLOQ: XXXI. ARGUM.

Officia domestici apud Iudimagistrum hypodidascoli.

MAGISTER, HYPODIDASCALUS.

QUI D? quod hūc diebus inter nos egeramus, satūne cogi-
 tasti? H. Etiam atq; etiam cogitavi. M. Ecquid placet tibi condi-
 tio quam obtuli? H. Maximè. M. Quid mensa seu convictus? H.
 Nihil ea re desidero. M. Quid restat igitur? H. Vt (si tibi non
 molestum est) præscribas mihi, quas operas à me tibi præstari
 velis. M. Id verò est aquisissimum. Accipe igitur præcipua officii
 tui capita; quorum hoc PRIMUM est:

Quotidie manè diligenter curare, ut omnes dome-
 stici mei discipuli maturè cubitu surgant, pro ratione
 temporistum hiberni, tum æstivi: Vbi surrexerint, ea-
 curent quæ ad cultum & munditiem corporis perti-
 nent: Postremò, ut adsint privatæ nostræ precatiōni.

SECUNDUM: Ter quotidie in aulam deducere;
 manè scilicet, & ante horam undecimam, ac tertiam
 pomeridianâ. Illic (nisi ego met adero) expectare do-
 nec aliquis ex doctoribus adfuerit: interea curare re-

citan-

citandos catalogos, & precationem dicendam. Item, Observare sedulo, num quis ex ipsis doctoribus absit ab auditorio suo. si quis aberit, mihi statim renunciare; aut ejus partes agere.

TERTIUM: Manere cum pueris domesticis, quoties non docentur in scholis suis: interea minores adlectionem, & scripturam instituere, cæterorumque repetitiones audire (quantum tempus, & oportunitas patietur) omnes denique in officio retinere, admonere, arguere, objurgare; virgis etiam, ubi opus fuerit, castigare.

QUARTUM: Feriatis diebus eos ad templum, ut devotè Missam, & attentè sacras conciones audiant, ordine deducere, ac domum similiter reducere.

QUINTUM: Quoties ludere permissum erit, subinde observare ne quid præter officium, & bonos mores vel factis, vel dictis admittant.

SEXTUM: Suppeditare illis ex pecunia, quam tibi in manus dabo, chartam, pennas, atramentum, & alia quædam, dumtaxat parvi pretii, necessaria: eaq; omnia in expensorum codicem referre. Id autem Mercurii & Sabbati potissimum diebus fieri solet.

SEPTIMUM: Quæ ad eorum libros, vestimenta & curam corporis pertinebunt, non negligere. hoc est, interdum ab illis librorum, & vestimentorum rationem exigere; valetudinis, & cultus corporis rationem habere; & alia ejusmodi in pueris præsertim minoribus, curanda, & observanda.

OCTAVUM: Docete pueros cum in classe mea, tum in cæteris, præter tres superiores; si quando necessitas postulabit.

NONUM: Interdum (si opus fuerit) me & domi & foris in privatis negotiis adjuvare.

Hactenus audisti quæ mihi abs te præstari velim officia, quæ-
 quæ etiam ab aliis domesticis hypodidascalis exigere soleam. Eo-
 rum tamen omnium non adeo severus exactor suero, quin ipse,
 quoties per otium licebit, aliqua tibi remittam, in quibus ego
 quasi vicarii partes agam. Intellexisti hæc omnia? H. Ego verò
 diligenter omnia. sed unum te oro; ut ad memoriam renovan-
 dam, des mihi eorum commentariolum; & simul cogitandi, ac
 deliberandi spatium. M. Quantum temporis postulas? H. Diem
 unum naturalem. M. Ego verò duos integros dabo. Interea (ut
 cœpisti) nullo tuo sumptu nobis perges convivere, & commorari
 tam liberè quàm si esses domi tuæ. H. Istud non sine humanitate
 faci: quo fit, ut majori beneficio me divincias. M. Habebis à
 prandio quod requiris commentarium. quamprimum me à tibi
 manu conscripsero. H. Quid si mihi dictares? M. Malim egomet
 scribere; ne quid fortè inter dictandum excidat. H. Ut libet.

COLLOQ: XXXII. ARG.

Studiofus quidam adolescens apud familiarem conqueritur de habi-
 tationis suæ incommoditate ad litterarum studia. Cupit in adibus
 scholasticis habitare. Narrat cur non liceat. Accenditur à condiscipu-
 lo. Consultant unâ de incunda ratione ad rem perficiendam. Con-
 silium proponit amicus, docetque exequendi modum. Hortatur ad De-
 um invocandum. Rarò bonum consilium. nisi juvante Deo, Deus qui
 dat consilium bonum, dat etiam effectum.

QUÆSTOR, BENIGNUS.

QUAM doleo me non interfuisse manè repetitioni vestre. B.
 Cur non venisti in ludum citius, ut fere soles? Q. Me miserum!
 non surrexi in tempore. B. Quamobrem? Q. Quia nemo me ex-
 pergesecit. B. Quis te solet excitare? Q. Hospes noster aut ejus
 ancilla. sed absente illo, ancilla sepe obliviscitur, aut certè ne-
 gligit. B. Vbi erat hospes? Q. Sub aurorâ prodierat ad sua nego-
 tia; ut postea rescivi. B. Quid hospita? nihilné curat? Q. Quid
 putas eam curare? quotidie, ex quo surrexit, semper intentæ est
 partim curandis filioli, partim cæteris domesticis rebus. B. Nul-
 losné habes contubernales scholasticos? Q. Prorsus nullos. B. Ab
 puer

puer infelix, qui neminem habes quocum de studiis conferas!
 Q. Ob eam rem mea est miserrima conditio quantum ego iudico. non enim possum arbitrio meo studere, propter tantam mercatorum turbam qui domum illam frequentant, & mihi toto die obstrepunt. B. Non habes tibi cubiculum. Q. Quid mihi prodest habere? est enim ita conjunctum gradibus & cochliis, ut ne felis quidem descendat aut ascendat, quin feriat aures meas aliquis strepitus. B. Magna profecto molestia. Q. Illa verò multo major, quod supra meum cubiculum est amplissimum conclave, ubi merces asservantur. unde sit, ut horum omnibus aliqua graves sarcinae vel importentur, vel exportentur. B. O Deum immortalem! quomodo illic potes vivere? Q. Quid agis, vivere? equidem non vivo; sed languero potius: neque unquam mihi videor esse liber, nisi cum sum in schola tecum una, & cum ceteris nostris condiscipulis. B. Quam doleo vicem tuam. Q. Utinam liceret mihi tecum habitare in his aedibus scholasticis. B. Nihil esset mihi jucundius. sed quid impedit? Q. Patris vetus amicitia cum illo hospite meo. B. Deberes patrem admonere de studiorum tuorum incommodis. Q. Saepe quidem monui & coram, & per litteras. B. Quid ille responderet? Q. Frustrà monetur? quasi sardo narratur fabula. B. Quid ita? Q. Quia nunquam in discendi ludo versatus est: ideoque in studiorum ratione nihil intelligit. B. Ego tamen, si mea res ageretur, omnem moverem lapidem, ut voti compos efficerer. Q. Quid, si praceptor ipse ad patrem tuum scriberet? B. Nunquam istud illi persuadere possum. Q. Cur non? B. Quia non vult ambire quempiam, ut discipulorum turbam sibi compareret. abhorret enim ab omni tum ambitione, tum avaritia. Q. Quid igitur mihi faciendum suades? B. Vnicum habeo consilium. Q. Ne mihi, obsecro reticeas. B. Ea res per amicos tentanda est. Q. Idem mihi quoque aliquando in mentem venerat. sed nunquam ausus sum experiri. B. Quid dubitas? Q. Vereor ut hoc parum succedat. B. Rei exitus est in manu Domini. sed quid

quæ tentare nocebit? Q. Tentemus sanè nihil enim mali (ut
 confido) inde potest accidere. At ego nescio, qua ratione hic utè
 dum sit. B. Dic mihi: non expectas ut brevi pater in hanc urbem
 veniat? Q. Spero venturum propediem. B. Quando igitur? Q. Ad
 Kalendas Quintileis. B. Optimè est. Scim' igitur, quid sit opus sa-
 cto? Q. Doce quaeso. B. Fac singulatim convenias duos aut tres ex
 paternis amicis precipuis, qui sint viri graves, & honoratis; nem-
 pe ut plus valeat eorum auctoritas apud patrem tuum. Q. Bene-
 mones. quid illis dicam? B. Narrabis diligenter omnes incommo-
 ditates studiorum tuorum. Q. Nihilné ampliùs? B. Docebi insu-
 per quonam modo tibi provideri possit, ut tempus redimas, quod
 apud istum hospitem tam misere hæcenus perdidisti. quod nisi
 eo remedio tibi maturè consulatur, actum esse de tuis studiis, &
 eorum progressu. Deniq;, ne ante destiteris monere orare, obse-
 crare; donec persuaseris, ut tibi promittant se acturos esse serid
 cum patre tuo negotium. Q. Quidsi recusabunt? B. Vix fieri po-
 test ut recusent omnes. Q. Non est verisimile; præsertim cum sine
 mei amantissimi, & mihi patris nomine gratificentur adeò li-
 benter. B. Ad hæc, res ipsa urgebit eos; nempe tanta studiorum
 tuorum jactura. Q. Pluribus verbis opus non est. Auxilio Dei
 fretus, aggrediar primo quoq; tempore. B. Sed interim memor
 esto, ut in divinis preces die nocteq; incumbas. Q. Ipso volente
 Deo, id curabo pro viribus. satis enim scio, nullum consilium mi-
 hi esse profutarum, nisi quo ad ille juverit. B. Sed jam tempus est
 ut domum te recipias; ne fortè hospes offendatur. Quid cessas?
 Q. Cogito ne quid prætermiserim de quo esses admonendus. B. Si
 quid alterutri nostrum præterea occurrerit, cras otiose tracta-
 bimus. Q. Vale igitur mi Benigne; & perge, quaeso, me tuis pre-
 cibus adjuvare, quemadmodum juvisti optimo consilio. B. A Do-
 mino Deo profecta sunt omnia; qui, ut consilium dedit, sic dabit
 effectum. Q. Ita fore confido. Iterum vale. B. Vale Quæstor suavissi-
 me.

COLLOQ: XXXIII. ARGUM.

Simulata oratione quidam condiscipulù familiariter objurgat, quòd

pecuniam a patre non petierit. Condiscipuli super ea re prudens responsum. Oblata occasio non est negligenda. Locus ex distichis moralibus. Naturâ tenacissimi sumus eorum quæ rudibus annis percepimus Beneficiorum divinorum agnitio. Iocari & irridere. Patrum prudentia in suppeditando filiis quæ opus sunt. Pueri tractandæ pecuniæ minimè sunt idonei. Improbi pueri neq; ob jurgationibus neq; flagris moventur. Omnis boni laus præcipuè soli debetur Deo. Fallendi consiliû nemo dare debet. Simulatio vultu regitur. Honestæ cõfabulationes in otio utiles sût. Latina lingua quib; adjumentis potissimùm cõparetur.

ATHANASIUS, BENIAMINUS.

SICCINE me insciente abiit pater tuus, ut mihi non licuerit eum convenire? **B.** Cur à prandio non venisti in diversorium ejus? **A.** Quia putabam tantum cras illum esse discessurum. **B.** Ego quoq; idem arbitrabar: sed noluit occasionem prætermittere quæ se ex tempore obtulerat. **A.** Adhuc ille meminit Catonis distichon illud:

Quamprimum rapienda tibi est occasio prima:
Ne rursus quæras quæ jam neglexeris antè.

B. Illud opusculum sic memoirâ tenet ut in eo videatur etatem contrivisse. **A.** Vide quantavis sit memoria in iis quæ rudibus annis didicimus. **B.** Ea est Quintiliani super hac re sententia, cujus verba, ut opinor meministi. **A.** Memini. sed (ut ad rem) quæ fuit patri occasio, ut antè discesserit quàm instituerat? **B.** Quidam Lugdunenses, quibuscum ad mercatum huc venerat. **A.** Aderasné, cùm profectus est? **B.** Præstolabar illum in diversorio. **A.** Unde scieras mutasse consiliû de profectioe? **B.** Eram in prandio? cùm inter ipsos convenerat, ut expeditis quibusdam reliquis in urbe negotiis, equos sub horam secundam conscenderent. **A.** Quod superest, saturnè ex animi sententia rem suam fecit? **B.** Ita feliciter, ut me ob eam rem ad divinas laudes vehementer hortatus fuerit. **A.** Tu nunc igitur opinor, bene numatus redi. **B.** Menèrides? **A.** Cur ego id facerem? **B.** Pro tua libidine. **A.** Quasi verò animi gratiâ soleam irridere ceteros. **B.** Atqui ita putabam. **A.** Longè aberrabas. nam aliud est locari, aliud Irridere, alterum caret vitio, estq; inter amicos satû frequens

quens; alterum est vitiosum, atq; odio dignum, utpote quod ex contemptu fere proficiscitur. B. Ignosce igitur mihi. A. Non gravis est culpa. Sed dic, rogo, nihil tibi pecunie dedit pater? B. Ne petivi quidem. A. Tamen sponte dedit? B. Aliquantulū. A. Quantum igitur? B. Perpusillum. A. Dic, sodes. B. Cur tam avidè inquiris? A. Ut amicorum more tibi gratuler. B. Nihil est gratulatione dignum. A. Fatere tandem quid sit. B. Soli asses quinq; . A. Hui tantillum! O stulte, qui non petieris duos, aut tres decusses argenteos. B. Non ausus sum. A. Quid verebare? B. Ut planè denegaret, atq; agrè ferret quòd peterem. A. Nunquam id fecisset, modò petendi causam addidisses. B. Credo equidem. sed quid cause attulisses? A. Rogas? nonnè sunt res sexcenta, quibus indiget usus scholasticus? A. Multa sunt, fateor. A. Tu verò adeo, & abundas rebus omnibus, ut tibi desit nihil? B. Immo desunt plerima, sed quibus facilè caream. Præterea satis novit pater quæ mihi opus sine tum studiorum causâ, tum ad victum, cultumq; corporis. A. Novit quidem; sed alia multa sunt illi & curanda, & cogitanda. B. Credo esse illi præcipuam liberorum curam. A. Sed nimis ab eo remotus es? B. Sine me pervenire quo volo. A. Agè, sino. B. Novit etiam pater me nondum esse idoneum ad rectè tractandam pecuniam. A. Cur non? an tu ad eam rem non satù etati habes atq; prudentiæ? B. Istinc absum longissimè, itaq; pater dedit præceptori in mandatù, ut omnia mihi suppeditet ad usus vitæ, studiorumq; necessarios; ad equam rem præbet illi quantum satù est pecuniæ. A. Esto. B. Ergo si quid à patre peterem, me statim ad præceptorem remitteret: fortassis etiam irasceretur, & me graviter objurgaret. A. Facile est objurgationem pati, modò ne sequantur verbera. B. Facile est, credo; sed iù dumtaxat, quos neq; pudor movet, neq; ulla parentum reverentia. Ego autem ipsa verbera ferre malim, quàm patris irati objurgationem. ex quo fit, ut sedulò caveam, ne quid illi præbeatur cause ad irascendum. id enim sub quinto præcepto di-

vina legū continetur. A. *Faciū ut pium decet adolescentem.* B. *Ejus rei laus non mihi sed soli Deo tribuenda est.* A. *Nēpe à quo proficiscitur quicquid nobis inest boni.* B. *Faxit ille, ut quæ bona inspirat nobis, ea sequamur animo promptissimo. Sed ut ad te redeam, serione reprehendetas quòd nullam pecuniam à patre rogassem?* A. *An ego te vellem ad fallendum patrem inducere?* B. *Mibi quidem non sit verisimile me tamen ipsum sefellisti.* A. *Quomodo?* B. *Quia serio loqui videbaris, ad eò aptè vultum verbis ipsis accommodabas.* A. *Sed quid censes de hac nostra confabulatione?* B. *Argumentum satis aptum dedisti nobis in hoc otio nostro vespertino.* A. *Ecquid habuit sermo noster quòd reprehendisset observator, si forte (ut solet) nos observasset ex insidiis?* B. *Nihil, ut opinor.* A. *Profectò verum est quòd saepe nobis præceptor inculcat.* B. *Quid illud est?* A. *Latina lingua copiam & facultatem comparari his potissimum rebus: saepe scribendo; confabulando; legendis auctoribus; Polonica Latine, aut Latina Polonicè convertendo.* B. *Ergo hū rebus diligenter nos exercemus, adjutore Domino Deo, in cuius manu sita sunt studia nostra omnia.* A. *Idem faxit ut ejus erga nos beneficia vero cultu dignūq; laudibus perpetuò celebremus.* B. *Hoc opus, hoc studium parvi properemus & ampli: hæc sit veterum summa suprema precor.* A. *Sed audi horologium.* B. *Nos opportunè admonet: itaque desistamus.* A. *Alioqui solis occasus nos hūc opprimit.*

COLLOQ: XXXIV. ARGUM.

Tres pueri pædagogū suū quasi de improvīso adeunt; suam quisq; pronūciat sententiā, ut ipsos ducat ambulatū: Concedit libenter. Sic studiosos pueros tractare decet, ut sint ad suū munus obeūndū alacriores

HONORATUS, VIVIANUS, PRATENSIS,

PÆDAGOGUS.

Quòd caret alternā requie, durable non est:

○ Hæc reparat vires, fessaque membra novat, Ovidius.

♥ Nec offenderit lusus in pueris: est & hoc alacritatis signum. Quintilianus.

PR: Nul-

PR: Nulla res est quæ perferre possit continuum laborem. Quintilianus.

PÆ: Video quorsum spectent ista; nimirum ut vos ambulatum ducam, sed eandem cantilenam semper fere recantatis; ut solent vestra aricula. H. Quid ergo vñ dicamus, præceptor? PÆ: Dicite posthac suam quique sententiam ex Cicerone. v. Euge; nihil eris nobis facilius, habemus enim in promptu multam earum copiam. Vñ ergo præceptor, ut jam nunc incipiamus? PÆ: Sane velim; quando (ut ai) tanta est vobis copia. v. Qui incipiet? PÆ: Tu Honorate, vñ honoris tui causâ hujus rei specimen edere? H. Id ego libenter faciam; sed Dei honoris causâ. PR: Laudo istud verbum. Divinus enim honor, & gloria omnibus in rebus est præferenda. Eja; incipe, si quid habes. H. Nihil est virtute formosius, nihil pulchrius, nihil amabilius. v. Difficile est mutare animum; & si quid est penitus insitum moribus, id subito evellere. PR: Non sunt imitandi mali medici, qui in alienis morbis profitentur se tenere Medicinæ scientiam; Ipsi se curare non possunt. PÆ: Euge, bonum specimen: videte ut progressus respondeat; hoc est, ut pergatis in posterum diligenter. H. Qui nobis principium dedit, dabit idem successus prosperos. PÆ: Ita sperandum est. Parate vos, ut prodire maturemus. H. Mox aderimus paratissimi. PÆ: Sumite suum quique pallium, ut prodeatis honestius. Sed heus pueri. PR: Quid vñ præceptor? PÆ: Videte ut musicos libros etiam adferatis: alicubi in umbra cantabimus. PR: Ita fiet ambulatio nostra jucundior.

COLLOQ: XXXV. ARGUM.

In vacatione scholastica studiosi adolescentes libèter quidè relaxant animos; nõ tamen omnino cessant, nec otio illo per ignaviã abutuntur. Fides etiam inimico servanda. Agendi affectus addit celeritatem. Solus Deus suorum ductor. Exemplum studiosis observatu dignissimum.

VNCHETUS, MARELLUS.

FUISTINE hodie in gymnasio? M. Vbi ergo fuisset? tu verò

quid agebas? u. Eram domi occupatus. M. Id evēnit præter mo-
 rem tuum; soles enim abesse rariùs. u. Quàm possam rariùs?
 quid autem actum est. M. Nihil prorsus. u. Ergo ne remissionem
 habemus? M. Certo. u. Quamobrem? M. Propter mercatum
 hodiernum. u. Quis dedit? M. Ludimagister; permissu tamen
 Rectoris. u. Quid concessit? M. Vacationem ab omni munere
 scholastico. u. An in totum diem? M. A mane usque ad occa-
 sum solis: tamen si diligenter, & multù quidem verbis admo-
 nuit, ut in otio de negotio cogitarem; ne cras in ludum ve-
 niremus imparati. u. Quid igitur nos? hoc cene abutemur otio?
 M. Id verò etatem nostram decet minimè. u. Tu ergo quid pa-
 ras facere? M. Me recipere in museolum: nisi fortè tibi magis
 placeat, ut sesquihoram aliquò prodeamus ambulatum. u. Ego-
 ne recusarem? immo nihil est quod nunc magis velim. nam &
 nos interea tractabimus aliquem sermonem litterarium, & si-
 mul corpus exercebimus. M. Eamus igitur extra muros. u. Quo-
 nam? M. Usque ad ripam lacus. u. Valde istud mihi arrides:
 sed tu (si placeat) me expectabis. M. Quamdiu? u. Tantis per dum
 crepidas eo mutatum calceùs. M. Vbi vis expectari? u. Ad por-
 tam prætoriam. M. At vide ne me fallas. u. An ego amicum fal-
 lerem; cùm sciam etiam inimico servandam esse fidem? M. A-
 bi. festina. ego dum te opperior, aliquid interim legam.
 u. Salve Marcelle. M. Quis iste salvator? u. Ecce redii. M. Eho!
 tam citò? mihi videris volasse. u. Nimirum affectus ipse pedibus
 alas addidit. M. Eamus nunc, ducente Deo. u. SOLUS DEUS
 est qui suos ducit ac reducit. M. Maturemus; satis longè
 hinc locus abest. u. Tanto meliùs prandebimus. perge.

FINIS.

